


IOACHIMI IOHANNIS
MADERI,

De

D V E L L O,
V T O R D A L E I Q V O N -
D A M S P E C I E,
D I S S E R T A T I O.

Adjecta sunt

PETRI GREGORII THOLOSANI, OLAI
WORMII, HENRICI BANGERTI, PHILIP-
PI CAMERARII, ALIORUMQUE,
de eodem
C O M M E N T A T I O N E S.



HELMESTADII,

Typis & sumtibus HENRICI DAVIDIS MULLERI,
Acad. Typ. M DC LXXIX.



REVERENDISSIMO

CELSISSIMOQUE PRIN-
CIPIS AC DOMINO,

DN. FERDINANDO,

EPISCOPO PADERBORNENSI ET MO-

NASTERIENSI, BURGGRAVIO STROM-

BERGENSI, S. R. I. PRINCIPI, COMITI

IN PYRMONT, ET DOMINO IN

BORCKELOHE, &c.


DOMINO SUO CLEMENTISSIMO,

FAUSTA FORTUNATAQUE
OMNIA

ANIMO DEVOTISSIMO
PRECATUR

JOACHIMUS JOHANNES MADERUS

Quod

 Vod in Heroicis Symbolis non
nemo facit, ut JULIUM CÆSAREM,
qui perpetuum IMPERATORIS no-
men in Romanum Orbem primus in-
vexit, terræ globo insistentem repræ-
senter, dextra gladium, sinistra librum
tenentem, cum hac inscriptione: EX UTRO-
QUE CÆSAR. Id si ad Te, REVERENDISSIME PRINCEPS,
accommodemus, næ id, jure optimo à
nobis fieri, censeriqueat? Quem enim
præterit excellens maxime eruditio
Tua, vel in ILLUSTRIMUM SEPTEM POEMATIS CON-
spicua, quos inter sic præfulges, veluti
dux ille & moderator siderum inter er-
rantia reliqua? Quis non cum admira-
tione intuetur PADERBORNENSIA TUA MONU-
MENTA, ea elegantia, eo acumine ingenii,
ea industria adornata; ea etiam doctri-
na Historiarumque varietate referta,
ut qui gravissimas ignorat, quas Patriæ
impen.

impendis, curas, id unum Te tota vita
egisse, putare possit? Ne dicam, quod
adhuc longe majus moliaris RERUM PADER-
BORNENSIIUM opus; cujus primum tomum,
ab *Augusti* Imp. temporibus, usque ad
Caroli Magni excessum, jam ante sex-
ennium, ut tum clementissime osten-
debas, absolveris, in altero vero de
EPISCOPIS PADERBORNENSIBUS, præter innumera
literarum publicarum monumenta, ul-
tra centum triginta (& forte nunc
multo plura) antiqua Cæsarum Di-
plomata, totidemque Bullas Pontifi-
cias, erudito orbi exhibiturus sis; vix ut
creditura sit posteritas, tot tantisque
rebus unum hominem, nedum Princi-
pem & Episcopum, potuisse sufficere.
Quod si ad militares progrediamur ar-
tes, cui non admirabile item visum, Te
Pacis huc usque Musarumq; alumnum,

hoc vix dum sopito in Germania bello,
pari felicitate arma, quam antea stylum
tractasse: non quidem ut hostibus insul-
tares, triumphos ageres, pomœria di-
duceres: sed ut Patriæ honestam pa-
cem, Tibi vero gloriam decusque im-
mortale parares. Quomodo & anti-
quisimos plane Reges animatos fuisse,
legimus; quos *ad fastigium illius ma-
jestatis, non ambitio popularis, sed spe-
ctata inter bonos moderatio provexerat:*
non etiam Romanos, licet ab æquitate
passim commendatos: quibus, si, quæ
socios defendendo ad se rapuerant, re-
stituere voluissent, *ad casus, juxta Car-
neadis effatum, fuisset redeundum.* Hoc
vero est, CELSISSIME PRINCEPS, ut res dant sese,
ita & *Numæ & Romuli memorem vi-
vere:* uti nec ipsam Pallada ob quid ali-
ud finxisse armatam volunt Poëtas, quã

ut in Principe bellicam virtutem cum
sapientia, indissolubili quasi nexu, con-
iunctam & copulatam esse debere, in-
nuerent. Dicerem, hoc ipso me per-
motum, ut tenues hasce chartas, Mar-
tem tamen suo modo spirantes, aude-
rem *Reverendiss. Celsit. Tuæ* humilli-
me consecrare, ni incredibilis illa hu-
manitas, qua me nullo meo merito
complexa dudum est, id totum sibi
vindicaret. Hæc enim Te impulit, EMI-
NENTISSIME DOMINE, ut, cum opuscula quæ-
dam mea ante annos aliquot forte vi-
disles, & amare me cœperis, & supra
laudatos divini ingenii Tui foetus, per
CONRINGIUM TUUM, clementissime mihi mi-
seris: cumque propterea grates Celsit.
Tuæ, prout par omnino erat, agerem,
non solum literis *ἰδιωγέτοις*, sed & mune-
re insuper splendido benignissime me


ornare volueris. Quorum omnium
memoriam, nisi grata prædicatione ex-
tenderem, ingratissimus mortalium si-
em. Accipere ergo dignaberis, REVEREN-
DISSIME PRINCEPS, hoc quicquid est libelli, à
grato animo & beneficii memore pro-
fecti, Tibiq; demississime dicati, ea frō-
te, qua alias levidensia mea admittere
solitus es, hoc est, hilari & lerena: & quē-
admodum magnus quondam Persarū
Rex eo latiore vultu excepit aquam, utraq; vola à sub-
dito sibi oblatam, quod ex Cyro flumine esset hausta:
sic ex inexhausto Antiquitatum, ut ita loquar, Oceano,
quas unice in deliciis habes, exiguam hanc particu-
lam, ne quæso, despice, sed pro Tua singulari comitate
& mansuetudine gratam acceptamque habe: meque
porro patere in eorum esse numero, qui Te serio vene-
rantur & colunt. Ego vero precabor Deum, ut *Reve-
rendiss. Celsit. Tuam* quam diutissime salvam conser-
vet, atque omnifelicitate bect, Dabam Scheningæ, V.
die Septembris, Anno cło Io clxxix,

LECTO-

LECTORI BENEVOLO

S. P.

UNdecim jam præterlapsi sunt anni, cum hanc *DE DUELLO* dissertationem, rogatu Viri cujusdam Nobilissimi, jam facti perfuncti, qui tum de Consuetudinibus Germaniæ nostræ moliebatur opus, Epistola primum complecterer. Quæ cum tacitis deinceps augeretur incrementis, jam luci creditur. Quamquam libentius promissa jamdudum *CHRÓNICA*, hæcenus inedita, vel quæ aliàs à me antiquis monumentis sunt eruta, & vulgasset, si fuissent, qui voluissent in ejusmodi, majora præsertim opuscula, sumtus impendere. Proinde ut quimus, quando, ut volumus, non licet. Addidi & aliorum de eodem argumento commentaria: in quibus Petrus Gregorius Tholosanus formulas & ritus duellorum, ex Gallo-
lotum præcipue studio & invento, perstringit: uti Cl. Wormius Danorum ea in parte consuetudines recenset: Vir etiam doctissimus Christianus Flemmer, Ser.^{mo} Brunsvicensium & Lüneburgensium Duci, DN. ANTON HÜLDERICO, Domino meo clementissimo, à secretioribus literis, misit, quæ in fine libelli comparent, ex Vullonii Theatro Honoris equestris, excerpta, à se de Gallico Latine versa, Duellorum istiusmodi exempla quedam illustria. Quæ si non ingrata Tibi esse intelligam, dabo operam, quantum in me erit, ut & reliquorum, quæ pollicitus sum, juvante Deo, aliquando compos fias. Interim
vale, & bene rem gere.



De
DVELLO,
Ut
ORDALEI QUONDAM
SPECIE,
JOACHIMI JOHANNIS MADERI
DISSERTATIO.

Inter ORDALEA Veterum, seu *Vulga-*
res, ut vocant, *probationes*, quibus veri-
tatem culpæ vel innocentiae alicujus pa-
te fieri posse persuasum habebant, viguisse
olim & tantum non principem obtinuisse
locum, quod Dei iudicium non uno loco Longobardi-
cæ Leges, *Gladiatorium iudicium* a Sigebertus, *singula*
rem pugnam Sulpitius Severus *b* & Aimoinus; *c* *Sin-*
gulare certamen Fredegarius Scholasticus *d* & Paulus
Diaconus; *e* *unius ad unum collisionem*. Dantes Alige-
rius, *f* Græci *μνομαχία*, vulgo *Duellum* dixerunt;
ex frequentissimo ejus, præsertim in Aquilonariis
terris, usu, sic satis manifestum est. Neque enim Eru-
ditorum quenquam facile later, quantum illarum
gentes singulæ universæque, Scythicæ omnes origi-

a Ad an-
num 942.
b Lib. 1.
pag. 167.
c l. 1. 1. 1. 1.
R. 1647.
d l. 1. b. 4.
cap. 21.
e l. 1. b. 1.
cap. 31.
f l. 1. b. 1.
cap. 2.
l. 1. b. 2.
de Mo-
narch. p.
186.

7 Ap. Cicet. nis, atque rem ferro mage, ut Ennius loquitur, g quam
 Epist. III. ex jure manum confertum repetentes, gladiis suis tribue-
 lib. 3. rint; quomodo propriis eos nominibus appellando,
 Gellii lib. (velut de Arcturi Britanniae regis Caliburno, ex Vincen-
 20, cap. X. tio tradit Magni Chronici Belgici Auctor, h de Ro-
 b Pag. 17. landi Durenda vel Durenda Turpinus i & Paulus Me-
 Tom. III. Pistor. rula; k de aliorum Heroum ensibus, scilicet Skerp;
 i De gestis Caroli Lovi, Snurtir, Linsing & Huiting, l Saxo Grammati-
 cap. 22. cus, aliique prodidere:) Nunc in templis Deo alicui
 & Lib. 3. consecratos reposuerint; m quo sic bene de bello cru-
 Cosmo- graph. cap. 34. enti & meliores homicida laudem sua consecratione pensa-
 i Vide Ste- rent: Aequae ut apud Horatium- n Vejanus gladiator
 ptan Notis ad Sax p. 73. nobilissimus, post multas palmas, ut ibi ait Aeron, o
 m Tertul- lianus lib. armis
 de resurr. variis, cap. 16.

Herculis ad postem fixis latet abditus agro:

16. Quod nec alias ab hominibus militaribus in illa Ter-
 m Epist. i. rarum Deagentiumq, Roma alienum fuisse, luculentissimi
 lib. 1. testes sunt Iustus Rycquius p & Iacob. Philip. Thomasi-
 o Pag. 709. nus, q elegantibus de Capitolio ac de Donarius & Tabu-
 edit. Balli. lis Votivis commentariis: Modo illos concubinos habue-
 527. rint, atque, ut rursus doctissimi Patrum utar verbis, ho-
 7 Cap. 28. micidiis ebrios, secum sepeliverint, tanquam gloriae ac for-
 7 Cap. 22. tuna suae vindices: r uti cuidam in Gothia saxo vetusto
 i Tertull. d. l. inscriptum fuisse, refert Olaus, ille Magnus: s
 o Lib. i. cap. 29.

DOMITOR VIOLENTORUM,
AC DEFENSOR OPPRESSORUM

CICA

CICATRIBUS ET SENECTUTE PLENUS,
GLADIOQUE CINCTUS,
HIC SITUS SUM INGOLFUS.

Et ex M. Brynolfo, de quodam Biarcone insigni athleta
narrat Stephanus Iohan Stephanus, et quod nongentis
non minus annis post, quam cum Roluone Danorum
rege eidem tumulo fuerat illatus, ab alio viro forti, cui
Skeggo nomen, sit inventus cum rege sedens, gravi arma-
tura indutus, et insignem, stupendamque cici gladium tenens;
quem iste Skeggo ex illius dudum mortuis torpidisque manibus
nullis viribus potuerit avellere. Modo pro numinibus
eosdem coluerint, divinosque ipsis impenderint ho-
nores; sive quod, cum hominibus vita et morte nihil sit ma-
ius, gladius mortis esset auctor, ut Toxaris apud Lucia-
num, et sive quod Deos per illos venerarentur, ut Julianus
ait, et gladiumque Martis signum putarent: excusan-
te ita etiam idolorum culturam Philosophorum sum-
mo Maximo Tyrio; y quod, cum infirma sit oppido huma-
na natura, καὶ dies ὡς τῷ θεῷ, ὅσον ἐρανὸς γῆς, tan-
tumque à divina, quantum à cælo terra, recedat, Legulatores
ejusmodi ἀγαλματὰ seu imagines, σημεῖα τῆς πρὸς τὸ
θεῖον τιμῆς, καὶ ὡς περ χειραγωγίαν τινα, καὶ ἀνάμ-
νησιν, honoris divini quasi symbola quedam vel notas inve-
nerint, quæ ad memoriam Dei, quasi manuductione quadam
ad viam deducerentur.

Et de Scythis quidem diserte Clemens Alexandri-
nus: et Παλαι μὲν οἱ Σκυθαὶ τὸν Ακινάκην προσε-
κύνον. A 2

Notis ad
Saxon.
pag 73.

pag. 85.
Tom. II. c.
dit. Sal-
mur 1619.
x pag. 573.
ed. t. Paris.
1630.
y Dissert.
38 p. 379.
edit Lugd.
B. 1614.

z Admo-
nit. ad gæt.
pag. 19 c.
dit. Paris.
1641.

4 Pag. 41.

ibid.

6 Pag. 1. c.

dit. Basil.

1578.

Lib. 2. pag.

42 edit.

Basil.

4 Cap. 15.

Lib. 31 p.

470. edit.

Hamburg.

1609.

f Herodot.

lib. 4. cap

62.

xúvzv. Scythæ antiquitus adorabant acinacem : quod dein
 ex Eudoxo & Ictio repetit, a nec Epiphanius lib. 1. adver-
 sus Hæreses intactum reliquit : b ut Melam taceam, c
 Solinumq, quorum hic clarissime : d Populus istis Deus
 Mars est, pro simulacris enses colunt : & Ammianum, e ab
 Alanis gladium barbarico rito nudum humi fixum, velut Mar-
 tem, regionum, quas circumcunt, præfultim verecundius cul-
 tum, longe clarius profitentem : cum omnes illos in
 describenda totius cultus ratione vicerit, non imme-
 rito dictus Historiarum pater, libro, qui ipsi M. Ipome-
 ne est, inquit : f Marti sic prisca ritu apud Scythas tale
 exstruitur templum. Sarmentorum fascies aggeruntur, etrium
 in longum latumq, stadiorum, minoris tamen sublimitatis.
 Desuper quadrata planities efficitur. Tria latera prærupta
 sunt, quartum acclive, per quod ascendatur. Eo comportant
 quot annis centum quinquaginta plaustra sarmentorum. Nam
 semper illa propter cæli temperiem marcescunt. Sub hac con-
 gerie ferreus acinaces, qui singulis vetustior est, statuitur,
 καὶ τῷ ἐστὶ Ἀρηῷ τὸ ἄγαλμα, Idq, est Martis simu-
 lacrum. Huic vero acinaci annuas hostias offerunt, cum alio-
 rum pecorum, tum equorum ; & plus huic acinaci quam cæ-
 teris Diis. Ex captivis quoq, centesimum quemq, immolant,
 non eodem, quo pecora, modo, sed diverso. Nam ubi eorum
 capitibus vinum libaverunt, ipsos intra quoddam vas junc-
 lant. De hinc eisdem in sarmentorum congeriem sublatis, κα-
 ταχέσσι τὸ αἷμα τῷ ἀκινάκει, acinacem cruore per-
 fundunt.

Non

Non ergo mirum, si Deo suo arbitro ac testē lites
 diremerint, ipsiusque voluntati ac nutui remque
 seque, ipsamque adeo vitam permiserint: imo ma-
 xima reipubl. momenta ab armis pendere voluerint,
 per arma etiam in solemnibus pactis & foederibus ju-
 raverint, ut quidem rursus *Ammianus de Quadis* lo-
 quens: *g Educlis mucronibus*, quos pro numinibus colunt,
 juravere, se permansuros in fide. Et *Aimoinus*, Saxonum
 pactum cum Dagoberto commemorans, id quidem
 sacramento super arma (ut eis mos erat) firmatum, sed nulla
 factorum efficacia stabilitum, ait: h ceu *Alamannorum* de-
 incept, jam Christianorum optimates, anno *Arnolphi*
 regis secundo, in placito, in villa *Dürroheim*, apprehensis
spathis suis devotaverunt, se, quae sacramento confirma-
 sent, ita affirmaturos esse coram Regibus, cunctisq. Princi-
 pibus, usq. ad sanguinis effusionem: i & apud *Polonos*, *Mie-*
cislao primo Christiano Principe, mos iste inolevit, ut bomi-
 nes *Equestris Ordinis* in templis, dum sacerdos apud altare
 pronuntiaret, ex quo *Evangelista* recitaturus esset *Evan-*
gelium, gladium mediotenus stringerent, quasi prostentes,
 mortem sibi prius optendunt, quam a suscepto semel *Evan-*
gelio, & religionis professione discedendum: chero autem
 respondente, Gloria tibi Domine; rursus recondere: re-
 ferente *Herburdo Histor.* *Polon.* lib. II. cap. I.

Quaquam & alias gentes vel gravissima quæque,
 in disceptationem venientia, armis dijudicare con-

Lib. 7. p.
116.Lib. 4.
cap. 26.Pag. 74.
Tom. II.
Antiq. Ala-
man. Gol-
dasti.

suevisse, testetur in Historia sacra *Davidis* cum *Golia-*
tho k confictus: *Horatiorum* item l & *Curiatorum* apud
 Romanos; *Timoëthi*q Atheniensium, & *Melanthi* The-
 banorum Ducis, pro orta inter hos & illos de *Celenis*
 vel *Melenis* lite, commissio: in cuiusmodi exemplo-
 rum librum jam olim se concinasse *Athenæus* innuit
 lib. IV. cap. 13. ubi & ex *Posidonii* XXIII. recenset, quem-
 admodum apud *Celtas* temporibus priscis consuetudo fue-
 rit, ut appositis pecudum artubus femur sumeret strenuissi-
 mus. Quod si quis alius id sibi vindicaret, ad alterius usq in-
 teritum inter se pugnarent. Imo & τῶν μονομαχῶν τῶν
 εὐγελας solitarii certaminis inventores, ex *Hermip-
 po Mantinea* facit; nisi hæc cum *Iusto Lipsio* n de gla-
 diatoribus, quos *Romani*, quibus ejusmodi cædes &
 lanienæ pro oblectamento erant, magno numero ale-
 bant quondam, intelligere malis, cum hisce duellato-
 ribus nostris more quorundam (licet & eorum pugna
 audierit *Monomachia*) nequaquam confundendis. De
Umbris (ὀμβρινῶν) utique ex *Nicolao Damasceno* nar-
 rat *Stobæus*, o quod, si controversias inter se haberent,
 pugnaverint armati, sicut in bello, & qui suos adversarios
 interemerint, justiorem causam habuisse visi sint. Germa-
 ni etiam, auctore *Tacito*, pejus gentis, cum quo bellum es-
 set, captivum, quo quo modo interceptum, cum electo popu-
 larium suorum, patriis quemq armis committebant: victo-
 ria hujus vel illius pro ludicio accipiebatur. Ad quem lo-
 cum

(Samuel. 1.
cap. 17. Jo-
seph lib. 6.
Antiq. cap.
XI.

(Flor. lib 1,
cap 13, Liv-
ius lib 1.

cap. 24.
Refest.

Poliznus
lib 1, pag.

25, Eton-
tin. lib. 2,

cap 5, Pno-
tius in Bib-

lioth. pag.

449, Sui-
das in

Lib 1, Sa-
lurn. cap. 8,

, Vide Ex-
cerpta Va-
lelii pag.
513.

p Lib. de
morbis
Germ. cap
X,

cum vide , quæ egregie scripsit Vir Cl. *Matthias Berneggerus* Quæst. Miscellan. Ll.

Sane quod p̄st Barbarorum in *Italiam* irruptionem truculentus ille mos , tam criminales , quam civiles causas per *nomachiam* decidendi , apud *Longebardos* , *Germanos* , *Francos* , *Angelos* , *Hispanos* *Moschos* & *Danos* demum obtinuerit , ut laudato ante *Stephano* visum , q̄ potius ita interpretandum fuerit , quod per eas nationes in *Italiam* , *Galliam* , *Britanniam* , *Hispaniam* , illa ratione tunc primum sit introductus , prout unaquæque gens modo hanc , modo illam provinciam , citius serius , Imperio detraxerat , quam quod ab *Italis* eum didicerint : præsertim cum apud istas gentes jam longe ante in usu fuerit ; ut vel dictorum jam *Vmbro*rum exemplo probari haud difficulter potest ; qui , siue *Gallorum veterum* fuerint *propago* , ut *Solinus* cap. VIII. censuit ; siue à *Gallis Senonibus* , circa annum U. C. 360 , ipsorum terram occupantibus , juxq̄ se in armis ferre , vel *Livio* teste , & gloriantibus , istum edocti fuerint , multis ante seculis suorum controversias sic dirimere consueverunt . Ne dicam , quod *Frotho Magnus* , ab eodem *Stephano* , eadem pagina memoratus , qui tempore nati *Servatoris* & *Gothis* & *Danis* fertur imperasse , inter alias hanc legem tulerit , ut de qualibet controversia ferro dextereretur : ac de *Germanis* in *Quintilii Vari* gestis tradat *Paterculus* , s̄ *Frothoni* fere contemporaneus , quod

9 Pag. 129
in Notis ad
Sax.

Lib. V.
cap. 16.

Lib. II.
cap. 110.

quod fiste illi gratias egerint, utpote, solita armis discerni,
jare determinant. Quibus etiam gentibus omnibus nos
iste eo diutius adhaerit, quo vel atrociores, vel supersti-
tiosiores essent; prout nec alias dedisci vel immutari
facile aliquid solet in patriis moribus, ipsis earum regi-
bus, ut magnam partem liberrime electis, ac propterea
certis legibus & conditionibus circumscriptis, etiam
cum Christianam fidem essent amplexæ, ne hiscere
quidem longo tempore contra ausis.

Claret id quam maxime ex Rotharis LONGO-
BARDORUM regis verbis, non uno loco in di-
versis ipsorum Legibus conspicuis: quibus licet in-
genue fateatur, t grave, inpium, injustum, absurdum &
impossibile sibi videri, ut aliqua grandis causa sub uno scuto
dirimatur, vel homo per unam pugnam omnem suam substan-
tiam amittat; incertumq, se esse, scribat, a in parte de judi-
cio Dei, quod multos audiverit sine justa causa suam perdi-
disse: tamen addit: u se propter consuetudinem impiam gen-
tis legem vetare non posse. De FRANCIS vero Fri-
dericus II. x, eos suis adhuc temporibus personarum
suarum, plurimumq, rerum suarum omnium, aut majoris par-
tis earum, fortunam in monomachia posuisse. Nam quod
ante idem veteri instituto fecerint, Bernhardus qui-
dam, Ludovici Pii Camerae Praefectus apud hujus Vitæ
Scriptorem, satis demonstrat; y dum stupri accusatus
Imperatorem adiit, modumq, se purgandi ab eo quaesivi-

MO-

Lib. II. LL.
Lo gob.
Tn 55.

ibid lib.
T. Tu 9. L.
21.

Lib II,
Conat Si
cul. ut 32.

pag. 396.
coll. Vi-
tuch.

MORE FRANCIS USITATO scilicet crimen ob-
 jicienti se objicere volens , armisq; impacta diluere. De
 GERMANIS Laonicus Chalcocondylas , Histor.
 Turc. lib. II. 2 Monomachia apud eos vel maxime celebris 2 Pag. 306.
edit. Basil.
1562.
 est. Congrediuntur verò , non equis insidentes , verum terræ
 insistentes. Græca Cl. Freherus Tomo II. Rer. Germ.
 inseruit : Νομίζεσθαι δὲ παρὰ τοῖς καὶ μονομαχία,
 μάλις δὲ τῶν ἄλλων ἐθνῶν. ὥς γῆθεν, ὅδ' ἐφ'
 ἵππων ἀλλήλοις μονομαχεῖν : & minus, ut videretur,
 congrue , de exercitatione illa explicat , qua Germana
 pubes festivis diebus per varia armaturæ genera , bastas,
 gæsa , enses retusos , pugiunculos ligneos , publico spectaculo
 inservit. Neque enim hoc adeo ad illorum laudem,
 quam plenis ibi buccis Laonicus concelebrat. Rectius
 Olaus Wormius lib. IV. Monumentorum Daniæ,
 quod ad Germanos non minus, quam ad Danos perti-
 net : Majores nostros ea religione arma tractasse legimus,
 ut nihil non facerent armati. Epulabantur armati, concilia
 armati inibant , pæditiones armorum contactu firmabant ; ar-
 mati etiam jurabant , vel armata dextra , vel super armis
 etiam honoratioris alicujus , vel propriis. Vnde & armorum
 ademptio apud omnes gentes gravissima est habita. Quidam
 qui disceptando controversias finire nequiverant , aut no-
 luerant , pæcti inter se, ut victorem res sequeretur , ferro de-
 cernebant. Aventinus vero , cum & de singulari certa-
 mine disseruisset , & de probatione Aquæ calidæ &

Lib. 4.
Pag. 449.

Ferri candentis quædam addidisset, adjicere non dubitavit : a Atq; hæc, tantum absuit, ut impia judicarentur, ut sanctissimos Pontifices, Principes Christianissimos, viros ac feminas sacratas, usurpasse istas purgandi ceremonias inveniam. Istud tumerat sapere, fidem Deo habere, omnem spem in ipso collocare. Nostro seculo nihil minus!

Lib. 2.
L. L. Lon
cobard.
T. 11. 55. l.
35.

ibid. L. 23.

de hemer.
E. und Tom
IV, pag. 12.

Sigebert.
ad ann.
942.

spag. 78.
Tom III,
Pag. 101.

Ex quibus vero patet, quam alte institutum hoc ipsorum animis insederit : cum in Italia, seculo à nato Christo X. lege introducta, ut, si de prædiis aliqua contentio emergeret, jurejurando quis id asserere & vindicare cibi posset : hic ipse mos, tanquam detestabilis improbusq; sublatus, b omniumque Principum & ipsius Papæ rogatu, Veronæ in generali colloquio, per pugnam judicium, à Christianissimo Imp. Ottone Magno legatur institutum : etiam multo ante Karolo Imp. ejusdem cognominis longe melius esse statuente, c ut, qui crimen ingereret, & qui se defenderet, in campo cum fustibus potius contenderent, quam perjurium patrarent in absconso. Quid? quod seculo illo X. teste Attone Episcopo Vercellensi, d duellum nonnullis in locis adeo solemne esset, ut nec personæ Ecclesiasticæ ab eo fuerint immunes; Ortaque sub eodem Ottone e inter Principes dissensione, de varietate legis, utrum deberent a vis superstitibus filii filiorum post parentes defunctos hereditare, an exhereditatis fratrulibus (fratrum mortuorum liberis, explicat Chron. Magnum Belg. f) deberet hereditas ad viventes patruos redire : ex
regis

regis Ottonis, omniumq; Principum sententia cognitio veritatis commissa gladiatoria iudicio fuerit, cesseritq; victoria his, qui censebant, fratrum filios debere cum patribus, (scu, ut rectius Witechindus, gpatruis) hereditare. Seculo ^{Lib. 2.} vero XII. cum Fridericus Barbarossa, Henrico Leoni, ^{pag. 37.} Bavarix Saxonixque Duci lesæ majestatis crimen inferret, Principesq; & Barones, fautores Ducis, contra Imperatorem hoc jus tenere vellent, quod Imp. Ducem condemnare non posset, vel terras abjudicare, nisi infra terras suas placitum constitueret; quidam nobilis exsurgens in medium proposuerit, quod **LEGE DUELLIONUM** (duellatorum) hoc vellet obtinere contra quemlibet, secum pugnare volentem; quod Imperator posset quemlibet Principem vocare pro justitia ad locum, quemcunq; vellet, infra terminos Imperii sui existentem. Cum nullus ei se offerret ad pugnam, edicto Imperatoris præfata sententia pro jure perpetuo statuta fuerit, velut quam non dubium esset, auctoritate & ratione firmari. h

Hinc illæ tam in Longobardorum, quam in Bai VVariorum, Angliorum, Ripuariorum, Saxonumq; legibus antiquis passim obviæ locutiones: Per campionem se purificare; i campo se innocentem comprobare, k efficere; per pugnam se defendere, mundare; l per pugnam veritatem decernere, invenire; m per pugnam se purgare, idest, per campionem; n per pugnam, idest, per campionem, desuper se crimen ipsum epicere, o per pugnam ad Dei iudicium decernere;

Abbas
Dispersio
pag. 127.
edit. Ar-
gent.
1609.
L. Lon-
gob. lib. 1.
Tit. 32.
cap. 3.
L. Angl.
lit. 7. &
14.
L. Lon-
gob. Tit. 35.
c. 9. & 12.
lit. 2.
= bud. c. 36.
& 37.
= 10. Tit. 3.
c. 6. Lib. 1.
= 10. Tit. 1.
c. 7.

Tit. 16. p per duellum se defendere; q cum campione suam querere ju-
c. 2.
Tit 9. stitiam; r cum campione se defendere cincto, id est, pugna
c. 39.
L Boio. duorum. s

Tit. 9. Nempe si quis ipse non posset in campum exire, forte,
c. 2.
ibid. Tit. si quem etas juvenilis aut decrepita, seu infirmitas pugnare
12. c. 8. prohiberet, sicut rursus voluit et Imp. Otto, licebat ei
L. L. Lono. pro se pugnatores ponere, et alteri similiter facere; quem
gob. lib. 2. CAMPIONEM Leges, ac similiter Glossæ Isidori &
tit. 55. c. 38. Pithoci (à campo, id est, pugna, Kamp seu duello, ut Glos.

sa Germanico. Latinæ) Germani Kämpfer vel Kämpfer
postremo hoc quasi Sieg Kämpfer vel Sieg der Kämpfer
dicto: Teutonibus vel à robore et virilitate, id quod in
Germanis ipsis (quos item à Guerra, id est, bello, qua-

si Guermans deducunt Joh. Gerb. Vossius, u & Jacobus
Palmerius) x Marcomannis, Nordmannis, Alemannis,
videre est; vel à bello, pugna et victoria, nomina assumen-
tibus, sicuti etiam annotavit Wolfgangus Lazius. y

Neque enim Plutarchus hic audiendus, cum in Vita Ma-
rii inquit: ὅτι Κίμβρης ἐπονυμάζοντο Γερμανοὶ τὰς
λῆσας; id quod Paulus ex Festo; Cimbri lingua Gallica
Latrones dicuntur: Cum, ut rectissime Scaliger, a non
magis Cimber Latronem significet, quam Isaurus piratam,
Ambro dissolutum ac voracem: Ipsique quidem Septen-
trionis reguli, quos Fylkiskongar, populi reges, ad diffe-
rentiam verorum regum, quos Diodkongar, gentium re-

ges, appellatos, scribit *Olaus Verelius*, b quod maris latro-
cinium, etiam *Justino* affirmante, e priscis temporibus ha-
beretur gloria, piraticam exercuerint; sed ita, ut ipsis
potius apud Romanos *Monozoni*, (qui *Suida* οἱ τίμιοι
τῶν στρατιωτῶν, καὶ μὴ τὸν αὐτὸν τοῖς ἄλλοις ζωσῆ-
ρα φορῶντες, ἢ ἀσύντακτοι, καὶ ὡσανεὶ ληστές. *Dignio-
res militum, cingulo eximio à cæteris differentes, ordinem
non observantes, & tanquam latrones*) propterea fuerint
comparandi; prolixè item eos excusante *Crantzio*, Sa-
xonix lib. I. cap. 9. Præsertim cum non † quosvis imbelles,
aut navigatione victum quærentes, obruerent, sed hostes sal-
tim, aut eos, quos scirent hac arte celebres & præstantes, quig
opum ingentem vim bello maritimo acquisiverant.

Quamvis, ut ad campiones redeam, ejus conducendi vel
eligendi copiam ad reum tantum restringat *Aventinus*, d ac
criminatorem ipsum pugnare coactum putet: *Longobardica*
vero leges e etiam à parte rei excipiant, qui infra treugam
(pacem vel inducias) post osculum pacis, aliquem interfecis-
set, & negare voluisset: Item, f qui propter cupiditatē rerum,
patrem aut matrem, aut fratres aut sorores, aut nepotem, vel
aliquem suum propinquum, per se aut per alium interfecisset.
Tum & *Regula militaris ordinis*, sive *Equitum Aurato-
rum*, quos mediæ ætatis *Scriptores* simpliciter *Milites*
appellant, inter alia continebat: *Viduas, pupillos ac or-
phanos, in eorum necessitate protegere; pro liberatione cujus-
vis innocentis duellum inire, ut ex Chronicis Hollandiæ*
Auctor Magni Chron. Belg. g

6 Notis ad
Hist. Gottri-
ci pag 75.
Lib. 43, c 3

† Wormius
lib 4. pag.
169.

d Lib. 4.
pag 248.

e Lib. 1.
T. 1. c. 38.

f libid Tit.
10, c. 4.

g Tom. III.
P. 10. or.
pag. 525.

Annals Lib
IV. pag.
248.

LCJP 46,
pag 440

Causas, ut & exempla Monomachiae illustra, cum in
Commentationibus suis congefserint, quos subjungo,
celeberrimi Viri, hic prolixè memorare supersedeo.
de Recurrebatur ad eam, verba sunt Dantis Aligherii, h magni
illius adhuc seculo XIV. patroni, ne justitia derelicta ma-
neret, ubicunq; humanum judicium deficeret, vel ignorantiae
tenebris involutum esset: adeoq; per eam, de libero consensu
partium, non odio, sed amore justitiae, per virium tam animi
quam corporis mutuam collisionem, divinum judicium postu-
labatur. Majores nostri, (inquit Aventinus, i non minus
seculo superiore ejus propugnator strenuus) magis
Deo, quam sibi confisi, plus divinae justitiae ejusq; promissis,
quam suo ingenio aut sapientiae innitebantur: potiusq; cele-
stibus decretis, quam suis opinionibus stabant. Officiis omnibus
atq; actis numen supremum interesse voluerunt, eaq; demum
rata haberi, cum divinum aspicium addixisset. Cuncta quasi
in theatro superum despectantium, in conspectu Dei Opt. max.
geri statuerunt. Proinde in causis ambiguis, maxime crimini-
bus, quae nullo testimonio humano probari poterant, ad cele-
stia beneficia, ad summam majestatem, quae falli non potest,
tanquam ad arbitrum honorarium, & judicem omnium con-
fugebant. Quibus addi potest causa triplex, ab Elia
Sehedio ex Bernhardi Sacci Historia Ticinensi, libro de
Dus Germanorum inserta. I. Prima scilicet, legum dese-
ctus, quibus ambigni casus resolverentur. II. Quoniam à ma-
joribus suis in Scandia eum morem receperant, bellisq; assueti,

in promptu semper existentibus armis. ut familiarissimam & compendiosissimam æquitatis declarandæ rationem, amplexati fuerant. III. Ne propter similitudines privatas paucorum, gentiles cruenta inter se miscerent praelia.

Itaque apud ANGLIOS etiam in privatis causis, Lex Anglorum Tit. XV. à duobus solidis usq; ad maximam compositionem, in furto & vulnere, campus judicabat. Similiter homo in furto occisus non solvebatur, sed si proximus ejus diceret, innocentem occisum, campo eum comprobabant innocentem. m. Qui domum alterius incenderat noctu, si negabat, cum undecim jurabat, aut campo decernebat. Apud SAXONES in controversia de terra aliena invasa: n. Qui terram suam ab alieno occupatam dicebat, adhibitis idoneis testibus probabat, eam suam fuisse, si occupator contradiceret, campo dijudicabatur. In BAIWARIA si quis initiaret messes alterius maleficis artibus, si negare vellet, cum XII. sacramentalibus jurabat, aut cum campione cincto se defendebat. LONGOBARDORUM moribus, p. si quis puellam aut mulierem liberam, quæ in alterius mundio esset, fornicariam aut strigam clamasset, & perseveraret ac diceret, se probare posse, per campionem causa, id est, per pugnam ad judicium Dei decernebatur. Quicumque item veneficii, aut cujuslibet furtivæ mortis, aut de facto, aut de consensu accusatus, negare voluisset, aut per duellum, si liber esset, aut si servus, per judicium ferventis aquæ se defendebat. q. Quod si & mulier in morte mariti consiliata fuisset per se, aut per suppositam personam,

Lex Anglorum Tit. XV.

ibid. Tit. 7. L. 4. & Tit. 8.

L. Saxon Tit. 15.

Lex Bajuvar. Tit. 12 c. 3.

L. Longob. lib. 1. Tit. 16. c. 2.

1b. Tit. 9. c. 39.

sonam, & illa negaret; licebat parentibus eam purgare, aut per sacramentum, aut per pugnam, id est, per campionem.

Cum primis observari merentur formulæ solemnes ac ceremoniæ, in judiciis ante pugnam adhiberi solitæ: cujusmodi suggerit Lex BAIUVARIORUM, Tit. XVI. de Testibus & eorum causis: Mendacium jurasti contra me: sponde mihi pugnam duorum, & manifestet Deus,

ibid. ca. 2.

si mendacium an veritatem jurasti contra me. r Pariter si quis apud eosdem super hominem mortuum testari vellet aliquam causam, illi alius poterat contradicere cum duorum pugna, & dicere: *Defendere hoc volo cum campione meo, quod dicis: quia tu mentiris, & tuus testis, super mortuum meum.* Apud FRISIONES, si calumniator, aut ille, cui calumnia irrogata erat, se solum ad sacramenti mysterium perficiendum proferret, & diceret;

LL. Frisionum
Tit. Xlc. 3

Ego solus jurare volo; tu, si audes, nega sacramentum meum, & armis mecum contende. Faciebant illud, si eis placeret; jurabat unus, & alius negabat, & in campum exibant. Præ omnibus vero eminent ritus, ab iis, qui de terra sua contenderent, in ALEMANNIS servatus. t Si quæ nimis contentio orta esset inter duas genealogias de termino eorum; & unus diceret: *Hic est terminus noster;*

LL. Alemann. Tit. 34. ap. Goltz & Lindenbrog.

alius revadebat in alium locum, & dicebat: *Hic est terminus noster.* Et Comes, qui præsens erat de plebe illa, ponebat signum, ubi iste vellet, & ubi iste alius vellet terminum, & girabant ipsam contentionem. Post-

quam

quam girata fuerat, veniebant in medium, & præsente Comite tollebant de ipsa terra, quod Alemanni *Turffodi* dicebant; & ramos de ipsis arboribus infigebant in ipsam terram, quam tollebant: & illæ genealogiæ, quæ contendeant, levabant illam terram, præsente Comite, & commendabant in manu sua: & ille involvebat in fanone, & ponebat sigillum, & commendabat fideli manu, usque ad statutum placitum. Tunc spondebant inter se pugnam duorum. Parati vero ad pugnam, ponebant ipsam terram in medio, & tangebant ipsam cum spathis suis, cum quibus pugnare debebant, & testificabantur Deum creatorem, *ut, cujus esset iustitia, ejus esset victoria*; & pugnabant. Qui de ipsis vincebat, ipse possidebat illam contentionem, & illi alii præsumptuosi, qui proprietatem contradixerant, XII. solidos componebant. Quo & consuetudo pertinet, in homicidii compositione inter *Laubachi & VViferam* introducta, quæ in FRISIONUM lege Tit. XIV. extat. Qui compositionem homicidii quærebat, unum hominẽ interpellabat, *homicidam eum proximi sui vocans*, & eum leudem (*multam*) occisi debere persolvere. Et ille, si responderet, & diceret, *se velle cum conjuratoribus suis sacramento se purgare*; dicebat ille, qui homicidam eum interpellarat, *se in placito publico eum interpellare velle*. Et ita faciebat. Interpellabat eum in placito coram iudicibus; & ille, qui interpellatus erat,

si negare non posset, alium, quod sibi obiectum erat, homicidii reum ostendebat, producens hominem, quem veller, & jurans: *Ille homo homicidii, de quo ego interpellatus sum, reus est; tenens eum per oram sagi sui.* Ille autem, si hoc sacramentum negare vellet, jurabat, & contra ipsum cum armis in campum procedebat: & qui in ipso certamine convictus fuisset, & sibi concredidisset, solvebat leudem occisi.

Provocans oblata chirotheca nonnunquam præstium indicebat: Provocatus vero diem ac locum dicebat certaminis. Sic enim *Æneas Sylvius*, qui postea *Pius*, Papa ejus nominis II. *Commentario de Statu Europæ* sub *Friderico III.* cap. LX. *Alfonso Renatus*, (cum ipso de regno Neapolitano contendens) oblata militari more chirotheca prælium indixit. Accepit *Alfonso*, sed quasi vit, singularine certamine, an collatis signis cum toto exercitu dimicandum esset? se ad utrumq. paratum esse. Cumque *Renatus* respondisset, universi certaminis, cum toto exercitu, fortunam se velle subire; Renato renunciavit: Placere id quidem: sed quoniam veteri more ejus fuerit, qui provocetur, diem ac locum prælii dicere; se cum exercitu inter *Acerras* & *Nolam* proficisci, qui campus lata planitie utrisq. idoneus esset; ibiq. eum ad diem octavam præstolaturum.

Nullus aliàs, ex lege *Karoli Imp.* audebat hominem ad judicium, id est, ad pugnam, mittere, nisi esset judicatum.

Quam-

Tom II.
Freberi,
pag 108.

6 L. Lon-
geb. Lib.
III. Tit. 17.

Quamvis Bavarorum lege de quocunq̃ reatu accusatus
 potestatem accipiebat cum accusatore, si vellet, pacificare,
 antequam pugnam Iudex permetteret, ut Synodus Dingol-
 vingenſis apud Baronium habet. x Iudice consentiente, x Adm-
 circuli in modum aliquod terræ spatium designaba- num Chri-
 tur, vel etiam lapidibus circumdabatur, aut hominum si 772.
 adstantium corona circumscribebatur, aut per can- num y.
 cellos ligneos, aut aliud simile, fiebat. Διαμετρέειν
 τὸν χώρον in pugna Paridis & Menelai hoc vocat Ho-
 merus, Iliados V. Ubi Scholiastes Vetus: γ Αναγκάι-
 ως διαμέτρειν πᾶν τὸ χωρίον, ἐν ᾧ ἔμελλον μονομα-
 χήσκειν, ὥς μὴ μόνον τὸν διὰ τῶν ὀπλῶν ἡττηθέντα
 νενικῆσθαι, ἀλλὰ καὶ τὸν ἀπολιπόντα τὸ ἀποδέδει-
 μένον χωρίον. Necessario ejusmodi locum ad mono-
 machiam designatum fuisse innuens, quod non tantum
 detrimentum causa pateretur, ut inquit Saxo, z qui victus
 esset, sed & qui relato pede prænотати orbis gyrum excederet;
 quod in re athletica fuisse ὑπερβαίνειν τὰς τεταγμέ-
 νας ὁρὰς τῆς γῆς καὶ ὑπὲρ τὰ ἐσκαμμένα ὅρια πε-
 δᾶν, de scammate & loco certaminis egredi, ut B. Hierony-
 mus a ad Pammachium reddit, præter Pollucem, b Eust.
 batius quoque nos docet, etiam ab eruditissimo Fabro
 in Agonistico c propterea citatus. Quemadmodum
 & gladiatoribus apud Romanos laudi datum, ut Ter-
 tullianus effert, stetisse in gradu, vitio cessisse de gradu:
 Qui & hoc ipsum, de quo sermo est, licet aliò desle-

pag 60:
edit. Basil.
1554

x Lib. 5.
pag. 86.

a Tom. 1.
pag. 240.
edit. Paris.
1602.
b Lib. III.
cap. 30. -
c Pag. 113.
edit. Lugd.
1592.

xum lib. l. adversus Marcionem elegantissime exprimit: certus se lineis includere, infra quas cum adversario con-

Lib. III. grediari. Circularare vel circulare vocat Saxo: d ex quo etiam colligere est, pugnatos nonnunquam areas quadrati lapidibus designasse; atque adeo, si insula in vicini-

Lib. IV. a essent, ita aquarum ambitu vallata, e ut utrimque in ripa adversa pugna ratio ac modus spectari posset, in easdem illos concessisse, ac singulari certamine con-

Lib. III. gressos: sicut & apud Dithmarum Mersburgensem f
pag. 50. VValdo quidam, & Gero, ultimus Comes de Alsleben,
ed. t. fecisse memorantur: & Henricus IV. in propria causa,
Helms. a quodam Vdalrico de Cosheim, & altero Regingero, cri-

pag. 496. minatore ipsius, prope Maguntiam in insula Rheni, Marou-
ed. t. u dicta, teste Lamberto Schaffnaburgensi, g voluit fieri.

pag. 1009. Lege quoque duelli cautum erat, ne alter alterum extra
ed. t. circum, pugna destinatum, impeteret; ut est in Additioni-
bus apud Olauum, h ex Iohanne Magno.

Constit. Pugna præerat Iudex seu Praeses, cui incumbere i
Sic II. 2. providere cum aliorum consilio, qui una inveniebantur præ-
Tit 37. c. 3. sentes, ne campio in pugnando fraudem adhiberet, aut signi-

Lib. I. Lon- tiem manifestam; si scilicet pro alio pugnaret. Item, k
Rob. Lib. 2. ne haberet super se herbas, quæ ad maleficia pertinerent, nec
Tit 55. al. astales, aut res similes: vel ut in Synodo statuitur Ba-
c. XL. varica, Ne forte carminibus, vel machinis diabolicis, vel

magicis artibus insidiarentur. Ipse campio, tradens manum in manu parentis aut conliberti sui, satis facere ante judicem &

dico-

dicere jubebatur, antequam ad pugnam vaderet, quod nullam
talem rem, quæ ad maleficia pertineret, super se haberet: quo-
modo & *Athleta*, auctore *Pausania*, in ludis Olym- = Lib. V.
pag. 336.
piciæ ante simulacrum Jovis, quod ad terrorem peje-
rantium tenebat in utraque manu fulmen, jurabant
quondam, μηδὲν ἐς τὸν Ὀλυμπίων ἀγῶνα ἔσεσθαι
παρ' αὐτῶν κακὸν ἔργημα, nihil se fraudis facturos, quo minus
Olympici ludi rite fierent, ut *Amasæus* vertit. Jurabat etiam
is, n qui compellabatur, quod non asto animo alterum per = I. L. Lon-
gob. lib. 2.
Tit. 53.
cap. 15.
pugnam fatigare quæreret, nisi quod certam haberet suspicio-
nem, siue de furto esset, siue de incendio, aut unde ista com-
pellatio ageretur. Consimili modo id tenebantur facere,
qui pro aliis pugnant: & postquam circulum pugna-
torium fuissent ingressi, corporalia subire sacramenta, quod = Con^a it.
Sic. Lib. 2.
Tit. 37. E. 1.
juxta probabilem suam credulitatem crederent, Dominos,
pro quibus pugnam intrabant, veritatem scdere, & non per
calumniam vel astum ad accusationem propositam, vel defen-
sionem adhibitam processisse. Tum, quod cum omni virtute
ac potentia, studio & vigore, partes, pro quibus pugnant,
vellent adjuvare.

Provocans progredi alterum jubebat, & si quid vi-
rium sit, solitario secum experiri congressu; non aliter, ac
Æneas, cum Turno congredi gestiens, sævo sic pectore
fatur: p

Quæ nunc deinde mora est, aut quid jam Turne retractas?
Non cursu, sævis certandum est cominus armis.

Virgil.
XII. Æ.
vol. 891.

*Verte omnes te in facies , & contrahe , quicquid
Sive animis , sive arte vales.*

*Duos vero cum uno decernere , ut iniquum , ita & probro-
sum apud veteres credebatur. q*

4. pag. 62.

• Lib. I.
Monum.
Dan. c. X.

• Germ. An-
tig. lib. I.
pag. 303.

pag. 37.

• Lib. 3.
Tit. 37. c. 1.

Arma , quibus instructi procedebant , non apud omnes erant eadem. *Galeam , clypeum , ensen & hastam apud Danos usurpata , refert Olaus v Vormius. r Clavæ sæpius meminit Saxo , quam & antiquissimum , & forte omnium primum fuisse teli genus , ex eo constare putat Philippus Cluverius , s quod Herculi bellatorum primo nihil aliud armorum tribuerit antiquitas. Eas vero interdum are, ferro , aut claviculis ferreis obductas , notat Stephanus in laudatis ad Saxonem Observationibus : e uti & , quod Gramus rex clavam suam , qua Sigtrugum occidit , vel auro infuso ponderosiores effecerit , vel aureo globo muniverit , vel aurea lamina undique secus obduxerit. Nam in eo variant Historici ab illo adducti. Ejusmodi clavæ , etiam Fridericus II. Imp. in Constitutionibus Siculis , u campiones habere jussit æquales , non spinosas , nec cum aguzonibus , nec habentes cornua , nec ex parte fustis , ad modum unguis.*

Spatham ab Alemannis fuisse adhibitam , in supra citata ipsorum memorabili consuetudine vidimus : ubi familiæ de limitibus inter se litigantes , jubentur terram ante solemniter effossam , atque asservatam , ante pugnam cum spathis suis tangere , atque jurare. Titulo etiam

etiam XLV. ipsorum Legis, conceditur homini libero,
 cui alius liber aliquod mortale crimen imposuit, cum tracta
 spatia se idoneare contra illum alium; quod lege illorum
 IC. est, cum tracta spatia se defendere. **RIPUARIOS**
 quoque ea usos, indicat eorum Lex IV. Tit. 32. Spa-
 tham vero fuisse gladium latum & amplum, ex *Isido-*
ro, & ab eo quod spatiosa sit, eam derivante, conicias: † Lib. 18. 2.
 cujusmodi nudam ante tribunal *Karoli M.* more imperiali⁶.
 latam, scribit *Turpinus*; & jam olim *Gallos* pro ensibus ha-^{Cap. 10.}
 buisse oblongas ex catenis ferreis aut aneis, in dextro femo-
 re oblique dependentes, testis est *Diodorus*. † *Gellius* 7. sim. † Lib. V.
 pliciter inter gladiorum vocabula refert; uti *Vegetius* cap. 30.
 lib. I. cap. XV. inter gladios majores, quos spatias voca-^{2. Lib. 10. 2.}
 bant, & minores, quos *Semispatias*, distinguit, Quod ta-^{15.}
 men nec *Hesychius* observat, cui *σπάθη* simpliciter
μάχαλα & *ἐλφ* est. Unde & *Spatharius*, ensifer, sa-
 telles, ὁ σωματοφύλαξ (à quo alius est *faber spatarius*
 in *Alemannicis* LL. cap. 78.) & *Protospatharius* apud *Co-*
dinum in Officiis *Aulæ Cpolitanæ*; atque apud *Cyprios*
 quondam celebris fuit *Spathæ Ordo*; a & apud *Luitpran.* † *Miræus*
 dum b *Adelbertus*, *Thuscæ* præpotens *Marchio*, ele-^{Orig.}
 ganter dicitur *μακροσπάτης, μικροσπάτης*; quod lon-^{Equæ, lib.}
 go quidem uteretur ense, sed minima fide: uti & ^{2. 10.}
 † *Guilhelmus*, *Henrici Leonis filius*, *Ottonis IV. Imp. frater*
 natu minimus, à quo *Serenissimi Brunsvicensium* &
Lüneburgensium Duces originem ducunt; *Gervasio* † *Pag. 86.*
Tilberienſis Longaspatha appellatus, † *Fu-*
 † *Helm.*
 † 1673.

Fustium atque scutorum frequenter mentionem injiciunt Leges Longobardorum & Saxonum, Capitula quoque *Salicæ Legi* adjecta, & *Capitulare Karoli & Ludovici Impp.* in quibus reperias: d *Causam sub uno scuto per pugnam dirimere*: e *sub uno scuto per unam pugnam omnem suam substantiam amittere*: f *contra unum ex accusatoribus cum scuto & fuste in campo contendere*, g *in campo cum fustibus pariter contendere.*

ILL. Lon.
gob. l. b. 2.
Tit. 75.
Ibid. lib. 1.
Tit. 9. c. 23.
Ibid. Lib.
1. Tit. 25. c.
76.
Ib. Tit. 55.
c. 23.
Donatus
in Proh.
Hecyræ.
In ult.
Deum. 22.
Tit. 1012.
Lib. 1. Tit.
37. c. 2.

Lib. 4. de
Vir. item.
p. 677.

lib. cap.
IV.

Manibus quoque vel morsu, b *vetustissima illa, etiam ante ferri & armorum usum, certandi ratione* (licet hoc Græcorum Gymnicis legibus legatur prohibitum, & qui hoc facerent, *κακομαχῆν*, secundum Lucianum, i *dicerentur*) sese mutuo campiones laxasse, docere nos iterum queant Constitutiones Siculæ: k *in quibus pugilibus expresse inibetur, quod se non debeant invicem affilare* (fidem suam alteri obstringere, explicat Vossius l) *quod manibus, vel dentibus, vel modis, quibuslibet poterunt, alter alterum non offendant; sed unus ad confusionem alterius toto posse conetur.*

Defendentis, juxta easdem Constitutiones, merat. *electio, qualiter melius se defendere valeret, ab alio impetitus. Unde si miles esset is, qui pugna impeteretur, & eques se vellet defendere, adversarius ejus, quamvis miles non esset, eques similiter necesse habebat ipsum impugnare. E contrario, si pedes esset, qui se defendere nitebatur; licet is, qui pugnam offerret, esset miles; non ut miles, sed ut quisvis alius pugil,*

pugil, accusatum cogebatur aggredi. Rursum, si is, qui pugnam obtulerat, laesus esset in aliqua parte sui corporis, Rex Fridericus nolebat eum, qui pugna impeteretur, in ullo minorari. Cæterum, si impetitus forte laesus esset in quacunque parte corporis, quæ esset necessaria ad pugnam, is, qui eam obtulisset, in ea parte debilitare se debebat, in qua debilitatus erat, cui duellum offerebatur. Veluti, si unum tantum oculum haberet duello impetitus, is qui pugnam offerebat, aliquibus diebus antea tenebatur appposito sibi aliquo claudere, in quo pati dignosceretur accusatus. Similiter & in digitis, & in membris aliis id voluit obtinere, juxta proborum virorum consilium, & discretionem providam judicantis.

Qui ætatis annum sexagesimum tetigisset, n & qui ^{ibid.} nondum viginti quinque annorum curricula implevisset, per se pugnare minime tenebantur, sed poterant ad defensionem suam, non cum alios impeterent, subijcere campiones; ne ætates, in altero naturali frigescente calore, virtutum in altero robore non impleto, non tam incerto, quam periculoso pugnae judicio, relinquerentur.

Provocatus prior ictum intendebat, o atque sic per vi. ^{Saxo} ^{Giam lib.} ces manum conferebant: tamen si antiquitus crebra ictuum vicissitudines non peterentur, sed esset cum intervallo temporis etiam ferendi distincta successio; rariusq; (quod veterum enses tam pondere, quam acie præstarent) sed, atrocibus plagis certamina gererentur; ut gloria potius

D

per-

Virgil.
IX. Æn.

percussionum magnitudini; quam numero deferretur. Plane
ac Turnus cum Pandaro confliens, p sublatum alte con-
surgit in ensē;

*Et mediam ferro gemina inter tempora frontem
Diridit, impubesq; immani vulnere malas.*

pag 142.4
edit. Basil.
1613.
Polizenus
lib I. X.
num. 2.

Id quod ibi genus feriendi Gallicanum explicat Servius,
q regressosq; paululum, ex Sallustio, & loco cessisse, vult, ut
eo facilius esset ictus. Nisi propterea Gallos recessisse ve-
lis, ut, quoniam r ob molliem ferri istius regionis, ipso-
rum enses facile recurvabantur & ad pugnam erant inutiles,
pede ipsos possent corrigere, & ad alterum ictum habi-
liores reddere: quod illis faciendum fuisse, ex Polybio
monet Suidas.

Tom. III
pag. 614.

Statat in circo feretrum cujusq; ex more, ut diserte
Sigismundus quidam, in Chronico Augustano à Pistorio
edito, s sub finem: ubi duellum anno 1409. Augustæ
Vindelicorum factum esse, ait, inter Marschalcum &
Hachsenacker, in quo Marschalcus, cum prostratus esset,
& à suo adversario interrogatus, si fortuna sibi favisset,
quid agere vellet? dixit, se interfecturum hostem suum. Quod
& mox, inquit, Hachsenacker in eum fecit, seq; portari se-
cit in feretro suo, quod illic stabat ex more, quod etiam Li-
bitinam, dicunt, ad Ecclesiam S. Valrici, agens grates: uti
apud Danos inter pugiles obtinuit, & ut, priusquam cer-
tamen inirent, paciscerentur inter se utrinq; , quod victor
honestam sepulturam victo procuraret: sive, ut loquitur
Saxo

Stephani
us I. Otis in
Sax. pag 38

Saxo lib. III. victum victor inferiis prosequeretur, eiꝑ gloriosum esset, victi funus magnifice ducere.

Senatus, populus atque Sacerdotes, qui spectatum frequentes venerant, interim divinam opem implorabant; beneficia memoriter commemorabant, quæ in simili negotio Deus immortalis, Christus servator noster, ipsis pro sua benignitate ac clementia contulisset. Admonebant promissorum, exempla recitabant, comprecabantur, ut summa potestas in re presentipolitica, sicuti hætenus semper factitasset, re comprobaret; & quæ sua esset iustitia, innocenti adesset, victoriamq; cælitus concederet; sicut è *Lege Salica* se didicisse profitetur jam aliquoties à nobis productus *Aventinus*: u ut inde conjectu haud difficile sit, etiam hic adhibitas fuisse certas precationum formulas, ut in *Aquæ ferventis*, & *Ferri igniti Ordaleis*, apud *Goldastum* Tom. II. *Antiqq. Aleman.* pag. 178. & *Friedericum Lindenbrogium* in *Codice LL. Antiquarum*, cum aliis ejus notæ, extantibus.

* Lib. IV.
Annal.
pag. 248.

Campio x in pugnando fraudem adhibens, aut segnitiam manifestam, ut *Præsidi* pugnae melius se defendere potuisse videretur; siquidem is, pro quo pugnabat, mori debuisset, similiter mortis periculum incurrebat. Sin vero is, cujus causam agebat, periculo capitis non succumbebat, manum, velut alius scienter perjurus, amittebat. Cui poenæ juxta *Baivvariorum Legem* y etiam subiacebat servus, qui incurte Ducis, sive ubicunq; pugnarent campiones, manus ad levandum

* Constit.
Sic lib. 2.
Tit. 37 l. 3.

Tit. 2.
cap. 12.

mitteret (sive eos conareretur separare) antequam ille
juberet, cui commendatum erat praevidere: ni dominus ipsius
eum XX. solidis redimeret. Pari ratione Longobardo-

z LL. Longobard.
lib. 2. Tit. 51. & in
Capp. Legi Salicæ ad
Jesum cap. 1.
rum instituto, z Campioni, qui convictus esset propter per-
jurium, quod ante pugnam commiserat, dextra manus am-
putabatur. Ceteri vero ejusd. m. partis testes, qui falsi ap-
paruissent, manus suas redimebant, duabus ejus compositionis
partibus ei, contra quem testificati fuerant, cedentibus, ter-
tia profreda (multa) soluta. A quo non procul abit Bur-
gundionum Lex, Tit. LXXX. jubens, ut de testibus, qui
pro quacung. se parte tulerint, si ad conflictum cause descen-
derint, & divino judicio falsus ibidem relator occubuerit, C
CC. solidos omnes testes partis ipsius, à qua parte testis su-
perates est, cogantur exsolvere. Campio denique apud
Siculos a devictus, ad faciendum denuo cum alio bellum non
admittebatur, nisi pro se: non cum ipse impetebat alium, sed
cum ab alio esset impetitus.

Et vero nec ab Islandiâ, quamvis nostro procul axe
remota, consuetudinem illam cessasse perhibet Arn-
grimus Jonas. b Nam ibi victor, qui adversarium in bujus-
modi cruento certamine neci dederat, omnium bonorum victi
hæres evadebat: sed ita, ut parta victoria è vestigio taurus
immunis produceretur, quem si victor unico ictu non interfe-
cisset, victi cognatis contra ipsum agendi jus esset. Uti & in
Moscovitarum gente, testante Olao, obtinuit, ut, li-
cet uni parti adjudicaretur causa, tamen sententia non habe-
retur.

• Constit.
Sic. lib. 2.
Tit. 37. cap.
1.

• Rer. Is-
land. lib. 1.
19.

• Histor.
Gent. Sc-
ptentr. lib.
4. cap. 20.

retur rata, nisi etiam partes ipsam fortunam, summum illorum rebus finem imponentem, duello fuissent experti. Apud SAXONES nostros, quilibet homo duellum poterat sibi in generatione deteriori sed non deterior meliori denegare. Negare etiam poterat quis duellum, si post meridiem inferretur, nisi prius esset initiatum. Iudex clypeum cum gladio reo, si indigeret, ordinabat. Duellum etiam cognati inter se poterant denegare. Iudex cuiq; duos præbere tenebatur, qui viderent, ut secundum consuetudinem præpararentur. Quantum vellent de corio & lineo induebant, dummodo frontes ac pedes manerent enudati. In manibus non nisi simplices habebant chirothecas. Nudum in manu quilibet habebat gladium, & cum uno, vel pluribus, secundum arbitrium cuiusq; præcingebatur. Clypeum ligneum corio tectum, & non nisi nimbo ferreum, in manu ferebant, & unam tunicam induebant, cujus manicæ usq; ad cubitum terminabantur. Iudex circulo pacem, ne quis eos impediret, per punitionem capitis demandabat. Cuilibet eorum Iudex unum, qui arborem ejus ferret, ordinabat, qui ferentes neminem illorum ullatenus impedirent: sed si quis eorum cecidisset, vel fuisset vulneratus, vel arborem petiisset, & Iudex hoc licentiasset, arborem interponebant. Postquam circulo erat pax nuntiata, tunc petere debebant circulum à Iudice licentiari; quem eis Iudex licentiabat. De vaginis ferrum auferabant, nisi hoc eis à Iudice concederetur. Ante judicem accedere debebant præparati & jurare; actor videlicet, quod illa accusatio ve-

raeſſet, & reus, quod innocens eſſet, ut ſic Deus eos adjuva-
ret in ſuo duello. Splendor ſolus eis diuidebatur, quando pro-
cedebant. Si reus vinceretur, condemnabatur; Si vero vin-
ceret, donata ſibi ab aëtoe emenda, & ludici multa, abſol-
vebatur. Aëtor in circulum prior veniebat, & ſi reus protra-
heret, ludex eum tribus vicibus per præconem in domo, in qua
præparabatur, adhibitis duobus bannitis evocabat; & ſi ter-
tia vocatione non veniret, aëtor ſurgendo, ſe duello præſen-
tabat, & verberando contra ventum eum ſuperabat: & lu-
dex eum, tanquam duello eſſet ſuperatus, condemnabat: Ut
quidem in Speculo Iuris Saxonici, Artic. 63. qui circa con-
finia ſeculi XII. & XIII. vixit, Ecke ſive Epko de Rep-
kavv, à vicino nobis pago Repke, (ita etiam magno c
Conringio cenſente) ſic cognominatus, conſignatum
reliquit. A quibus, uti & ſuperioribus ritibus, non
abludunt, qui in memorabili duello duorum nobili-
um Hiſpanorum, præſente Carolo V. anno ſuperioris
ſeculi XXII. Valledoleti, II. Kal. Januarii ſuſcepto,
pro regni Arragonici & Caſtellani more ſunt adhibiti, pri-
ſcam illam Gothorum conſuetudinem extra dubium
referentes: ut eos artiſcioſe plane, atque cum omni-
bus circumſtantiis ſuis deſcripſit in laudatiſſimi Im-
peratoris Vita Pontus Heuterus, Meditationibus vero
Hiſtoricis ſuis inſeruit Philippus Camerarius. d Illam
nempe certaminum ſeveritatem Hiſpanis admodum fami-
larem fuiſſe, adeo ut Caſar Maximilianus, Princeps alioquin
Eccle-

Lib. de
Dign. juris
Germ. cap
30.

d Centur.
II. Medit.
Hiſt. cap.
21.

Eccl. fusticie discipline observantissimus, nobilissimis duobus Hispanis tandem duelli campum aperuerit: du negatum, morem scilicet gentis edoctus rescripto regis Ferdinandi, avi materni Caroli V., Jacobus quoque Spigelius observavit, notis ad lib. VII. Austriados Roberti Bartholini. c

• Pag. 593:
edit. Recu-
beri.

Duellorum indicia fuisse saxa, eo loco posita, ubi Campiones occubuerant, ex *Adamo Bremensi* liquet; apud quem *Biurgvuido* quidam fecit duellum ad vadum *Agrimes Vedel*, contra campionem *Slavorum*, interfecitque eum: ubi lapis in monumentum positus est. Quem morem, quin & nostrates observarint, propter tot monumenta lapidea, vel hisce *Brunsvigiis* in oris extantia, dubitari vix potest, cum & ipsa hæc, in qua dego, *Scheninga*, ante portam Septentrionalem, loco, qui forte à strage & sepultura Hunnorum sub *Henrico Aucape*, cujus commonet nos *Chronici Saxonici Auctor* ad annum 927. adhuc vulgo *der Heyden Kirchhoff* / sive *Coemeterium Paganorum*, dicitur, conspiciendum præbeat ejusmodi lapidem, in quo, parte, qua Occidentem spectat, apparet Vir, totus *Harnascha* vel *Halsparga*, ut sequioris ævi utar vocabulis, monitus, supra quem manus è nubibus protenditur, cum hac inscriptione:

• Lib. 2:
Hist. Ec-
cles. cap 3:

WILCKE DE AMPLEVE HIC REQUI-
ESCAT. †. ANNO DOMINI
MCCCLXVIII.

Neque

Neque enim causa dari potest, cur viro tam nobili, arcta absque dubio cognatione contingente *Fridericum de Ampleve*, Militem, id est, Equitem auratum, qui citatur testis in literis *Alberti Ducis de Brunsvich*, datis in castro *VVulfflebücle*, anno Domini 1307. & *lohannem de Ampleve*, qui *Herr Jan von Amplevn / de chraffetige Ridder* / vocatur in literis fratrum *Heimbürgiorum*, anno 1315; quorum sedes hereditaria tum temporis, præfectura hodie *Ampleve*, altero abhinc miliarium *Brunswigam versus*) loco illo, viæ quæ *Helmstadium* ducit, proximo, monumentum sit erectum, nisi vel duello ibi, vel alio lamentabili casu perierit.

Nimirum & in solemni illo apud *Roncalias* conventu, campo videlicet super *Padum*, non longe à *Placentia*, in quo reges *Francorum* & *Teutonicorum*, quotiescung, adsumendam Imperii coronam militem ad transalpizandum (quæ *Ottonis Frisingensis* g verba sunt) cogerent, mansionem faciebant, quem vulgo *Rungalle*, sive Curiam Gallorum, ut est in Constitutione, h *Carolo III.* à multis tributa, dixere: (ex quo potius cum *Francisco Iunio* i à Gothica voce *Runa* consilium, quam cum *Andrea Rivino* k à *Romwallen* / ut æquipolleat Expeditioni *Romane*, den *Römerzug* / deduxerim) obtinuisse ejusmodi in certis causis monomachiam, tam *Radevicius*, *Ottonis Sacellanus*, & *Vitæ Friderici* continuator, quam hujus sectator & interpret elegantiissimus *Guatberus*, l produunt; cum hujus sint sequentes versus: *Vul-*

g Lib. 1. de
gestis. *Friderici*, cap.
XII.
h Edidit.
Cloten.
i 6:7.
j In Glos-
sar. ad Cod.
Evang. l.
Goth pag.
285.
k In Miju-
nis &
Maj camp-
pis cap. 8.
l Lib. VII.
L. gur.
ve. f. 219.

*Vulneris aut cedis convictus voce duorum,
Qui modo non fuerint violato sanguine juncti,
Hic caput, ille manum perdet. Si teste carebit
Altera pars, facinusq; volet formidine pœnæ
Abjurare reus; poterit jurare. Volentem
Quilibet oblato licite reprobare duello,
Passurus similem non ficto crimine pœnam.*

Quod alterille : *in* Qui aliquem vulneraverit, & hoc se fecisse negaverit, tunc si vulneratus per duos veraces testes, non consanguineos suos; illum convincere potest, manus ei abscindatur. Quod si testes defuerint, & ille se juramento expurgare voluerit, accusator, si vult, potest juramentum refutare, & illum duello impetere.

An vero & Majicampus, vel Madius campus. (voce Madius seculi more pro Majo sumpta) qui aliquibus etiam est Martis campus; quo sub Francorum quondam Regibus atque Imperatoribus denotabatur similiter synodus, plicitumq; publicum, vel curia generalis, Kalendis Maji haberi solita, à campo, hoc est duello, sit denominatus, cum CL. Boëclero non haud equidem dixerim. Uti nec eò pertinere reor, à Goldastoo commendatum oppidum Meyensfeld. Cum hinc quidem singulis annis mense Majo, ut iste inquit, subtilis in campis apertis, Missi sive Legati Regum Francorum, malos publicos celebrarint; ut tum non minus alibi, quam etiam nunc, judicia sub dio unter dem freyen Himmel / celebrari usitatum erat; illic vero familiæ Merovingicæ reges, à

Lib. 7.
cap. 16.

in Karolo
M. pag. 14.
Tom. 7.
Ret. Alem.
part. 3. page
11.

p Sigebert.
ad annum
662.

q Annal.
Pithoei ad
an. 751.

pristina majorum fortitudine degenerantes, & p principes quidem secundum genus, sed nihil agentes vel disponentes, quam irrationabiliter edentes & bibentes, domig manentes, solerent Kalendis Maji praesidere cum tota gente, q plaustro bobus contrahentibus & est, ac salutare & salutare, obsequia & dona accipere & rependere: Pipino, Carolo, Ludovico, nihil minus, quam hujusmodi, statim illo die deinceps suscipientibus, sed prout regni requirebat usus, modo hoc, modo alio tempore & loco, synodos sive placita sua tenentibus; nedum ut ullibi ca duellorum gratia instituta deprehendas.

r Ad Mart.
trial pag
169.

s L. b. 4. de
LL. pag. 11.
edit. Doud.

t Pag. 16 in
E. Justinian.
ibidem.

u Genes. IV.
vers. 2.

v Pag. 6 c.
dit. Oron.

Neque etiam hæc propria campi significatio est, sed sive à capiendo dicatur, quod animalium seu rerum aliarum multitudinem facile capiat; ut Perottus vult; r aut quod primum ex agro plano fructus caperentur; ceu Varroni placuit: s sive potius assentiamur Scaligero, Varronem irridenti, Si nullo q dicenti, t circum aut hippodromum καμπόν vocasse, à flexu equorum & quadrigarum, quæ ibi certabant: satis patet, locum planum & spatiosum proprie campi nomine fuisse insignitum. Sic enim & τὸ πεδίον (qua Septuaginta t utuntur in narratione cædis Abelis, à Caino patrata) dicitur juxta Auctorem Etymologici M. ἐπὶ τῷ ἀναπεπλαμένῳ, καὶ ἐπιμήκῳ τόπῳ, de expanso & oblongo loco: quem recte vertit campum Patritius Junius, in Epist. Clementis ad Corinthios, u cum Cainum fratrem sic allocutum ait: Transeamus in campum

*pum, eis τὸ πεδίον. Et factum est, dum essent in campo, ἐν τῷ πεδίῳ, surrexit Cain super Abel fratrem suum, & occidit eum. Quai tem ratione ille Martius, eique adjacens Agrippæ campus, quorum cum pluribus aliis Marlianus meminit, & dicebatur Romæ; & Campus lapideus inter Rhodanum & Massiliam; tum Mentitus Campus in Historia Ludovici; y Ex quo, quod bella vel duella in ejusmodi planis, vel exercituum, vel multorum hominum, capacibus susciperentur locis, posterior illa; atque huc pertinens, exorta significatio est; ut probel-
 bo sumi ex Claudiano, & Valerio Flacco, jamdudum ostendit Nobiliss. Barthius, & idque tam Gallos, quam Hispanos, Italosq. adhuc retinere, ait: à duelli veronotione superesse adhuc phrasen kâmpfslich flagen / pro eo, quod est, criminaliter accusare; & kâmpfslich grüssen / hoc est, addiscrimen vitæ solemniter provocare, in Lexico suo Juris, sub voce Duellum notavit] Cuius insignis Simon Schardius.*

*Topographia Cap. III lib. V.
 y Adan-
 num 833.

z Advertar.
 lib. 5. cap. IX,

Et optime quidem factum; quod jamdudum abolitum est, crudele illud probationis genus, ut nec viri-
 um quidem aut roboris, nedum æquitatis & innocentie, ul-
 lam indicaturam præstare valens, ceu alicubi scripsit Vir
 magnæ eruditionis Joachimus Vadianus a Quam enim
 placuerit Imperatori sapientissimo Friderico II. quem
 tamen in certis casibus illud tolerasse audivimus, ipsi-
 us arguit Constitutio, b qua non tam veram probationem,

• Lib. inde
 Colleg.
 Tom. III.
 Golda. i
 pag. 10.
 6 Constit.
 Sic II. Tit.
 32.

quam divinationem quandam, id ipsum statuit, quæ naturæ non consonans, à jure communi deviet, æquitatis rationibus non consentiat: quod vix aut nunquam duo pugiles inveniri possint sic æquales, ut vel in totum non sit alter altero fortior, vel in aliqua parte sui vigore majore & potiori virtute, vel saltem ingeniis alter alterum non excedat. Idem merito aliquot ante seculis gravissimo Lugdunensium Præsule Agobardo peculiari scripto improbante, demonstrante quæ (ut usurpem identidem *Ephemeridum Gallicanarum*, de postrema illius editione, ab Illustri Dn. Baluzio procurata, judicium ferentium, verba à politissimo Dn. Nitschio de Gallico versa, c) Deum, licet innocentes sepe favore prosequatur, tamen in favorem ipsorum non semper edere miracula; sed permittere sæpius, ut fontes deportent victoriam; & hoc propter rationes nobis incognitas, propterea tamen non minus justas. Modo abrogata una esset, vel extirpari penitus posset, & altera illa duellandi ratio, quæ redimendi honoris, ut opinantur, gratia à leviter nonnunquam injuria affectis, adhuc suscipitur; nec in nostros & aliarum gentium, mores receptum esset, quod de Nobilitate Gallicana questus aliquando est Isaacus Casaubonus. Fuit, inquit, & illud veteribus ducibus genus *μὲν οὐκ ἀξίας* non incognitum, cujus quotidie exempla eduntur à male consulta nobilitate Gallica. Rixæ inter nobiles ex levibus sæpe offensis ciebantur. Offensam condonare & ignoscere, quod sapientes magna-

nimi-

Ephem.
XXIV. an.
n. 1666.
pag. 273.

4. Animad.
vers. in A.
thenæum
lib. 4. c. p.
13.

nimitatis proprium putarunt, turpe & ignominiosum habetur. Vnicum hodie nobilitatis sincera specimen est, suum jus armis persequi. In hoc cardine vertitur summa illorum existimatio, & is quem falso honorem vocitant. Qui injuriam parvam magnam sibi factam arbitratur, illius auctorem ad singulare certamen provocat. Concurritur: hora momento alter ambobus mutuis vulneribus pereunt. Certissimum est, nullum seculum ex veteri historia nobis cognitum, adeo crebra hujus insanie exempla vidisse, atq; hoc nostrum plane ferreum. Quasi vero, ut Piccolomineus ait, e injuria ab altero affectus, eo ipso honoris quoque sui jacturam faciat: quasi laesus honor hoc beluino congressu reparari queat: quasi non & honor & conscientia gravissime laedatur.

Apud Belgas
ut ggerum,
et.

f. pag 808,
& seq.

Interim in Germania urbes quasdam privilegio hoc peculiariter gavisas (nisi hoc ab altero illo more profluxerit) ut duella à Nobilibus honoris & existimationis ergo, umb Ehr und Ehmpf / suscepta, coram Magistratu suo peragerentur, ex Sebastiano Münstero patet, qui libro *Cosmographiæ* suæ tertio, f describens formam monomachiæ, quæ Hala Suevorum obtinuit, non intermittit etiam mentionem judicii in VVirtzburg Franconie, & Anspach prope Noribergam. Lotharingiæ vero Ducem prætereundum ad se antiquitus spectare, quod, quicunque inter Mosam & Rhenum DVELLARE velint, hujusmodi duella coram se fieri debeant, & non alibi consummari; est in Formula Investituræ ejus Ducis sub Ru-

polpho II. anno 1609. inserta à *Conringio* Libro de Imperii Germanici Finibus, pag. 733.

Veteres *Bajoarios* priorem illam Monomachiam appellasse *VVe hadinc* (pro quo male *VVen badinc* apud Baronium dicto loco) argumento est ab hoc eodem producta *Dingolzingensis* Synodus, quam & *Henricus Canisius* una cum *Victoris Tunnunensis* Chronico *Ingolstadi* edidit; g non quidem, ut eo indicetur *sacra sponsio singularis certaminis cum aliquo*, à *VVeiba* vel *VVeibe*, facer, & *Ding* sponsio, ut *Vossius* sensit: h sed ut potius legendum videatur *VVebrdinc* à *VVerra* pugna, bellum, duellum, ut *Kero Augiensis* in *Synonymis* hæc ipsa conjungit; & vocabulo Germanico *Tinc*, quod populi concilium significasse *Adamus* confirmat: i sicuti & in patria mea *Hannovera*, judicium adhuc est, quod *Aechte Tink* vulgo appellant, in *Marchia* vero *Vetere* *Löddink* & *Böddink*; atque hic *Scheppingæ*, attestantibus *Woldemari Marchionis Brandeburgensis* literis, à *CL. Meibomio* in *Irmen sula* citatis, olim *Godink* vel *Gowdink* fuit; voce *Gowp* pagum denotante, in quos & *Saxonia* quondam erat divisæ.

Spatium, in quo dimicabatur, l antiqua lingua Danica dicebatur *Holmur*: unde in Glossario Islandico, atque Indice *Oliv. Verelii* ad Historiam *Otrici* & *Rolfonis*, *Holmganga* duellum, *Holmgangumadr monomachus*,
voce

g Anno 1600. pag.

133.

& 36.

h Lib. II. de

virtutibus ferun.

cap. 20.

pag. 335.

i De situ

Daniæ

cap. 85.

k Pag. 24.

Edit.

Helmstadi.

pag. 1660.

l Stephani

us pag. 98

in Notis ad

Saxonem.

voce *Madræirum* sonante, ut & in aliis ibidem compo-
 sitis, *Blotmadr* sacrificiis deditus, *Veðimadr*, qui & ibi
VVeidimandur, Venator, *Hermadr* miles. Quod vero pa-
 los ex certa arbore solo in circuitu impingerent, cam-
 pum hac ratione metantes, illorumq; materia corylus
 esset arbor, inde hos vallos *Heslis Steingur* vocitasse Is-
 landos, & *Heslisvoll* campum duello destinatum, & ad
Hesla, in campum gladiatorium provocare; itidem *Ste-*
phanius ex Conjectaneis *M. Brynolfi* ad jam dictum Glos-
 sarii locum expromsit. Latine rectissime dici *singulare*
certamen, cum & qui in eam pugnam descendit, *singula-*
ris appelletur; & Glossæ veteres *singularem* interpreten-
 tur *μονόμαχον, ἀπόκοπον*, quod nomen etiam Latini
 tribuant *apro*, (qui Saxonibus *Kempe* à pugnando) ut
 Græci cum *μονιόν*, Galli *Sanglier* quasi *singularem* no-
 minent, quod solitudine delectetur; sententia est *Iacobi*
Cujacii. m

Neque nunc plura addo, sed *Lectorem Benevolum*
 partim ad *Commentarios* hic subnexos, partim vero ad
 laudatissimorum *Samuelis Rachelii*, & *Iacobi Thomasi*, de
 Duellis, ut video, nuper editos *Tractatus* remitto.
 Deum vero precor, ut istorum omnium, qui talibus
 etiam nunc delectantur, inculpat menti, quod *Opuscu-*
lo de D. vortio Lotharii & Thetbergæ gravissime scribit
Hin. marus, Remensis Archiepiscopus: *n. Desendant se,*
quantum volunt, qui ejusmodi sunt, sive per leges, si nulle
sunt,

Ad Libr.
 de Fecris,
 Tom. III.
 Operum
 eius pag.
 666.

pag. 140.
 edit. Paris.
 615.

sunt, mundanas, siue per consuetudines humanas; tamen, si Christiani sunt, sciant, se in die Iudicii, nec Romanis, nec Sallibus, nec Gundebadis, sed diuinis & Apostolicis legibus, iudicandos. In uniuersum uero opto, ut tandem aliquando cessent bella, quibus denuo ab aliquot annis Christiani Christianos, proh dolor! satis abundeque vexare: conflatisque in vomeres gladiis,

*TOTO SURGAT PAX AUREA
MUNDO.*



PETRI

PETRI GREGORII THOLOSANI,
JCTI CELEBERRIMI,

De

DVELLO

SEU MONOMACHIA

COMMENTATIO.

Dinter species purgationis vulgaris, *duellum* seu singulare certamen, aut *monomachia* ponitur, in c. 2. de purgat. vulg. quæ etiam ibi prohibita est, & in cap. monomachiam, 2. q. 5. §. Duellum tamen antiqui idem quod bellum dixerunt. Unde & perduelles hostes, & Bellona Duellona dicta, ut auctor in VI. de Ling. Latin. Varro. Plautus, in Captiv. Belli domiq. duellatores optimi, pro bellatores. Cicero 2. de legib. Nam es atq. ferrum duelli instrumenta. Livius lib. 36. c. 2. Quod populus Romanus eo tempore duellum jussisset cum rege Antiocho. Cajus perduelles etiam hostes dictos antiquitus fuisse, cum Cicerone tradit, L. quos nos hostes, de verb. sign. Cic. 1. Offic. Quo nomine nunc patriæ hostes dicuntur proditores, legis majestatis rei. Duellum, inquit, Sex. Pomp. Festus, bellum videlicet, quod duabus partibus de victoria contendentibus dimicatur: inde & perdu-

F

ellus

Synagme-
tus Juris U-
niversi lib.
XLVIII.
cap. 16.
pag. 1061.
edit. Fran-
cos 1611.
fol.

illis, qui pertinaciter retinet bellum. Singulare certamen duorum hominum dicitur duellum, & solius cum solo pugna: Græcis *μονομαχία*. Duellum in purgatione vulgari, erat certamen duorum, ad purgationem illati criminis initum, quo victor purgatus, victus pro convicto habebatur. Duplex illa pugna erat, equestris & pedestris, talisque formæ & modi, quo conventum erat inter pugnatos, vel ab illis, qui monomachia præerant. §. Erat tamen monomachia species alia, quæ non purgationis causa, sed vel virium probandarum & periclitandarum, sponte inter aliquos fiebat, vel ut spectaculum præberent populo, ex quibus, qui virtutis causa id facerent, non erant infames: ut pugiles in sacris certaminibus, & alii similes. Qui autem vel operas elocabant, ut cum bestiis singulari certamine congregerentur, vel gladiatorio munere publicum spectaculum sanguine proprio ederent, infames fiebant, l. r. §. item *Senatus consulto, cum duob.* §§. *seq. de postul. P. L. athleticas, 4. de iis qui not. infra. P. l. qua actione, 7. §. si quis in colluctatione, ad l. g. Aquil. P.* Ut & tandem gladiatorum cruenta spectacula sublata fuerunt, tanquam in domestica quiete, & in otio civili horrenda, l. uni. de gladiis lib. ii. C. V. de quæ dixi de hoc lib. 39. Syntag. hujus c. 5. n. 25. §. Fuerunt & alia monomachia ad ostentationem virium & audaciae introductæ, quibus congregi soliti erant depugnantes, vulgo *Torneamenta* dicta; quo-

quorum torneamentorum detestabiles nundinas, ad
 quas milites ex conducto soliti erant concurrere, im-
 probat & prohibet jus Pontificium, unde mortes ho-
 minum, & pericula animarum sæpe provenirent, c.1.
de torneam lib.5. ap. Greg. Cum tamen hasta decertare,
 leges Romanorum concederent, l. *solent*, §. *Senatus*, de
alea lusu & aleatorib. P. Atque morientibus in tornea-
 mentis denegatur ecclesiastica sepultura, c.2. de tor-
neam. §. Solitæ fieri maxime illæ exercitationes pugna-
 rum, ab otiosis militibus in acie, vel in honorem hero-
 um defunctorum. Quemadmodum colligere licet ex
 Dictys Cretensis lib.3. de bello Trajano, apud quem re-
 fertur in certaminibus propositis ab Achille propter
 victum & occisum Hectorem, vicisse quadri jugis e-
 quis Eumelum: bigis, Diomedem & Menelaum: in
 sagittando, Merionem & Ulysssem: cursu longo, Aja-
 cem Oelei & Poliportem: duplici campo Machao-
 nam: singulari, Eurypilum: saltu, Tlepomenum: di-
 sce Antilochum: cœstibus, Ajacem Telamonium:
 cursu in armis, Diomedem. Proponit & diversa cer-
 tamina Phœacum, Homerus, quæ edi jussit Alcinous
 in adventum Ulyssis peregrini, publice, præcunte
 præcone. §. Fuerunt & monomachia veluti ex qua-
 dam necessitate antiquorum, ad sopiendas bellorum
 elades imminentes, & ad controversias sopiendas.
 Sic singulari certamine Curiatorum & Horatorum

diruptum bellum inter Romanos & Albanos, victis Curiatis, qui nomine Albanorum causam defendebant, ab Horatio, qui pro Romanis vicit: Lege prius posita, ut victis istis, aut vincentibus commilitonibus, victores vel victi haberentur, illi, quorum causam defenderent, *Lib. in 1. Val. Max. lib. 6. c. 3.* § Duello quoque Goliae & Davidis, illo pro Philistaeis, hoc pro Judaeis decertante, bellum maximum solutum est, victo Golia per Davidem, in singulari cum suis conditionibus pacto certamine, *1. Reg. c. 17. c. monomachiam, 2. q. 1.* Quando etiam Vandali ex patriis regionibus egressi, cum rege Gundarico Galliis vastatis postea ad Hispanias transivissent, & pariter Suevi, id est, Alemani Gallaciam apprehendissent, & fuisset inter hos populos orta quaestio, & collegissent viros belli utrinque: ne multitudo clade interiret, conveniunt, ut discrimen duobus pueris bellantibus committeretur. Et ita puero utrinque in duellum emisso, pars Vandalorum victa succubuit, interfectoque illorum puero, Trasimundus successor regni in locum Gundarici, cessit Hispania cum suis, *Greg. Turon. lib. 2. hist. Franc. c. 2.* §. Videtur tamen haec monomachia pertinere ad purgationem vulgarem, per quam juris vel injuriae judicium eventui committitur. Quare & duellum hujusmodi improbarunt quoque jura. Et clericum qui sponte duellum obtulerit, vel oblatum susce-

susceperit, deponi jubent; sive victor sit, sive victus fuerit, *C. 1. de cleri. pugn. in Duel. & irregularis sit ac homicida, sive per se sive per campionem, ut dicunt, seu pugilem, pro eo datum, occiderit contendentem & monomachum, c. 2. eo. Maxime habitus reprehensibilis, quod vel Deum remediis non humanis tentare voluerit, C. monomachiam, & C. Mennam, 2. q. 3. C. si nulla urget necessitas, 23. q. 8. & 6. quaritur, 22. q. 2. Sed & permittit Deus plerumque in istis duellis, innocentes ab eo, quo accusantur crimine, succumbere & necari, propter alia eorum peccata, ut ait C. 1. de purg. vulg. & ita Rhotarius Rex, *Quia incerti sumus, inquit, de iudicio Dei, & multos audivimus per pugnam sine iusta causa suam causam perdere: sed propter consuetudinem gentis nostrae Longobardorum, legem impiam vetare non possumus. lib. 1. Leg. Longob. Tit. de Monomachiis. §. Quibus rationibus etiam mores gentium plures inter Christianos castigantur. Prævaluit tamen malitia hominum, ut necessarium aliquando fuerit permittere, legibus Germanorum, Hispanorum, Longobardorum, Gallorum, ut videbis in Libro Bellissarii Neritinarum Ducis, de Singulari Certamine: Et in Legibus proxime nominatarum nationum, in Constitutione Philippi regis Gallorum, anni 1306. quam explicat Guido Pap. dec. 617. usq. ad 624. Et in Tractatu Ioan. de Lignano, de Duello. Quamobrem cum improbi mores vix omnino**

extrudi potuerint, necessarium leges illis aliquas, ne
 laberentur in prius, pro fræno adicere. Primumque
 definita sunt negotia, pro quibus ad certamen singu-
 lare provocare liceret tantum. Atque ex consuetu-
 dine *Longobardorum*, de criminibus objectis licebat se
 purgare per pugilem, quem *campionem* dicunt, *Lib. i.
 leg. Longob. tit. de mal. sic. l. fin.* Sic mulieri accusatæ de
 occiso marito per venenum, licebat se purgare vel
 per juramentum, vel per pugnam, seu eundem cam-
 pionem, *l. fin. de cons. mort. lib. i. leg. Longob. vide gl. ad S.
 si quis in ver. duellum, de pace tenen. in feud.* Qui argam,
 id est, cuculum vocasset, de eo accusatus poterat vel
 componere, vel per duellum cogebatur probare, *l. i.
 de Convitiis, lib. i. Leg. Longob.* Si quis dixisset, per vim
 venditionem prædii facere coactum, *L. si quis dixerit,
 titul. Qual. quis se defend. de cod.* Bellisarius ait in summa,
 ex legibus *Longobardorum* permissum esse bellum
 ex justa causa, si rei ejus, quæ in dubium venit, veri-
 tas alio modo probari nequit; si insimulatus criminis
 læsæ majestatis quis fuerit, & alio modo probare non
 possit; accusatori armis cum accusato decernendum
 est, an verum sit crimen: si objiciatur, quod patrem
 quis interemit, vel alium durantibus induciis: si alie-
 nam uxorem in viri mortem criminatus sit, vel adul-
 terium dixerit, vel adulterium al. ubi objiciatur, vel
 crimen furti, vel male possedisse per triginta annos,
 vel

vel incendium; vel si quis neget pecuniam depositam,
vel soluto debito nihil debere: *In Legibus Alemanorum*,
& cum his duellum committitur & pro controversia
terræ, *Tit. 85.* & pro dote adlata repetenda, *Tit. 77.* In
Gallia Philippus Rex, in provinciis, in quibus con-
suetudo esset duelli permittendi, noluit permitti, nisi
quatuor concurrentibus: *Constit. an. 1306.* Primo, si
liqueat crimen esse commissum, *L. 1. §. Illud, ad Senat.*
Syllania. gl. inc. 1. in princ. de pace ten. in usib. feud. à quo
tamen commissum sit, non liqueret. Secundo, ut ma-
lificio quod obijcitur duelli causa, ex eorum gene-
re sit, quod mortis pœnam habeat, quod ex facto pro-
posito constabit. Ideo excipitur furtum, etiamsi pro
eo pœna mortis inferatur. Tertio, quod crimen illud
proditorie & clam commissum fuerit, & alio modo
suffICIENTER probari non possit, quam per duellum,
quia in notoriis & probatis non admittitur purgatio, sed fit
condemnatio, C. 2. c. Cum dilectis, de purga. cano. Quarto,
quod is qui duello provocatur, & de ipso delicto ac-
cusatur, per indicia & verisimiles præsumptiones ha-
beat suspectus, ut in tortura & in purgationibus
paulo ante diximus: alioquin enim si manifestum sit
crimen, ut puta quod quis aliquam voluntarie & spon-
te necessario occiderit, tunc nec per duellum, nec
alio modo accusabitur, quin capitalem subeat pœ-
nam, *§. Si quis hominem intra pacem, de pace tamen, in usib.*
feud.

feud. Ex quibus constat, duellum non temere pro omnibus, nec contra omnes sine causæ cognitione, nec ab omnibus concessum fuisse. §. Duellum ideo non nisi ab eo, qui habet vitæ necisque potestatem, permitti potest: neque privati, qui sibi indicunt propria auctoritate, immunes sunt à crimine læsæ majestatis, & homicidii pœna, si illud commiserint in monomachia propria auctoritate delata & suscepta. Princeps solus permittit hodie in Gallia. Olim mittebar, causa agnita, Senatus Parisiensis: *Mâsue in stylo parliament. tit. de adiurnam. §. Item fallit ubi aliquis aliquem, &c.* Curia gubernatoris, cum ipso rectore Delphinatus in Delphinatu: Magister militum Galliæ seu Constabularius, *Guid. Pap. q. 622.* Et Philippus rex inhibuit anno 1307. Senarcho Tholosano, ne de bello aliquam litem susciperet, & ut loquitur Constitutio, *ne aliquem processum faceret.* Bellisarius *lib. de singul. certamine c. 5.* pugnandi facultatem duello dare tantum, ait, principem liberum, nemini subditum, nec sine ejus permisso posse fieri. Refert duo exempla, quare *Quintius Crispinus* miles, cum cum *Dadius Campanus* injuria laceret, ut si vir esset congrederetur, tamdiu cunctatus, donec Imperatorem consuleret. Et Titus Manlius, cum à Gallo provocaretur, Dictatorem ita est allocutus: injussu tuo Imperator, extra ordinem non pugnaverim, non si certam victoriam agnoverim: si tu permit-

tis,

tis, ero provocatus. Qui sine publica aliqua administratione maleficum, furem, sacrilegum, & perjurum, vel quemlibet criminiosum interfecerit aut trucidaverit, aut membro debilitaverit, velut homicida judicabitur: tanto acrius, quanto sibi à Deo concessam potestatem abusive usurpare non timuit. Idem c. quicumq. 23. q. 8. c. 2. & c. significantibus, de homicid. Ut neque ultio permilla sit de eo, qui nos invadit & occidere nititur vindicta: nisi accessisset consensus principis, qui permittit cum ea conditione, si evadere aliter non possumus mortis periculum, l. 1. Ibid. vestram igitur permittimus ultionem, quan. lic. unic. sine jud. se vind. C. L. scientiam, S. per & l. itaq. ad l. Aquil. P. l. 2. C. ad leg. Cor. de sicar. l. ut vim, de justit. & jur. Et idcirco judiciorum vigor, jurisque publici tutela in medio constituta, ne quisquam sibi permittere valeat ultionem, etiam si alioquin sit aliquis sceleribus implicitus, l. nullus, 13. C. de lud. Prohibitum etiam generaliter, ne quis sibi jus dicat, l. 1. ne quis in sua cau. jud. C. l. 1. quo lega. P. l. penultima, quæ in fraud. cred. P. cum similibus, l. qui jurisdictioni, de jurisd. om. jud. P. ne sibi debitum armata manu repetat, in l. negantes, de action. C. Nec vitat homicidii poenam, qui etiam salutis communis inimicum & hostem, sceleribus inquinatum, necaverit: Cum quod severitati legum cum subtraxerit, tum quod proprium fortassis inimicum sub hujusmodi vindictæ nomine, consilio atrocior confecerit, l. fin. C. de malef.

Mathe. Bellum iustum tantum est solum, quod indicitur & permittitur à principe, qui habet gladii potestatem, *c. quid culpatur, 23. q. 1. c. iustum, 23. q. 2. c. igitur, c. omni, & c. seq. 23. q. 8.* Et armorum usus, sine Principe capitalis est, *l. 1. ut arm. usus. & c. lib. 11. C. tit. de armis in Auth. l. 1. ad leg. Jul. de vi pub. P.* Neque jus est rectoribus provinciarum, vel ducibus exercituum, concedere inter suos milites duellum: quamvis n. gladii jus acceperint à principe, tamen illud limitatum fuit, ut in hostes hoc iure uterentur. Sicuti & miles, jus necandi, sed hostem non regnicolam, habet. Et ideo si tanta temeritate & superbia duces vel exercitibus præfecti impellantur, ut monomachiam permiserint, rei fiunt majestatis: quia cum in hac causa privati sint, injussu principis bellum gerere dicuntur, & delectum militum habere, & pro potestate, quam non habent, principes agunt, quæ capita ad leg. Jul. majest. pertinent, *l. 3. ad leg. Jul. majest. P. §.* Forma quæ præscripta est duello habito legitimo, hæc, ut primum pignus detur, certaminis ineundi symbolum, mittitur interdum per facialem paludatum, qui *Heraldus* dicitur, interdum & ad provocatum literæ indicentes monomachiam, quas vocant *lettres de défis ou combat*. Interdum pro pignore chirotheca sanguinolenta sæpe, ut ait *Belisarius lib. præd. c. 2.* & citatur in jus coram principe, vel coram eo qui potestatem habet permittendi duellum,
ad

ad duello determinandam diem, horam, & locum. Estque ea vocatio vadimonium, cujus die dicta sistere debet vocatus, reus & actor. Et cogitur vocatus, velit nolit, respondere: data tamen dilatione prætextu absentia amicorum, ut *Aufrer*, scripsit se vidisse judicari per senatum Parisiens. *Aufrer. in styl. parlam. tit. de adiornament. in cau. appel. §. Item fallit ubi aliquis aliquam inventum Parisiis.* Hic tamen sciendum est, dictum fuisse per curiam supremam Parisiorum, ann. 1386. pignora, quæ in placito vocantur vadia, plura projici non posse, nec ab alio, quam ab eo, qui provocat ad duellum: alioquin si id fieret, impune posse aliquem detractare duellum, scribit *Ioan. Gallus, in quest. decis. per arresta parlamenti, q. 72.* Alioqui placito cautum, ne liceret à curia pendente controversia duelli, abire, sine permissione ejusdem curiæ, *Ioan. Gallus præd. loco q. 171.* In curia agitur, num justa sit pugnae causa, num dubia vel certa, *Belissar. lib. de singul. certac. 12.* num debeat permitti, num accipere pignus provocatus recte recusaverit, num crimen illatum alio modo probari possit, quam duello. Nam hæc est causa finalis duelli probatio. Sicque coram rege vel curia olim dicebant monomachiam, indicentes talem reum commississe tale crimen, in tali loco, tali hora proditorie vel clam: & tamen se illud probare plane non posse, nec aliter quam proprio corpore pugnando: vel per se vel per pugilem,

lem, quem vocabant advocatum vel championem. Sed & discutitur in hoc iudicio, num injuria, quam sibi irrogatam dicit provocans, verbalis sit, an facti: nam pro verbali, verbis repulsa, non fit pugna, ut si pro verbis, tu es fur, alius dicat, tu mentiris, *idem d. lib. c. 14. §.* Si vocatus ad causam hanc discutiendam, non aderit die illi dicta, tanquam in contumacem & confessum de crimine, quo interpellatur, fertur sententia. Et secundum Belissar. c. 2. poterit provocans imaginem renuentis & detrectantis, per loca publica ad ejus ignominiam constituere, ut venire cogatur; & si adhuc contemserit, infamiae nota dignus sit. Apud *Muscovitas* seu *Ruthenos*, purgatio criminum post accusationem delatam ex consuetudine, duellum etiam est, si velit accusatus, postquam in jus vocatus est per *Nedelniso*, id est, per apparitorem, & causa fuerit audita, testisque producti contra eum, *Sigis. Liber. Baro, in comment. rer. Moscovit. §.* Postquam autem reus provocatus venerit, potest in iudicio coram Principe vel curia, vel alio idoneo, de sua innocentia verba facere, & modeste salvo honore iudicis, negare, & asserere falso se fuisse ab adversario insimulatum, & eum mentitum esse: & tunc potest vel recusare pignus iustis rationibus, vel docere quod recte non sit projectum, vel quod plures male projecerint, vel quod crimen duello non subiciatur, vel nulla sunt indicia adversus eum,

vel

vel non constet delictum commissum, vel similia quædam. Aut si velit pignus accipere, dicet salvo honore curiæ mentitum adversarium, idque se probaturum, cum auxilio B. virginis Mariæ, & B. Georgii militis, certamine singulari, vel proprio corpore, vel pugile quem exhibet suo periculo & sumptibus, obligatione proprii corporis: & ita se pignus capere cum reservatione consilii, & cum arbitrorum electione. Et tunc utrinque auditis contendentibus, per se vel per advocatos, judex statuit se adhibito judicio & consilio judicaturum, num quæstio pugna decidenda sit: jubetque ea de causa venire certa die litigantes. §. Subinde die statuta, fertur sententia, ex qua si pugna indicitur, constituitur locus, dies est hora, quibus interesse pugnaturi debent. Delegatur â principe judex, qui certamini præsit, qui refelli non possit â provocante, juris militaris peritissimus: & si agatur de crimine læsæ majestatis, eligendus qui præsit provinciæ, & de criminibus cognoscere possit: si militibus singulari certamine sit decertandum, dux exercitus, cui dominii jure non sit subditus provocatus, *Belissar. d. li. c. 4. & 3.* Provocatus judicem, dummodo non suspectum adversario, locum & arma solet eligere, solum commune, & tempus utrique. §. Locus, seu arena, aut catadromus, concluditur palis & limitibus, & ut vocant *barriers ou lisses*. Monomachix locus habere debet, ut ait Claudius la

Sale, in *lib. de Duel.* in longitudinem, centum viginti passus; in latitudinem octoginta. In catadromo sunt duo tentoria. Tentorium quod à dextris principis, vel certaminis præsentis est, deputatur provocantis; quod à sinistris, provocato. Et in quolibet tentorio, habet pugnaturus suum mantile, panem & œnophorum, quæ egressuris ad pugnam offeruntur: potest & quilibet secum edulia deferre, quæ unius diei victui sufficiant. S. Die & hora adveniente pugna statæ, debent ad catadromum venire armati illis armis, quibus pugnare conventum est: à domo olim non licebat etiam per alium arma quam per se deferre; dispensavit tamen Philipous rex, ut alio præeunte possent per illum deferre. Jussit tamen optimus & Christianissimus rex, ut egredientes domo armati, & singulis fere passibus se salutifero signo crucis præmunirent, & vexilla deferrent, vel præferri juberent, quibus divorum, aut crucifixi essent appictæ imagines: non alia de causa, ut opinor, quam ut Christianos se esse cogitarent, & ad mortem se pergere: utque se appararent eidem, si opus esset. In catadromo, die certaminis, præco paludatus seu facialis armorum Hæraldus prodit in catadromum, & silentio impetrato, per triplicem vocem Gallis consuetam, *or oyez, or oyez, or oyez*, refert nomine regis alta voce, diem illam esse statam certamini tali, ad probandum corpore & pugna in-

ten-

tentionem suam. Postea recta via in catadromi duas portas veniens, & provocantem & reum vocat, jussus à Principe, vel à præfecto judice. De hinc vocati ingrediuntur catadromum, & se principi sistunt & offerunt. §. Ad est præfectus catadromi, quem vocant *Mareschal du Camp*. & præco interim nomine Regis alta voce leges dicit adstantibus, qui certamen visuri advennerunt, præfato silentio prædicto more, *or oyez*, ne quis nobilium vel aliorum arma ferat, non enses, non pugiones, exceptis custodibus catadromi. Secundo, ne quis inibi equum habeat: alioquin si nobilis sit, equo privetur: si servilis, aut vilis conditionis, aure truncetur. Tertiò, ne, quis ingrediatur intra duos fines catadromi, quos vocant *lex deux lisses*, exceptis iis qui inibi ordinantur: imminente & indicta id attentantibus poena mortis. Quarto jubet omnes in terra considere, non in scamno sub poena abscissionis manus vel pedis, ut facilius pugnantes videantur ab omnibus. Quinto, jubet ne quis eorum qui adsit, tussiat, loquatur, signum faciat, spuat, indicta poena confiscationis corporis & bonorum. Tum citat præco ad januam utrumque monomachum, num adsit talis: respondet citatus, vel ejus advocatus, adest vocatus, & sistit se coram Rege suo, vel superiore principe, vel coram superiore, vel judice competente, armatus ut nobilis, paratus ingredi catadromum, & pugnam contra

tra

tra talem vocatum, pro hoc vel illo negotio, tanquam adversus proditorem & invidum, vel talis criminis reum, cujus rei gratia invocat testem Dominum nostrum Jesum Christum, & beatam virginem ejus genetricem Mariam, Divum Georgium militem & alios sanctos. Quibus dictis præfectus catadromi, vel magister campi, ad regem vel judicem it, relaturus quæ dixit ingressurus catadromum. Juberet autem rex aut judex, cum armatum uti est, vel equitem vel peditem admitti: is vero ingressus cum suo consilio regi sistitur, & vel per se ipsum, vel per advocatum eadem regi dicit, quæ præfecto catadromi, causamque sui adventus.

§. Protestatur autem qui admissus est ita, & provocavit ad certamen. Primo, ut possit pugnare eques aut pedes, prout satius ei videbitur: cum armis quæ defert, aut sine his, invadendo aut defendendo. Secundo, quod pugnaturus sit cum armis permissis & non vetitis in regno, quibus si utatur adversarius, illi adimantur, & nulla alia in eorum locum dentur. Tercio, protestatur, ut si adversarius arma ferret vetitis arribus, aut per maleficium fabricata, aut brevia, aut incantationes daemonum, quæ postea manifesta fierent, non ideo lædatur, vel minuatur ejus bonum nomen, bona ve fama, aut jus, sed adversarius ob ea plectatur. Quarto, ut si contigerit sole occidente nondum vulneratum vel victum esse adversarium, detur
 ei ex

ei ex sequentidie tantundem, quantum lapsum ex pro-
fenti esset, ad conficiendum integrum diem, secun-
dum mores, consuetudinem, & constitutiones. Quin-
to, ut si contingat stata hora adversarium non com-
parere, ne posthac audiatur. Earumque protestatio-
num & petitionum petere potest jus sibi dici. Eadem
petit & protestatur, eademque forma admissus ad-
versarius, seu interpellatus, qui pignus duelli susce-
pit. Postea autem recipiunt se in sua tentoria mono-
machi. §. Et rursus præco secundo vocat in singulas
portas catadromi, quæ duæ sunt, conversus, primum
provocantem, qui admissus, pedes armatus quibus
uti vult armis, rejecta lorica, comitatus suis consilia-
riis & catadromi custodibus, se genibus flexis coram
Principe vel iudice sistit, quem unus ex latere princi-
pis alloquitur & adjurat, proposita imagine Domini
nostri Jesu Christi crucifixi, ne immemor suæ sit salu-
tis, recordeturque imminere æternam damnationem,
si calumniatur; Deum, illum ut adjuvet, precatur, si
jure sit pugnaturus: statim prehensis ambabus pugilis
manibus sub motis chirotecis, eas ei admoverat ima-
ginem, verbaque concepta juramenti, quæ ipse se-
quitur, præit: *Ego talis juro super memoriam passionis Do-
mini nostri Jesu Christi, & in fide veri Christiani, & sancti
baptismatis, quæ à Deo consecutus sum, me habere, utq. vere
arbitror, bonam, sanctam, justamq. querelam & jus, in pi-*

H

gno.

gnoris datione facta tali, pro tali quaestione & crimine, contra talem qui falsam & impiam vult defendere causam: prout hodie fidem & probationem corporis mei objectione faciam, cum Dei auxilio & beatae virginis Mariae, & beati Georgii militis. Hocque praestito juramento, repetet territorium cum illis, qui eum adduxerant. Eoque reducto, custodes catadromi in aliud defensoris pergunt territorium, & eodem modo forma, & juramento de justa defensione devinctum, ducunt ad principem, & reducunt in territorium. Subinde ambo pugiles à custodibus divisus, una ducuntur coram imagine crucifixi & Principe vel iudice, cujus consiliarius unus, vel praefectus catadromi, seu magister arenæ, pugilibus geniculatis apprehendit manus, & in utrumque latus crucifixi admoveret, & postea jubet iisdem sibi mutuo dexterarum dare & jungere, eosque ita verbis affatur. Tu talis, qui provocasti ad certamen, & tu talis qui suscepisti: videte, perpendite & contemplamini, sacratissimæ passionis Dominicae memoriam, ex qua periculum animæ corporis imminet ei, qui juramento praestito, & praestando, pejeraverit; considerate sententiam, iramque Dei in eum, qui injuste contendit, & quod Deus opitulatur justam causam foventibus, obsistit autem impiam defendentibus: scitote melius satiusque esse incidere in manus hominum, quam in manus Dei: adhuc superest poenitentia locus; recipite, antequam contendatis injuste. Vne tu talis, qui jurasti antea, te justam causam fo-
fove-

fovere, sacramento id ipsum confirmare? Tunc, qui pignus suscepisti, visne iterum id ipsum jurare? Hisque dictis, si nolit jurare, & dicti factique poeniteat, relinquuntur arbitrio & misericordiae judicis vel Principis ante pugnam, & reducuntur in tentoria propria. Quod, si velint jurare, jurabunt praecunte consiliario Principis, vel Magistro seu Marechallo campi, in haec verba: Ego talis provocans, juro supra veram imaginem Domini nostri Iesu Christi, in fide baptismi, quod consecutus sum à Deo, in spe gaudiorum Paradisi, quibus abrenuntio, & poenas damnationis aeternae, deligo in animam, vitam & honorem meum, si sciens fallo, & ni arbitrer, me justam causam fovere expugnandi talem impium proditorem, adversarium, quem in conspectu habeo, video, & manu teneo. Hujusce rei gratia invoco in verum judicium, Deum, beatam virginem Mariam, beatumq. Georgium S. militem. Quae ut fidelius exsequi possim, per juramenta praestita juro, me non deferre, nec decrevisse ferre mecum, aut supra equum, verba, lapides, herbas, incantamenta, invocationes Daemonum, quae me possint judare, aut ei nocere; neq. quicquam aliud praeter jus meum, equum meum, armaq. mea; & cum hoc osculor hanc veram crucem, & taceo. Eadem jurat & eodem modo, qui defendere decrevit. Subinde se in pedes erigunt, jubetque consiliarius vel Magister campi, eos sibi iterum mutuo dexteras dare, & provocantem provocato dicere: Provoco te talis, quem ego dextera teneo, per sacramenta quae

præstiti : causa, ob quam ad singulare certamen te provocavi, vera est : & ideo iuste te provocavi, & hodierna die te expugnabo : tu contra injustam foves causam, injusteque am tue-ri & defendere vis : testesque de re appello, Deum, beatam Virginem Mariam, & beatum Georgium, bonum equitem seu militem. Provocato autem jubet dicere, se præcunte : Et ego talis quem dextera teneo, per sacramenta jam præstita, dico, causam, ob quam me provocasti, falsam esse & iniquam, ac proinde me justam ac rationabilem habere defendendi, teque expugnandi & repellendi hodie adversum injustam & falsam objectionem & examinationem, ob quam me interpellasti, cum bene ipse noveris, te pessime & impie mentiri : ut testes Deum, beatam Virginem Mariam, & divum Georgium bonum equitem invoco. Hisque dictis genua iterum flectunt, & deosculata imagine crucifixi in tentoria redeunt. Has formulas, vir in aulicis negotiis expertissimus Claudius de la Sale præscripsit. Bellisarius capite sexto, aliud juramentum per judicem vel principem â pugnaturis exigendum docet : *Se non ob aliam causam pugnatorios, quam ut veritas illucescat, nec odio, nec alia quam sui honoris tuendi causa, & in defectum probationum.*

§. His peractis in medium catadromi venit præco, & iterum nomine regio quemque adstantium jubet suo loco considerare quiete, seve temperare â signis, ne tussiat, ne excreet, ne se moveat. Adsunt pugiles
ad

ad pugnam parati, quibus omnibus in suis sedibus se continentibus, jubet iterum præco, ut certamen incant, verbis ter repetitis, *faictes vos de voirs, faictes vos de voirs, faictes vos de voirs*: quibus dictis ipse se subducit juxta catadromi palos. Explicatur juxta cujusque pugnaturi tentorium interim mantile, œnoforus & panis. Prodit in medium præpositus campi seu Marschallus, & interrogat pugiles, num parati sint ad certamen, illisque se paratos respondentibus, ille progressus in medium arenæ, deferens pignus certaminis, seu chirothecam, alta voce, clamat ter, *finite hos abire*, projicitque pignus in medium certaminis: concurrunt tunc pugiles, velequites, vel pedites. Exeunt autem eorum consiliarii vallum seu palos catadromi, finem & exitum pugnae expectantes: nisi judex certaminis aut Princeps permittat unum aut duos utrinque adesse catadromo, ut melius certamen observent, despiciant, audiant, & postulent pro jure suæ partis. §. Certamine inito, quæritur quis pignus lucretur, quod vocant, *cultrer le gage*, aut liberare à pugna. Et dicunt in duobus casibus id accidere: primus, si alter pugnantium fateatur culpam, & se dedit. Secundus, si alter eorum pellatur extra catadromi vallum, vel palos, vivus aut mortuus. Nam in hac pugna edicitur, ut ait Bellissarius, cap. 10. ne extra vallum vel septum pugnetur: & extra pugnans, pro

victo habetur, nisi casu, vel sine culpa sua, septa tran-
 siliret, puta si forsan equus ferox se subtrahat, fræno
 non obtemperans, quo casu iudicio omnium habito
 & suffragiis, sine culpa pugilis factum, in pugnam re-
 ducitur. Causa interim pugnandi mutanda non est,
Bellissarius præd. li. de singu. certam. c. ii. nec semel victus
 iterum provocare potest. Victo vel prostrato, vel
 adhuc vivente, vel mortuo adversario, ejus corpus
 relinquitur præfecto catadromi, seu Marefcalcho
 campi, ut iudex vel Princeps de supplicio ejus statu-
 at, vel ejus misereatur. Victor Principi vel iudici ge-
 niculatus se sistit, quærens num debito functus sit of-
 ficio: quo casu Princeps à certamine eum absolvit, &
 ille in propria tentoria cum suis & amicis redit. At si
 victus adhuc vivit vel mortuus est, prostratus à præco-
 nitibus paludatis, seu Heraldis erigitur, exarmatur, li-
 gulis armaturæ ruptis, arma per catadromum spar-
 guntur, & rursus in terram prosternitur, donec iudex
 & Princeps, quid de eo factum velit, statuerit: obsi-
 dibus ejus victori datis & retentis, donec satisfacce-
 rint eidem adversario, & bona victi fisco addicta fue-
 rint Principis. Et si reus vicerit, tutus in posterum ab
 illato crimine erit, transitque negotium in rem iudica-
 tam, ut neque de eo inquiri postea possit, nec jam in-
 quisita noceant. Si concurrentibus duellantibus cum
 equis uterque prosternatur, eodem mutuoque im-
 petu,

petu, judicatur pro defensore: quia actor non probavit, *idem Bellissarius ubi sup. c. 19.* Ex sententia Bellissarii, *cap. 15.* videtur potestati victoris absolute concessus victus; & ideo ait victorem victo debere imperare honesta, non turpia, obsequendumque victori, sed non ut nobilis jubeatur agrum colere, fodere, pecora custodire, servile opus agere, nec oportere in eum crudeliter sævire. §. Et hæc hætenus de forma duelli dicta sunt: nunc admoneo, pugnas has fieri debere à personis idoneis tantum, neque duellum permissum, nisi inter personas æqualis fere dignitatis. Et ideo inferior à superiori cui subicitur, cogi non potest ad pugnam, *Bellissar. eo. li. c. 7.* & fere omnes qui non admittuntur in judicio, rejiciuntur à pugna, turpitudine vitæ notati, infames, desertores exercitus, quæstuariæ mulieri inservientes, emanfores, cauponam exercentes, qui dimicantem in prælio dominum deseruerunt, colonus, villicus, crimine capitali damnatus, deportatus, hæreticus, *idem cap. 8.* Et quia pares debent esse commilitones, si ignobilior ad certamen superiorem provocet, potest nobilior parem loco sui subrogare: non contra, si nobilior ignobiliorrem provocet. Nam tunc ignobilior vel nobilior, alium non subrogat. Subrogat provocatus, si minor sit 25. annorum, vel major sexaginta, mulier quæ adulterii postulatur, si servus absens furti accusatur, & si

testes

testes sint varii, de his Bellissar. eo. c. 9. exstat & lex si. tit. qualiter quisq. se defen. debeat, li. 2. leg. Langobar. §. Victo tamen subrogato, victus censetur subrogans, idem Belliss. c. 9. Meminit Belliss. c. 3. cujusdam legis Friderici II. Imperatoris, per quam si provocatus aliquo corporis membro ad pugnam destitutus mancusque sit, eodem & provocator carere debeat, nec ullo modo eo in ipsa pugna uti. Nec si eques sit provocator, provocatus vero pedes, ut reo potius quam auctori jura favent, l. auctuarios, de aetio. F. l. favorabiliores, de reg. jur. P. Finis duelli, est probatio occultorum, & purgatio judiciorum. Inde rationes quoque petuntur, admissam ex causis & praesumptionibus urgentibus monomachiam, ne maleficia clam commissa haberent diffugium, & delinquendi tolleretur securitas & occasio. §. Sed & nobiles tantum tribuerunt honestati, gloriae, & bonae famae, ut potius eorum, quam vitae rationem habendam putent: & praestare honeste mori, quam turpiter cum ignominia vivere. Alii etiam facile credunt, Deum veritatem manifestaturum in hoc certamine. Sed certe, ut litis & judiciorum dicimus exitus esse incertos & dubios, eo magis certaminis hujus trucem & immanem congressum, aequaeque dubiae, rari sunt Christiani, per rationes in vulgari reprobanda purgatione adductas supra cap. 15. Sed eo maxime, quod quis tentare Deum videatur, & nimium de sua justificatione confisus, in mor-

tem

tem spontaneam perveniat, inscius an amore vel odio Dei dignus sit, & num pro aliis peccatis, quibus omnes abunde scatemus & constingimur, dignus quoque sit in certamine â Deo relinqui, & ejus destitui ope. Recte D. August. li. 1. de civitate Dei, c. 22. & 23. docet, non esse magnanimi animi, neque Christiani, mortem sibi accelerare. Et utinam nobiles, quid esset mors, & quid post mortem expectare oporteat, animo conciperent, & revolverent, cujus sint discipuli, & cujus nomine Christiani appellantur: certe, ut arbitror, istas deponerent vanas & tumidas jactationes, & sesquipedalia superba & paganica bella, & Dei judicium potius expectarent, & vindictam ab eodem hostium & malefactorum, ut ipse Dominus noster Jesus Christus, vivendo & moriendo, exemplo suo nos docuit. §. Et si milites efferati, aut potius feræ, his non acquiescant, Judices & reges, quorum munus est salutem Reipubl. curare, has monomachias & gladiatoria ferina spectacula non patientur. Quemadmodum etiam Tridentina synodus, in sessio. 9. in decretis reformationis generalis, recte statuit, ut quicumque duellum concesserit, excommunicetur. Ex quo concilio revocata extravag. Joa. 22. tit. de torneam. incipiens: *Qui in futurorum eventibus*, in extravag. Joa. 22. per quam tollebatur sancta constitutio Clement. V. qui prohibuerat torneamenta, seu decurso ia,

quæ vocant *Ioustas*, quæ habent monomachix periculum. Et melius certe etiam est redire ad hanc constitutionem: quod & Henrici II. Regis nostri casus, & infelicissimus eventus docuit. §. De hastiludiis tamen seu exercitiis, quibus nobiles ad hastam vibrandam instruuntur, & de bravio, cursu, & recta directione certant, vel ad annuli immisionem, vocant *la bague*, vel ad ficti hominis & umbratilis pugnam, quam vocant *Quintaine*, nihil reprehendo: ibi enim exercitium sine proposito necandi discrimine, & concursus justam habet causam &c.





OLAI WORMII,

MEDICINÆ D. ET PROFESSORIS IN
ACAD. SORANA QUONDAM
MERITISSIMI,

De

FORIS VETERVM DANORVM,

ET

VARIA DIRIMENDARUM
LITIVM RATIONE,



FOCA, in quibus publice lites secundum
regni Leges & constitutiones dirimun-
tur, FORA hic vocamus, nostratibus
Ting. Ea in locis campestribus & apricis,
vel etiam in silvis & lucis, prope aras Deo-
rum, ex congerie grandiorum lapidum, in quadrang-
ulam aut ovalem, figuram dispositorum, exstructa
cernuntur. Adhuc prope urbem ac arcem *Orethlinga-*
nam in Selandia, rudera ejus fori monstrantur, ex quo
arcem ac urbem denominationem traxisse volunt. Cu-
jus cum ego structuram & capacitatem diligentius ex-
aminarem, vixi illud quadraginta sex saxis stupende
magnitudinis cinctum fuisse, eminente in ejus medi-

Lib. I. Mo-
numen-
tum Danic
cap. IX. &
X.

ullio grandiusculo quodam. Omnia vero in ovalem disposita erant figuram, ita quidem, ut utrinque ad latera circa medium porta quasi vel aditus pateret meridiem & septentrionem versus. Longitudo nonaginta passus æquabat, latitudo viginti. In tractu Mierlosano prope *Ausmuntor* locus extat, undique cautibus septus, etiam cum fori appellationem retinens. *Tingit* enim vocant. Plura hujus generis passim in aliis regni provinciis cernere licet.

Cæterum graviores controversias variis modis decisas in his locis invenio. Frotho Magnus, qui tempore nati Christi imperium in Danos habuit, inter cæteras leges & hanc attestante Historico nostro libro V. tulit : *Ut de qualibet controversia ferro decerneretur : speciosius viribus, quam verbis confligendum ratus, Quod si aliter ducantium relato pede prænotati orbis gyrum excideret, periret, ac victus causa detrimentum reciperet. Si autem quavis de re pugilem popularis impeteret, ipsum armatus exciperet, cubitali duntaxat Stipite pugnaturum : Sic idem rex abortam inter Hichinum & Hoginum simultatem, quod Hichinus putabatur Hogini filiam ante sponsalium sacra, stupri illecebris temerasse, quod tum immane facinus cunctis gentibus habebatur, cum secundum leges alias componere non posset, ut ferro rem decernerent, concessit ; quod ita expressit noster : Frotho missus, qui simul eos accerferent, scrupulosius causam inqui-*

inquire suavitatis. Quia cognita, juxta legis à se late formu-
lam pronuntiavit. Videns autem, ne sic quidem eos in grati-
am reduci posse, patre filiam pertinacius repositente, licem ser-
ro decedendam edixit: Id quippe solum dirimenda controver-
sia remedium videbatur:

Monomachiae leges & ritus pluribus persequitur
Arngrimus Jonas, Rerum Islandicarum lib. 1. cap. 9. ex
quo haec cape. Monomachiam vel singulare certamen initu-
ri, scamma vel spatium quoddam, quod non excederent, posi-
tus terminis describebant, idq. vel lodice seu stragulo quodam
pedibus certantium subtrato; unde si alteruter profigeretur,
tribus marcis argenti & foras salutem redimere tenebatur.
Qui humum cruore prius tinxisset, victus censbatur, idq. ut
apparet, in certaminibus minus fortis, tanquam ludis gladi-
atoris. Vel describebatur Maris ille campus, factus circo quo-
piam, aut per cancellos ligneos, aut aliud simile: & hi cancel-
li Hestesteingur dicti sunt, idcirco quia forsitan cancellus istis
primum corymbus materia fuerat. Victor autem, qui ad versa-
rium in hoc cruento certamine neci dedit, omnium bonorum
victi heres evasit, quod vocabant *dar var veigld til arfs*.
Pacta victoria, è vestigio tauri immanis productus est, qui in
si victor unico ictu non interficeret, victi cognatis contra vi-
ctorem agendi jus fuit. Quibus monomachiae legibus Egillus
Scallagrinnus non semel vicit, & in amplissimas possessiones
victorum successit. De quo consule eundem Arngrimum
filius differentem lib. 2. pag. 134.

Hoc duelligenere constat nonnunquam ita direm-
tas esse forentes, de prædiis, hæreditatibus & dotibus
lites, ut saltem bona controversa victori cederent, re-
liqua vero hæredibus adjudicata. Idem autem erat ju-
ris, si quis ad duellum postulatus adversario obviam
ire recusaret, ac si certando occubisset. Observatu
digna, quæ Saxo de his monomachiæ legibus tradit
lib. IV. *Progredivillum (Axislom) jubet, & si quid virum
sit, solitaria secum experiri congressu. Nam & se, remoto fra-
tris adminiculo, propriis acturum viribus, ne manu impari
pugna censeret videretur infamis. Duos si quidem cum uno de-
cernere, ut iniquum, ita etiam probris sum apud veteres cre-
dibatur. Si autem victoria hoc pugna genere parva laudabiliter
habita, quod potius deitari, quam glorie juncta videretur,
Quippe unum de duobus opprimi, ut nullius negotii, ita maximi
ruboris loco dicebatur. Vide, quæ de Athletis commen-
tatus est ad lib. II. Saxonus eruditissimus Historicus Re-
gius, Stephanus Stephanus, Soranæ Academiæ Profes-
sor publicus.*

Arma, quibus in hac monomachiâ instructi proce-
debant, *Galea erat, clypeus, ensis & hasta. Provocatus
prior ictum in adversarium dirigebat, atque sic per
vices manum conferebant.*

Erat & aliud monomachiæ genus, quod in capaci-
simo vase superne clauso peragebatur; in quo ensis
loco baculo cubiti longitudine utebantur. Quo cer-
tami-

ramine Thorgisellus Orrabinius Randidum Scotiae pugilem superavit.

Controversias per duellum dirimendi ratio diu in Holsatia viguit. De ea enim Christianus Cilius de bello Dithmarico lib. 1. sic disserit: Si maiores contentiones de jure aut honoribus inciderent, inter nobiles praesertim, antiquo Romanorum (imò Danorum) more iussu duellum, morte publico lites dirimabant. Adde: Homicidii crimen ultimo supplicio non prosequentes, multa pecuniaria placebant, ne iudicis casu duo de medio tollerentur. Idque ita ad Christianum u. g. qui nominis III. David regis observatum est. Frequentem, ut erat Princeps prudentiam mira, & equum bonique servantissimus, quoniam ea consuetudo à deo summaque humano jure discepare videbatur, inolitam usque temporis diuturnitate legem, ante annos non adeo multos consensu praerogativa constrinxit & mitigavit, ut qui inopinantem quempiam, armis ad sui corporis defensionem non instructum interfecisset, capite poenam luit, in reliquis praescripta consuetudinis vigor obtineat, ut à sanguinis profusione temperetur. Quae idcirco adduco, ut vel inde colligere liceat, barbaras hasce leges & consuetudines tam atrae apud Septentrionales, gisse radices, ut ne tanto quidem temporis spatio extirpari potuerint.

Duellum quidem examen, tanquam impium, abrogare conatus Rex Longobardorum Luidprandus, sed frustra, ut patet ex Legum lib. 1. Tit. 9. L. 23. Incerti, inquit,

quit, sumus de Iudicio Dei, & multos audivimus per pugnam sine justa causa suam causam perdere; sed propter consuetudinem gentis nostræ Longobardorum legem impiam vetare non possumus. Eundem hunc ritum Agobardus Episcopus, Nicolaus Pontifex, Concilium Lateranense, alii que damnarunt: unde sensim aboleri cœpit apud exteros. Apud nos ad tempora Popponis viguisse videtur. Memorabile, quod eousque invaluerit hæc superstitio, ut duello decertare non dubitaverint Monachi, alii que, divinis, ut videri volebant, devoti. Iuretus refert è MSS. duo egregia exempla, Ivoniano seculo contingentia. In uno Monachus cœnobii Vindocimensis duellum pangit cum Sanctonensis Episcopatus clerico: in altero religiosus quidam Anselmus, thesauri Laudunensis Ecclesiæ custos, in monomachia strenue vicit aurifabrum, reus innocentem. Hæc Spilmanus ad vocem Iudicium Dei, qui eleganter singula ad duellum requisita proposuit in Archæologo ad vocem Campus. Tangbrandus Regi Olao Tryggonis à sacris, miles fuit strenuus, & multos duello vicit, testante Historia Norvvegica. Arngrimus duelli & monomachix hoc jus in Norvvegia & Islandia durasse in annum Christi MVI. arbitrat. Vide Lib. I. Crvm. cap. 9.

Duellorum quidem indicia, saxa longo ordine recta linea disposita esse voluerunt; quandoque vero unicum solum, ingens tamen vel magnum, quod ex

Ada-

Adami Bremensis Histor. lib. 2. cap. 9. liquet. Sic enim hoc loco autor : *Ad vadum quod dicitur Agrimes Wetel ascendit: ubi & Biurgvuido fecit duellum contra campionem Slavorum. Interfecit eum, & lapis in eodem loco positus est in memoriam.* Campionem vocat, quem Dani Kempe/ bellatorem seu gigantem : quam vocem Romani in Cimbram mutarunt. Cum enim fortissimos quosque à Danis animadvertissent vocari Kemper/ juxta sui idiomatis normam Cimber dixerunt.

Hic vero obiter notandum venit, aliam longe fuisse veterum pugnandi rationem tam in duello, quam bello, ac nostro seculo in usu esse cernimus. Non enim antiquitus in edendis agonibus crebra ictuum vicissitudines petebantur, sed erat cum intervallo temporis etiam ferendi distincta successio, rarisq. sed atrocibus plagis certamina gerebantur, ut gloria potius percussionum magnitudini, quam numero deferretur, teste Saxone lib. 2. Solebant namque, ut idem post quædam ait:

Alternare enses, partiriq. ictibus ictus.

Integri exercitus stragem lapidum quadrata in plano dispositione indicarunt. Verum non ubique ab omnibus præcise hunc observatum fuisse ordinem ac dispositionem saxonum, plane mihi persuadeo.

Quin imo quadratam lapidum seriem, duellorum ibidem habitorum indicem esse, videor mihi ex Saxo-

K

ne no-

ne nostro etiam colligere. Is enim lib. IV. locum descripturus, in quo Frotho secundus cum Frogero duello congredebatur, dicit : *Frogerum è diverso bina quadratæ formæ spatia, cubitalibus figurata lateribus, humi denotasse, à locorum usudocumenti initium editurum. Quibus descriptis, assignatam uterq. sibi partem complectitur.* &c. Ex quibus colligere datur, duello pugnatos areas quoque quadratas lapidibus designasse, extra quas si quis fuisset robore adversarii pulsus, pro victo habebatur.

Sed & circulari forma digestam quandoque fuisse duelli aream, ex iis colligere licet, quibus idem Saxo lib. III. congressum Ubbonis cum Slavo describit. Quæ cum rem vivis coloribus exhibeant, his addere non abs re erit. Sic autem ille : *Nec mora, circuatur campus, milite circus stipatur, concurrunt pugiles, fit fragor, fremit spectatrix turba, votorum suffragiis discors. Excandescunt igitur athletæ animis, & mutuis vulneribus ruentes, eundem lucis & pugnae exitum fortiuntur.* Hic duelli & pugnae locum manifesto circum vocat, atque ita quidem, ut ex campo antea fuerit circuatus, seu in circularem formam, saxorum positu, redactus. Inter leges vero duelli & hæc lib. IV. ponitur : *Duos cum uno decernere,* &c. ut supra.

Insulas quandoque duellis deputatas, sunt quæ docent, in primis ubi de regnis, aut integri exercitus
inco.

incolumitate decernendum erat. Eligebant autem illas, quæ in utriusque regni erant confinio, ad quas non nisi navigio aditus pateret, magnitudine parvas, ut utrinque in ripa adversa cæteri milites pugnae modum & rationem commodius spectarent. Talem describit Saxo lib. IV. in qua Ulfode Saxoniae regis filio, insigni athleta, contra duelli leges stipato, victoriam reportavit. Verba hæc sunt : *Ex pacto pugnae locus expetitur. Hunc fluvius Eidurus ita aquarum ambitu vallat, ut earum interstitio repugnante, navigii duntaxat aditus pateat. Quem Ulfone sine comite petente, Saxoniae Regis filium insignis athleta consequitur, crebris utring, turbis alternos riparum anfractus spectandi aviditate complentibus.* Sic lib. VII. Olocum Hialto & Scato in insula pugnat, ut Esam Wermorum reguli filiam à raptoribus immunem præstaret. *Pugnae locum insula dabat, inquit, stagni medium tenens, unde non longe vicus abest, qui cladis hujusce modi monimentum Hialti & Scati fratrum vocabula conjunctim referens, præbet.*

Abrogato duello tanquam medio nimis cruento, causarum cognitio duodecim viris commendata est, qui quod æquum, quodque justum, publica auctoritate pronuntiarent, quorum etiam judicio & sententiae omnino standum erat. Hanc controversias decidendi rationem primus invexisse videtur Regnerus, cognomento Lodbrog, qui circa annum Christi

DCCCXX. vixisse putatur. De eo enim Saxo noster lib. 9. A Danis ad Anglos defluxisse iudicium hoc duodecim virale, arguunt leges, hac de re ab Ethelfredo lata & à Lambardo edita. Dissimilem vero controversias finiendi modum, sed recentiore, ut credo, proponit Christianus Cilicius d. l. quo quidem res discussa ad duodecim viros ultimo devolvitur, qui liti finem sua decisione imponunt salvo jure provocationis. Sed Lodbrogi constitutione omnis inter actorem & reum sublata videbatur actio, nec ullus à lata semel sententia relictus provocandi locus.

Sed hanc legem ita obtinuisse credo, ut in levioribus & minoris momenti litibus locum habuerit, duello nihilominus de gravioribus causis decertantibus magnatibus. Qui enim Saxonem nostrum diligentius lustraverit, inveniet eo tempore, quo Poppo ignita ac ferrea chirothecae miraculo incolas ad fidem Christianam convertere studebat, adhuc viguisse per duellum controversias finiendi rationem, quæ tum abrogari iterum coepta est. Audi autorem ipsum: *Quo evenit, ut Dani abrogata duellorum consuetudine, pleraque causarum judicia eo experimenti genere constatura decernerent, controversiarum examen rectius ad arbitrium divinum, quam ad humanam rixam relegendam putantes.*

Haraldus septimus novam, sed perniciosam lites dirimendi rationem introduxit, qua reus se ab omni
cri.

crimine, solo juramenti sacramento, contra omnem
 testium fidem purgare potuit, quæ tamen diu durare
 non valuit. Qualis vero fuerit in Islandia per sacra-
 mentum se purgandi ratio, eleganter tradit Arngrimus
 Jonas, rerum Islandicarum lib. I. cap. IX. *Cessitem*
oblongum, veluti laminam quandam humo excisum, & in
fornicis morem surgentem, ita ut finis ambo humi affigere-
tur, de veritate testaturus subire iussus est. Super quem si nul-
lo fulciante non corruit fornix ille cessipitius, fidem meruit:
si minus, criminis falsi damnatus est. Sin in eodem sacramen-
to, (verba Angrimi repeto) fœdus erat, hastam fornicis
fulcro supposuere, sub quo etiam confœderandi duo, tres, plu-
resq; consistentes, cruorem manibus aut aliunde ferro elicitum
una miscebant, ad mutuam fidem hoc pacto obsignandam. Vbi
id præcipue unicuiq; incumberebat (præter mutuum auxilium,
quo in vita unus alteri devinctus erat) ut uno caso, reliqui
superstites, siue unus ille, siue plures, τὸ σὺν μὲν ἄλλοις necem
quavis ratione ulciscerentur; idq; elicitus corpore cruor signa-
bat, etiam sanguinem, adeoq; vitam, in mutuam salutem &
ultionem impendenda. Paulo aliter fœderis formulam
delineat Saxo noster lib. I. Icturi fœdus veteres, inquit,
vestigia sua mutui sanguinis aspersione profundere consueve-
runt, amicitiarum pignus alterni cruoris commercio firma-
turi. Hoc pacto Liferum & Haddingum fœdus iniisse,
ac Lokero Curerum tyranno bellum denunciasse, nar-
rat ibidem. Addit vero ibidem Arngrimus, ritum su-

pra propositum aliqualis pœna, subjectionis, vel satisfactionis, loco usurpatum reperiri, cum peccatum vel offensa aliqua hoc pacto luenda fuit, ut nempe quis sub terreum fornicem, aliqua tamen ratione suffultum (quia tum sacramentum nullum suberat) semel aut iterum subiret. Hinc quidam, cui de offensa hoc pacto satisfactum, gloriatus est, adversarium suum infra sues dejectum. Sues enim rostro tantum, non vertice, humum subintrant.



HENRICI BANGERTI

V. CL.

De

DVELLO, VT IVDICIO DIVINO,
COMMENTATIO.

Ratio veritatem per duellum inquirendi
per antiqua est, multisque nationibus olim
usitata. De *Vmbriis* narrat *Stobæus*, Serm.
II. X. ex *Nicolao* de moribus gentium:
Ομβρικοὶ, ὅταν πρὸς ἀλλήλους ἔχωσιν
ἀμφισβήπησιν, καθοπλιοθέντες, ὡς ἐν πολέμῳ μά-
χονται, καὶ δοκῶσιν δικαιότερα λέγειν, οἱ τὰς ἐναν-
τίους ἀποσφάζαντες. Etiam apud *Germanos* nostros,
gentem pugnacissimam, ipsius *Augusti Caesaris* ætate,
mos erat, manu litem discernere. *Q. Vatro* si de gratias
agunt, quod lites (*Germanorum*) *Romana* iustitia finiret,
feritasq. sua novitate incognitæ disciplinæ mitesceret, & so-
lita armis discerni, jure terminarentur, apud *Vellej. Pater-*
culum Vol. II. Subsequentibus seculis ad plerasque na-
tiones *Europæas* consuetudo hæc penetravit. Cum
enim perjuria crebro committerentur, iurijurando
monomachia substituta est. Jurene an injuria, & olim

Ad Librum
II Arnoldi
J. ubee-
tis pag. 277
& seq. edit.
Lubec, an.
1659.

con-

controversum fuit, & hodie disputant Juris interpre-
tes. Quibus addantur *Martinus Delrio, Disq. Magic.*
lib. IV. cap. 4. 9. 4. sect. II. Hugo Grotius Prologom. Histor.
Gothicæ.

Quam autem frequens apud gentes Europæas mo-
nomachia fuerit, testantur leges, quas pleræque de
illa res & instituenda tulerunt. Nam post Barbarorum
inprimis in Romani Imperii provincias crebro factas
irruptiones, in usu tam frequentissime cœpit, ut etiam
Imperatorum & Regum auctoritate, legibus atque
edictis communita sit, & multæ *Francorum, Longobar-*
dorum, Saxonum atque aliorum populorum sanctiones
de eadem constitutæ legantur. *Saxones* illam suo quo-
dam jure ad se pertinere gloriantur, atque quo ordine,
quibus de causis, cum quibus, quo armorum genere,
illa suscipi debeat, in jure suo Saxonico sanxerunt.
Sachsen-Spiegel lib. I. artic. LXIII. Sächsisch Weich-
bild artic. XXXV. & in Glossa. Ipsi *Islandi*, magno O-
ceano à nobis discreti, monomachiam ad lites de præ-
diis, hæreditatibus, dotibus & aliis rebus finiendas,
certis legibus munitam, antiquissimis temporibus
usurparunt; ut commemorat *Arngrimus Jonas de rebus*
Islandicis lib. I. cap. 9.

Latinis *duellum*: in Legg. Antiquis frequentissimè
Dei Iudicium, item *Campus*, pugnantes verò *Campiones*
dici consuevere. Nonnunquam antiquis monomachia
ba-

*W*ehadine appellata fuit. Ut Decreto Thasilonis Bavarum, anno 772. factio : Si quis de quocunque reatu accusatus ab aliquo potestatem accipiat cum accusatore suo pacificare, si voluerit, antequam pugnam, quæ Wehadine vocatur, permittat. Lege X. Et in eodem Decreto : De pugna Duorum, quod Wehadine, vocatur, ut prius infortiantur, quam parati sunt, ut fortè carminibus vel machinis diabolicis, vel magicis artibus insidiantur. Legg. Populat. V Ubi *W*ehadine legendum putat Marcus Velferus l. V. Rer. Bavar. Item *Leg. Bajuvariorum* : Si alia probatio nusquam inveniri dignoscitur, nec utriusque invasionem compensare voluerint, tunc spondeant invicem, *W*ehadine quod dicimus, Tit. XI. leg. V.

Adhibitum duellum ferè in omnibus causis est, in quibus veritas per alia rerum documenta erui non posse videretur. In *Veneficio* : Si mulier maritum veneficio dicatur occidisse, vel dolo malo ad occidendum prodidisse, proximus mulieris campo eam innocentem efficiat : aut si campionem non habuerit, ipsa ad novem vomeres ignitos examinanda mittatur, *Lex Anglor. Tit. XIV.* Ita in *Homicidio* purgando frequens ejus usus : Si quis Adalingum, aut liberum occiderit, & negaverit, cum XII. juret, aut in campum exeat, *Lex Anglor. Tit. l. 5. c. 23.* Nec minus frequens in adulterii iussione amoliendâ : Si quis alii crimen de uxore suâ miserit, quod eum eâ fornicatus esset, liceat ei, cui

erimen mittitur, aut sacramento, aut per campionem
 se purficari: & si ei probatum fuerit, animæ suæ in-
 currat periculum, *Lex Longob. lib. I. Tit. XXXII.*
cap. 3. Frotho III. qui tempore nativitatis Christi Dano-
 rum regnum tenebat, sicut volebat, ut de qualibet lite
 ferro decerneretur: ita ut suspectus illati stupri duello se pur-
 garet, judicabat. Nam ita de illo Saxo l. V. De qualibet
 controversia ferro decerni sanxit, speciosius viribus quam
 verbis confligendum existimans. Quod si alter dimicantium
 relato pede prenotati orbis gyrum excederet; perinde ac vi-
 ctus causæ detrimentum reciperet. Sin autem quavis de re
 pugilem popularis impeteret, ipsum armatus exciperet, cubi-
 tali duntaxat stipite pugnaturum. Eodem tempore cum
 inter Hithinum, & Huginum simultas orta esset, quod
 Hithinus apud Huginum quorundam obrectatione
 insimulatus esset, quasi filiam illius ante sponsalium
 sacra stupri illecebris temerasset: quod tunc immane
 cunctis gentibus facinus habebatur, & Rex contro-
 versiam secundum alias leges componere non posset,
 ut ferro decernerent, permisit, Saxo his verbis expres-
 sit: *Quamobrem Frotho miß's, qui simul eos accerferent, ser-
 pulosius causam simultatis inquit. Qua cognitâ, juxta legis
 à se latæ formulam pronuntiavit. Videns autem ne sic quidem
 eos in gratiam reduci posse, patre filiam pertinacius reposcen-
 te, litem ferro decidendam edixit. Id quidem solum dirimen-
 dæ controversiæ remedium videbatur.* Lib. V. Sic qui furti
 ingi-

infirmulatus esset, pugna se purgabat: Si quis maiorem pecuniam furaverit, hoc est, XII. sol. valentem, vel amplius, aut equum totidem pretii, vel mancipium, & negare voluerit, cum XII. sacramentalibus juret de lite sua, vel duo campiones propter hoc pugnent, *Lex Bojor. Tit. IX. §. 3.* Etiam in incendi suspicionem diluenda usurpabant: Si quis ignem posuerit in domo, & negare voluerit, cum campione se defendat, aut cum XII. sacramentalibus juret, *Lex Bojor. Tit. IX. c. 4. §. 4.* Cum de agrorum terminis disceptaretur, etiam huc recurrerant: Quotiens de commarchanis contentio nascitur, ubi evidētia signa non apparent in arboribus, aut in montibus, nec in fluminibus, & si alia probatio nusquam inveniri dignoscitur, tunc spondeant invicem, *VVe hadine*, quod dicimus, & in campiones non sortiantur, sed cui Deus dederit fortiam & victoriam, ad ipsius partem designata pars pertineat, *Lex Bojor. Tit. XI. c. 5.* In Deposito sibi vindicando: Si quis per seipsum, aut per suum nuncium, quidquam alicui deposuerit, & depositum, cupiditate victus, negaverit, si XX. sol. pretium fuerit, ut per pugnam veritas decernatur, edicimus, *Otro Imper. ibid. c. 35.* In falsa accusatione diluenda: Si quis qualemcunque hominem ad Regem accusaverit, liceat ei, qui accusatus fuerit, per campionem, id est, per pugnam crimen ipsum desuper se ejicere, *Rex Rorharis Leg. Longob. l. i. Tit. l. c. 7.* In libertate probanda: Si servus propter appetitum libertatis, liberum se vo-

caverit, liceat domino propter difficultatem approbationis insidiosæ, aut per se, aut per suum campionem, litem dirimere. Liceat autem servo pro se campionem dare, si morbus, aut ætas cum pugnare prohibuerit, *Otto Imper. Leg. Longob. l. II. Tit. LV. c. 39.* Imo verò in plerūq; causis, in quibus veritas aliis rerum documentis investigari non posset, ad hoc probationis genus, tanquam ad sacram anchoram confugiebant.

Ut autem rite pugnaretur, *variae cautiones adhibitæ sunt*; de quibus nonnullas audiamus. Primum circulum pugnatorium ingrediebantur, & jurejurando confirmabant, se causam, pro quâ pugnaturi erant, pro veriore agnoscere. *Fridericus II. Imper.* Præsenti lege decernimus, ut campiones â modo, postquam circulum pugnatorium, (prout est moris) ingressi, corporalia subeant sacramenta, quod juxta probabilem credulitatem eorum credunt, dominos, pro quibus pugnam intraverint, veritatem fovere, & quod cum omni virtute & potentia, studio & vigore partes, pro quibus pugnaverint, adjuvabunt, *Constitut. Sicul. l. II. Tit. 55. c. 1.* Cautum itidem fuit, ut ne quis in arenam descendens fascino uteretur. Nullus campio præsumat, quando contra alium pugnando vadit, herbas, quæ ad maleficia pertinent, super se habere, nec alias tales ac similes res, nisi tantum arma sua, quæ conveniunt, *Lex Longob. lib. II. Tit. LV. c. 11.* *Armorum genus*
quo

quo pugnabant, etiam non semper idem fuit. Ludovicus Imper. jubet, ut testes suspecti eidem testimonio suo, *sentia de fustibus de cecando*, faciant, *Leg. Salic. Capitulum Ludov. c. 1. Item Leg. Longob. III. Tit. 51. c. 10. & II. Tit. 33. c. 29. De clavibus* sic precipit *Fridericus II. Imperator*: Statuimus, ut championes habeant clavas æquales, nec spinosas, nec cum aguzonibus, nec habentes cornua, nec ex parte fustis ad modum unguis, *Constitut. Sicul. II. Tit. 27. c. 1.* Licebat etiam alium ad pugnam pro se substituere, (*Quem mercede conducebant, Lex Frison. Tit. XIV. c. 4.*) *Ludovicus Imperator*: Et in seculari quidem causâ hujuscemodi testium diversitas campo probetur: in Ecclesiasticis autem negotiis, crucis iudicio rei veritas inquiretur. Hoc est de timidis, & de imbecillibus, sive infirmis, qui pugnare non valent, ne propter hoc iustitiâ suâ careant, censuimus faciendum, *Leg. Salicâ Capitulum Ludovici c. 1.* Idem sancit *Otto I. Imperator*: Quicumque lege, in omni regno Italico vixerit homo, hæc omnia in his capitulis per pugnam decernimus observare: ita tamen, ut si quem eorum juvenilis, aut decrepita ætas, seu infirmitas pugnare prohibuerit, liceat ei pro se pugnantem ponere, & alteri similiter facere, *Leg. Longob. Tit. 55. c. 38.* Cautionem de ætate restringit *Fridericus II.* ad eos, qui nondum XXV. annos expleverint, & qui LX. annum nondum attigerint, *Constitut. Sicul. lib. II. Tit. 37.*

In causâ tamen homicidii non faciliè licebat alium pro se ad pugnam educere, uti patet ex collatione, *Lig. Longob. l. 1. Tit. 9. c. 38. & Tit. 10. c. 4. & Lig. Frison. Tit. 14. c. 4.* Alias pugnantium conditiones proponit *Fridericus Imperator, Const. Sic. l. II. Tit. 3.*

Exempla hujus monomachiae, illustrium praesertim personarum, multa iisdem temporibus, quibus leges haec valuerunt, occurrunt.

Adalulfus quidam, summo inter Longobardos loco natus, reginam Gundebergam de stupro interpellâ-
rat. Cum repulsam convitiumque tulisset, illam apud regem nefariorum consiliorum arguit. Ipsa in carce-
rem conjicitur, ex quo tandè post triennium liberatur, cum *Adalulfus* cum *Carello* (*Picione* aliis) qui reginae castitatem rueri constituerat, congressus superatur, anno 631. *Paul. VVarnefrid. de Longob. l. IV. c. 49. Petrus Bizarus Histor. Genneus. l. III. p. 51.* *Bero*, *Barcinonæ* comes, violata fidei à vicinis, *Aquisgrani* in Comitiis Imperii, accusatus, ut se purgaret, cum accusatore suo equestri pugna decertat, & vincitur. Damnatur ergo capitis. Imperator tamen poenam mitigat, & *Rotomagum* in exilium secedere jubet. *Annal. Reg. Francor. anno 820. Annal. Fulden. eodem.* *Bernhardus*, *Ludovici Pii* *Camerae Praefectus*, adulterii cum *Augustâ* commissi accusatus, primum in *Hispaniam* confugerat. Inde anno 831. reversus, Imperatorem adit: atque

ab eo contendit, ut sibi facultas detur, purgandi sese
 morte Francis solito, id est crimen obijicienti semet
 obijciendo. Sed cum accusator nullus compareret,
 purgatio facta est juramenti, inquit *Annales de gest.*
Francor. l. V. c. 13. Egillus, Islandus, Bergomundum,
 Norvegie magnatem, circa annum 931. in ius vocat.
 Cum videret, se propter animum iudicis (is erat Blo-
 doxius, Norvegie Rex) a se aversum causâ cadere,
 ad consuetudinem lege receptam confugit, & adver-
 sarium ad monomachiam provocat. *Arngrimus Iona*
l. II. p. 130. Idem Egillus magnum athletam *Lietum* duel-
 lo vicit, cum quo loco Fridgelri manum conferebat.
Id. p. 131. In alio iudicio cum Atlas, Bergomundi frater,
 perjurio ipsum vincere studeret, Egillus cum illo con-
 gressus non ipsum tantum, sed & (quæ lex Islandicæ
 monomachia erat) taurum in circumductum mani-
 bus suis interfecit. *Ibid.* Lambertus, Thusciz Marchio,
 tempore Hentici Aucupis, circa annum 933. duello
 probat, se Hugonis Regis fratrem esse. *Liuthprand. Ti-*
cinenf. l. III. c. 13. Filia Ottonis M. in suspicionem im-
 pudicitia à Cunone adducta, rogatu patris per Bur-
 chardum Comitem, duello cum Cunone inito, vindi-
 catur. *Dinnar. Episc. l. II. p. 24.* *Reginonũ Continuator l. II.*
anno 950. qui tamen in nominibus variat, Otto M. Abde-
 ramo Duci Saxonie in Diplomate anno 967. X. Kal.
 April. dato, potestatem concedit, possessionem bo-
 norum

norum suorum per Sacramenta aut pugnam tutandi.
Gero Comes à VVallone quodam accusatus, illum an-
 no 979. in singulari certamine occidit, *Lambert. Schaff-
 naburg. anno 979. Conradus Salicus* duello inter Sclavum
 & Saxonem permissio, dissidium eorum tollit, circa an-
 num 1025: *VVippo de Conrado. Gunildis*, Hardecnuti Re-
 gis Angliæ soror, eademque Henrici III. Imperatoris
 conjux, castitatem suam duello inter accusatorem, &
 unum ex ministris instituto testatur, circa annum, 1039.
VVillielmus Malmesburiensis l. II. c. 12. Bela Dux, cum Po-
 meranorum Duce in monomachia congregitur, eum-
 que gladio confossum sternit, circa annum 1043. *Ioan
 Thvprotz. part. II. c. 38. Ditmarus Comes*, Ducis Bern-
 hardi frater, ob iniuriam contra Imperatorem Henri-
 cum III. consilium, ab Arnolde, milite suo, delatus,
 cum eodem congressus, ut objectum crimen manu
 purgaret, occubuit. *Lambert. Schaffnab. anno 1048. Ipse*
Imperator Henricus III. ad duellum cum Galliarum
*Rege, se offert, anno 1056. quo paulo post obiit. Lamb.
 Schaffnab. Otto Baviaræ Dux, insidiarum contra Hen-*
ricum IV. accusatus, duello se contra delatorem tueri
in Comitibus jubetur. Idem anno 1070. Conrad. Vrsperg. an-
no 1071. Regenger, Henrici IV. familiaris, se & alios,
intime admittionis aulicos, ab illo ad trucidandum
Rudolphum & Bertholdum Duces subornatos calum-
niatur, nec dubitat crimini delato fidem dyello facere.
 Impe-

Imperator contra ad se purgandum, duellum cum Rudolpho expetit. Udalricus de Cosheim, qui socius consilii fuisse à Regengero prohibebatur, prosteritur, se loco Imperatoris, confertâ cum Regengero manu, Cæsaris & suam innocentiam testaturum. *Schaffn. anno 1073.* Burgvvido ad vadum Agrimesvvedel (in *Holfaria*) fecit duellum contra campionem Slavorum, interfecitque eum: ubi & lapis in monumentum positus est, inquit *Adam. Bremens. l. ii. c. 9.* Duellum quod Cacia pro Othobono Elia; Pistellus pro Jacobo Grillo, Prætoris Genuensis auctoritate, anno 1232. inierunt, & eventum ejus, describit *Petrus Bizarus Histor. Genuens. l. iii.* In Galliâ, Carolo VI. regnum tenente, circa annum 1386. duo ex familia Petri Alenconii Ducis præceres, Jaquetus Grisus, & Johannes Carongius, magnâ familiaritate usi sunt. Jaquetus Johannis absentis uxorem per vim stupravit. Cum postea negaret factum, Senatus Parisiensis statuit, ut monomachia litem finirent, Johannes Jaquetum occidit: Interemptum carnifex pertractum ad patibulum suspendit, *Robert. Gagvin. l. IX. in Carolo VI. Froffard. l. III. initio.*

Atque in hunc quidem modum antiquis istis & barbaris seculis controversiæ diremtæ sunt, donec paulatim majore luce veritatis cœlestis animos hominum collustrante, sublata est. Sane inter ipsos Veteres, quo tempore plurimum huic exanimis generi tributum est,

cordati viri reperti sunt, qui id improbarent. Verum
 ita inveterata opinio animos infederat, ut illi parum
 efficrent. *Rocharis*, Longobardorum Rex, cum de mo-
 nomachiâ, ex suspitione homicidii instituenda, quæ-
 dam sanxisset, subjicit: *Incerti sumus de judicio Dei: &*
multos audivimus per pugnam sine justâ causâ suam perdere.
Sed propter consuetudinem gentis nostræ Longobardorum, le-
gem impiam vetare non possumus, Leg. Longob. l. l. Tit. 9.
c. 23. Agobardus, Lugdunensis Episcopus, epistolam pro-
lixam ad Ludovicum Pium, Imperatorem, contra Le-
gem à Gundbado, Burgundionum Rege (is anno 484.
tempore Clodovæi, Burgundionum regnum tenebat,
Sigebert, Gemblac. Robertus Gaguinus l. l.) de duello latam,
 scripsit, in quâ argumentis è sacris literis, & ratione
 petitis asserit, consuetudinem hanc Christianæ reli-
 gioni è diametro esse contrariam, qua non solum va-
 lentes, sed etiam infirmi & senes laceffantur ad certa-
 men, & pugnam, etiam pro vilissimis rebus; quibus
 feralibus certaminibus (sunt verba Auctoris) contin-
 gunt homicidia injusta, ac crudeles & perversi even-
 tus judiciorum, non sine amissione fidei, & charitatis
 ac pietatis, dum putant Deum illi adesse, qui potuerit
 fratrem suum superare. In ejusdem Agobardi monu-
 mentis extat libellus, cum hac inscriptione: *Liber de di-*
vinis sententiis digestus, cum brevissimis annotationibus, con-
tra damnablem opinionem, putantium, divini judicii verita-
 tem,

rem, igne vel aquis, vel conflictu armorum patefieri. Vid. No-
 tas nostras ad l. i. c. 83. n. 19. Etiam Imperator *Fridericus*
II. cum tandem summam iniquitatem, quæ sæpe in du-
 ello committebatur, observaret, prorsus illud abroga-
 vit, excepto tantum homicidio, & aliis paucis casibus;
 de quibus *Constitut. Sicul. l. ii. Tit. 32. 33. & 34.* Quam æ-
 grè tamen inveteratum morem dimiserint, velle co-
 liquet, quod *Danthes Aligherius* adhuc suo tempore, i. e.
 circa annum 1324. de æquitate monomachia disputet,
 atque leges in ea observandas præscribat, *lib. II. de Mo-
 narchia.* Plura de monomachia, *Danicâ* in primis, colle-
 git *Olavus V Vorm, Dan. Monum. l. i. c. 9. & 10.* ut, quod arma,
 quibus instructi incedebant, *galea, clypeus, ensis & hasta*
 fuerint, item quod provocatus primum ictum in adversari-
 um direxerit, & alia. Nam cum tempore *Rolvonis*, (qui
 anno 566. ante Christum natum in Daniâ regnare cœ-
 pit) *Agherus* cum *Barcone* decernere vellet, in incundo
 duello, utri prior ferendi copia deberetur, diutule
 certatum est. Non enim antiquitus, (sunt verba Saxonis
 l. ii.) in edendis agonibus crebræ ictuum vicissitudines pete-
 bantur, sed erat cum intervallo temporis etiam ferendi di-
 stincta successio, rarissq; sed atrocibus plagis certamina ge-
 rebantur, ut gloria potius percussionum magni-
 tudini, quam numero de-
 ferretur.



PHILIPPI CAMERARII,
JCTI ET CONSILIARII NORICI,
De
SINGVLARI CERTAMINE,
VEL
DUELLO, MEDITATIONES.

Centuria
II. Medi-
cat. Hist.
cap. 19.

DE Duello, quod à Græcis *Μονομαχία* di-
citur, multi tam veteres, quam recen-
tiores Jureconsulti prolixè scripserunt.
Fuit autem id olim tam inter Ethnicos,
quam inter Christianos, & adeo inter o-
mnes gentes, sicut est hodie adhuc Christianis cum
Turcis, in finibus Hungariæ & Dalmatiæ, *ad ostentatio-
nem fortitudinis* usitatissimum. In quo exercitio non ita
pridem felix, & quidem novies, pugnans gladio Dal-
matico (quem duabus manibus, ore mordicus, tenens
frenum equi regebat) victor contra provocantes Tur-
cos fuit, *Georgius Thurinus* Pannonius, præfectus mili-
tum Cæsareanorum in Hungaria superiori, atque *ter-
ror Turcorum* ob eximiam fortitudinem, & immanes
vires appellatus fuit, donec in velitatione quadam,
Anno

Anno 1571. pulsus aliquot hostium turmis, in insidias illorum, sibi dolose comparatas incideret, quorum multitudine oppressus, multis vulneribus acceptis & datis, fortissimæ pugnando occumberet. Dignus perpetua laude & memoria heros magnanimus & præstans.

Habitus autem olim fuit duellum loco probationis rei occultæ, & ex illo genere probationum, sicut proxima meditatione de ferro candenti, *Aquæve calida* diximus, ut liquere possit, aliquem habere jus, aut esse insontem. Usque adeo autem hoc probationis genus violentum passim inolevit, ut teste Saxone Historico, *Fronto Rex Daniæ* legem tulerit, ut omnes controversiæ, qualescunque essent, duello definirentur. Hoc adhuc in *Moscoria* usitatam esse, refert *Bodinus*, ubi quoque multa memorabilia de duello recenset. Cæterum cum prudentiores animadvertent, hæc singularia certamina esse, ad eruendam veritatem, fallacia & incerta, & non raro justiore partem succubuisse, vulgaris hæc probatio, tanquam vulgarium hominum inventum, & quæ non habeat vim, & à jure ac legibus interdicta fuit, tam per recentiores, quam priscos Canones, ut in *Decretalibus Depurg. vulgari*, & *Ibidem Decleric. duello certantibus*, & 2. quæst. 5. cap. *Consulisti*, & capit. *Monomachia*. Ideoque in cap. *Significantibus. de purgat. vulgari* describitur talis casus: *Duos, quorum unus alterum accusabat furti, inter se probationis causa pugnasse duello, & justiore cecidisse. Nam furtum*

De republ.
lib. 4. cap.
ult.

inventum fuisse apud alium. Non solum autem olim duellum in feriis usitatum, sed etiam ludicris frequentatum fuit : unde Gladiatorum nomen celebre apud Romanos erat, inter quos etiam Commodus Imperator potius versari, quam in curia maluit. Sed plerisque Christianis Imperatoribus ejusmodi cruenta spectacula non placuerunt. Sic ut videamus in Titul. Cod. de Gladiatoribus, ubi inserta est Constantini lex, quæ ita dicit : In ocio civili, & pace domestica, cruenta spectacula non placent : Ob hanc causam justinianus in §. 1. Authent. Ut omnes parcant judicibus ; dicit, fortitudinem citra justitiam non esse laudabilem. Appellat autem fortitudinem, quæ cum virtute conjuncta est. Sic Theodosius Imperator populo in theatro petenti ab eo gladiatores, respondit : Pium principem oportere non tantum regnare, sed etiam spectare clementer. Unde Abbas Panormitanus in cap. Felicitis. de torneament. dicit : Omnes ludos, in quibus periclitatur hominis salus, aut animorum, omnino tollendos esse, quod pugnent cum verbo Dei. Et si autem Fridericus Imperator in Titulo de pace petenda, in usibus fœdorum, duellum inter legitimos modos probationum approbare videtur : Imo in lege antiqua Bajuvariorum peculiaris titulus est, De campionibus & causis, quæ ad eos pertinent : tamen cum ea rescripta, & leges secundum verbum Dei corrigi oporteat, eæ paulatim in desuetudinem abire cœperunt, earumque loco justiores probationes receptæ sunt. Sed

ut historicas nostras meditationes prosequamur, *Plutarchus* in vita *Alexandri* recenset, ex ludicro duello, & certamine rixarum, *Alexandrum Magnum*, felix omen victoriæ, contra *Darium*, cum mille hominum millibus descendente, sumsisse. Ministros, inquit, in duas partes se divisisse, utriq; ducem fuisse, quorum alterum *Alexandrum*, alterum *Darium* nominarint: incepisse primum gl'bas contra sese jaculari invicem, mox ad pugnos, inde accessa contentione ad lapides quoque & fustes à multis pertinaciter perventum. Hæc ut audivit *Alexander*, iussit ipsos duces singulari prælio decernere, *Alexandrumq;* ipse, *Darium Philotas* armavit: duellum exercitus spectavit, in omen futuriæ rem trahens. Dimicatum est acriter, *Alexanderq;* ille victor, duodecim pagos, & amictum *Persicum* præmii loco accepit. Similes conjecturæ factæ sunt à *Narfete*, ut *Procopius* refert. Et *Cornelius Tacitus* in libro *De moribus Germanorum* scribit, eos habere ejusmodi observationem auspiciotum, qua gravium bellorum eventus explorant. *Si* ugentis inquit, cum qua bellum est, captivum quoquo modo interceptum, cum electo popularium suorum, patriis quemq; armis committunt, victoriæ hujus vel illius pro præjudicio accipitur. Imo non raro Reges vel duces ipsi singulari certamine, vel ante, vel in prælio conflixerunt, ut habemus multa exempla apud *Homerum*, de quo & *Virgilius* duellum *Æneæ* & *Turni* sumsisse creditur; & innumera fere exempla reperiuntur apud Historicos,

præ-

Lib. 7.

præsertim apud *Q. Curtium*, inter quæ præ cæteris memorabile est duellum *Erigii*, ducis *Alexandri*, & *Satibarzanis* transfugæ, qui detractis galeis concurrerunt. *Pyrrium* quoque aliquoties singulari certamine fortem & magnum animum suum demonstrasse legimus, in primis vero vulneratus in prælio cum *Mamertinis*, hostem, magna corporis statura, à quo fuerat provocatus, prostravit. Generosus enim Rex hanc provocationem tam ægre tulit, ut cruore adhuc respersus, dolore simul, & ira percitus, truci & terribili aspectu in aciem redierit, gigantemque repente adortus, adeo vehementi ictu ejus caput percussit, ut usque ad infimas partes ferro adactò frustra fissi corporis hinc inde ad terram deciderint. Simili felicitate *Georgius Castriotus*, à Turcis dictus *Schanderbeg*, singulari certamine, cum antea quoque in hoc genere pugnæ cum *Perlis*, *Scythis*, & aliis sæpius victor extitisset, devicit *Feribassam*, à quo provocatus ferociter fuerat, ut *Barletius*

Lib. V.

de ejus gestis recenset. Memorabile autem in primis est singulare certamen, quod *Parisiis* regnante *Carolo VI*, inter duos proceres ex familia *Petri Alenconii* ducis, *Iaquetum Grisum*, & *Johannem Carongium*, accidit.

Lib. 9.

Dimicandi causa (ut à *Roberto Gaguino* Histor. Franc. refertur) hæc fuit. Erat *Johannes* eques multa cognoscendi avidus. Ob id incidit illi animus, aliquorsum peregrinandi. Relicta igitur *Argentolii* uxore, ut

con-

constituerat, abiit. Jaquetus autem Grifus, vel quod mulierem, quæ formosa erat, amabat, vel quod Johanni nocuisse aliquando gauderet, diluculo surgens, Argentolium mira festinatione contendit, ubi liberally exceptus, dicit, se videndæ arcis causa advenisse, quam speciosam esse acceperat. Johannis uxor, amicum viro suo hominem, reſerato ostio, in arcem sola intromittit. At Grifus solitudine loci audacior factus, renitentem ſœminam ſupravit : ſtatimque libidine expleta abeunti Grifo, *Tu, inquit uxor, ſædiſſime adulter, ſupri pœnas aliquando lues.* Flagitium autem in adventum mariti cœlavit. Cui tandem reverſo, Jaqueti violentiam mœrens detexit. Quare turbatus Johannes, aſſumptis ſecum aliquot ex ſuis & uxoris amicis, ad Ducem Alenconium rem omnem deſert, petitque aut adulterum corripere, aut in certamen deſcendere, pugnae ſortem experturus. Id ubi dux non admittit, ad Regium Parlamentum querelam retulit. Diem certamini Senatus edicit, Carolus Rex ex edito ſolio duellum ſpectavit. Venerat quoque Johannis uxor, curru vecta, ad quam vir accedens; *Tu, inquit, mulier, unica teſtis ades, illati in te ſupri, cujus gratia duellum hoc ipſe aſſumo. Dic palam, Si juſte adulterum aggredior.* Miratur, ait uxor, *meæ in te fidei ſecurus accede, nihil tibi mentita ſum.* Ad hæc verba oſculo uxori dato, Carongius in duellum procedit. Qui equeſtri congreſſu mox in fe-

N

more

morè vulneratus, nec propterea segnior factus, in pe-
 des defiliens, adulterum humo prostermit, atque occi-
 dit. Carongium autem mille Francis, & annuo du-
 centorum Francorum stipendio Carolus donat. Hac
 sorte interiit fœdus adulter. *Hæftenus Gaguinus.* Hanc
 eandem historiam cum *Frossardus* recensuisset, subjicit.
Lib. III. Non hic cœca fortuna (quæ solet alioqui in ejusmodi rebus do-
 minari) sed æquitas potius & virtus exercuit suas vires.
 Nam qui conjugis suæ pudicitiam, vita sua cariorem habuit,
 & in ea propugnanda capitis periculum non reformidavit, ne-
 cato adversario palam faciebat omnibus, Esse vindicem De-
 um, qui scelerum impunitatem non ferat. Quod si alteram
 vincere contigisset, jam ex decreto Senatus illa qui-
 dem, propterea quod falso credita fuisset accusasse,
 flammis objecta, maritus autem eo, quo adversarius
 ignominia genere, post mortem etiam affectus fuisset.
 Dignum quoque relatu est duellum Galli, & Itali, quod
Lib. I. à Ferrono de *Gestis Gallor.* in vita Caroli VIII. LV. Regis
 Galliarum refertur. Id tale habuit principium: *Gallus*
 cum esset parvulo corpore, *Landa* nomine, quasi nanus ab
Italo Christophoro Zerbulo Genuensi, vasto corpore homine,
 vocatus; At hic, ait, nanus *Herculi* tuo clavum est extorsu-
 rus. In spectante Rege, pompæ insigni parata, & præpara-
 tis longo ordine his rebus, quæ ad singulare certamen, nescio
 vanius, an profusus parari solent, tandem congressi, diu gla-
 diis acriter rem gerere. Vix unquam alias tanto animo, &
 Galli,

Galli, & Itali, in certamen singulare ullos venisse fatebantur. Dum successu aditur utring certamen, dum neutri certum est cedere, dum Italarum presentia Zerbulo, Gallorum Landae crescere vires videntur: tandem impaeto per viscera gladio jacuit Zerbulus: iacentem se condonare Italarum nobilitati Landaprofessus est: isq in vicinum tentorium delatus, curatus est. Zerbulo Rex victo trecentos nummos aureos, Landavictori quingentos donavit. His adungere visum fuit singulare certamen, quod in diuturna obsidione Florentina accidit, idque à Iovio ita describitur. Nec mul-

Hist.
lib. 22.

tos post dies, inquit, ab insigni, generosoq certamine Florentinorum quatuor juvenum inexpectata celebritatis spectaculum est editum, cum Ludovicus Martellius inter cives nobilitate insignis, ac corporis & animi vigore florentissimus, lohannem Bandium, pari virium ac ingenii robore praestantem, quod in castris apud hostes esset, ex provocatorio libello hostem communis patriae compellasset, proptereaq eum ad singulare certamen devocasset in arenam, ut ibi Marte iudice, uter ipsorum honestiorem causam tueretur, ostenderet. Conditionem non abnuit Bandinus, dixitq ei, si Martellius sibi ascisceret in eam dimicationem socium, ei se parem, iisdem instructum armis, in stadium producturum: atq ita Martellius Dantem Castelloneum, praeferozem ex tota juventute virum, delegit, cui à Bandino oppositus est Albertinus Aldobrandus, vix dum pubescens, immoderati spiritus juvenis. Aurantius juxta castra locum eis sub publica fide funibus circumseptum, triumq gen-

tium praesidiis munitum, certantibus praeiuit, cum pari numero à Germanis, Hispanisq, & Italis delectae cohortes, pugnantes simul & spectantes ab omni injuria defenderent. Arma fuere singulis, singuli militares gladii, neq, aliud tegumentum, praeter unam in dextris, ex lorica ferrea, Chirothecam. Dantes, cui sorte ducta par Aldobrandus obvenerat, quanquam circa brachii dextri nervos, primo congressu grave vulnus accepisset, hostem in se insano procursurientem, ea impavidi animi firmitate sustinuit, ut ambabus manibus gladium pratendens, in os incumbentis infereret, eumq, evomentem cum sanguine animam, ex templo conficeret. Contrario eventu pugnabat Bandinus. Nam alternante fortuna, Martellio supra oculum vulnus infllexerat, admirabiliq, judicio, & gladiatoriae artis peritia, hostem eludens, adacto supra costas gladii mucrone, victum & deditum fateri coegerat. Sed Martellium, relatum intra urbem, usq, adeo gravis ex adversa sorte certaminis occupavit dolor, ut angore potius animi, quam vulnere dolore, mortem accersisse crederetur. Id certamen sicuti eximiam virilis constantiae laudem Bandino peperit, ita Danti par fere decus attulisse videbatur, quanquam ille detractis spoliis, planeq, integer, & omnis expers vulneris gloriosus, victoriae suae tropaeum praeferreret, & spectatores praeclarum totius belli omen acciperent, quod victis pariter atq, victoribus, non omnino letum finem futurum arbitrarentur. Haec Iovius. Experientia autem & exitus singularium certaminum declaravit, plerumque accidisse, ut provocans succubuerit,

rit, & pœnas suæ audaciæ dederit, idque fere infinitis exemplis demonstrari posset: inter quæ ex veteribus est singulare apud *Q. Curtium de reb. gest. Alexandri Magni*, ubi *Dioxippus*, Atheniensis pugil nobilis, nudus & oleo nitens, coronatusque læva tantum puniceum amiculum, dextra validum nodosumque stipitem præferens, provocatorem *Horratam* Macedonem, iustis armis instructum, æreo videlicet clypeo, hasta, quam sarissam vocant, læva, dextra lanceam tenentem, gladioque cinctum, cum in congressu exigua declinatione corporis lanceæ jactum vitasset, hastamque antequam in dextram transferret, stipite mediam fregisset, mox gladiatoria agilitate occupatum complexu, pedibusque repente subductis, in terram arietasset, creptoque gladio, stipite interfecisset, ni prohibitus fuisset à Rege.

Lib. 9.

In Historia Veneta *Bembi*, *Iustiniani*, & aliis, recensetur egregium & generosum certamen, vel monomachia; inter Comitem *Iohannem Sonnebergium*, ex prosapia *Druchseßorum VValburgensium* nobilissima ortum, & *Antonium Mariam* Italum, in bello illo, quod *Sigismundus* Archidux Austriæ cum Venetis, regnante *Augustino Barbarigo* Duce Veneto gessit. Quæ sane diverse à diversis recensetur, prout quisque erga alterutram partem favore, vel odio, affectus fuit. Res autem inter duos illos duello certantes, sicut in *Genealogia*

Cap. XX.
ibid. De
duello meo-
morabili
Germani
& Italia

vernacula lingua generosa prosapia Druchfessiana VVald-
burgica stirpis, relata est, recensebo. Anno post natum
Christum clō cccc lxxviii. cum Sigismundus Austria-
cus numerofo exercitu & auxiliariis copiis Electorum,
& Principum Imperii, Venetis bellum inferret, & Ro-
veretum ad Athesim obsideret : e contrario Veneto-
rum exercitus in subsidium oppidi veniret ; accidit,
dum uterque exercitus non procul inter se castra ha-
berent, ut *Antonius Maria*, *Ruperti Mariæ Sanseverina-*
tis, copiarum Venetorum Ducis, filius, Italus, voce
militari provocaret Germanos, si unus ex illis duello se-
cum fortitudinis ergo, utra gens bello præstantior esset, di-
micare vellet? Accepit hanc conditionem *Iohannes Comes*
Sonnebergius, sicut paulo ante indicavimus, ex Gente
Dapiferorum Walburgensium. Conventum itaque
est, ut victor mille florenos, & equum atque arma vi-
cti, tropæi loco lucraretur. Locus autem certaminis
in Ripa Athesis, intra duo castra medius, destinatus est,
additis campi custodibus, quos *Grüwerthel* vocant,
unicuique parti quatuor, viris militaribus, addita pœ-
na suspendii, si quis alius, præter octo illos, vel ver-
bo, nutu, aliove signo, indicium daret. Huc accessit
pactum, uter ex pugnantibus, nomen *S. Catharinæ* ex-
clamaret, ut is pro victo haberetur, & tunc demum cu-
stodes illi destinati, potestatem haberent succumbenti
subveniendi, atque pecuniam, equum, atque arma
Victo-

Victori tradere tenerentur. Equites igitur armati ambo introgressi carceres & septa ad pugnam parata, mox hastis infestis concurrerunt. Aberravit Sonnebergius; Anton. Maria vero in pectore ejus euspidem hastæ, absque alia læsione fregit, cujus equus infrenis, concitato cursu carceribus impegit, & cum eo hoc impetu extra eos corruit; qui tamen hoc casu imperterritus, mox assurgens, licet ex equite pedes, intro rursus se recepit, cui Sonnebergius stricto gladio in equo occurrir, & è contra Mariam obvium cum suo gladio habuit. Dum igitur impari pugna eques cum pedite, paribus tamen armis, fortiter pugnant, & Sonnebergii equus sese attolleret, & retrocedens congressum veluti subterfugeret, singulari agilitate ex arte gladiatoria Maria, Sonnebergio gladium eripuit. Is erat ex ejus genere, quibus punctim utimur, & *Triecker* vel vulgo *Bratspieß*, vocantur. Præter opinionem Sonnebergio hoc accidit, qui se tamen ideo non deseruit, sed converso equo, de illo defiliit. Interea Maria, tam suum quam hostis gladium in terram defigit, experiri volens, utrius lamina firmior, & aptior ad inferendos ictus esset; mox abjecto suo, hostis sui retinuit, eoque fretus fortiter in illum irruit. Cui non cessit Sonnebergius, sed clava & pugione sese defendit. Cum vero illam abjiceret, Germanicus exercitus, metu hoc fieri timens, admodum exhorruit, At Sonnebergius aliquot ictibus hosti-

lis

lis gladii pugione excussis, utque â gladio minus periculi esset, propiùs ad illum accedens, luctari cum suo adversario cœpit, qui abjecto gladio, eum amplexum, magnavi prosternere conatur. Sed viriliter â Comite resistitur, donec ambo lassî luctando simul corruunt, ita ut Maria collum ejus dextro suo brachio teneret, ille vero jacentem sinistro scœmore sub se premeret. Resumptis deinde ex lucta paulisper viribus, Sonnebergius sinistra manu dissimulanter explorans, an luctator suus circa nates, aliquo modo extantes, lorica armatus esset, quam detegere posset: Id sentiens, pugione â tergo ex dextra in sinistram translato, sublata lorica hostis sui eum in natibus vulnerare cœpit, qui ab illa parte corporis nudus, sentiens ictus ingeminari, absque mora *Catharina* nomen proclamavit, quod ut diximus, erat signum deditiois. Audito hoc, ejus custodes quatuor accurrunt, & Mariam prostratum & vulneratum erigunt atque subtrahunt ex pugna, ne occideretur. Hic fuit monomachiae finis, ex qua Germanicae nationis laus & honor admodum aucta, & hostibus formidabilior facta fuit. *Hucusq. Genealogiamanuscripta VValburgica.* Cæterum exitus hujus duelli confirmat id, quod præcedenti capite diximus, *plerung, in duello provocantem victum fuisse.* Arma autem hujus victi Itali, hætenus custodita fuisse in armario Walburgensi, tanquam peculiare tropæum, donec
ante

ante pauculos annos Duci Bavarix petenti data sunt, mihi retulit Generosus Comes *Ioachimus Ortenburgicus* nuper defunctus.

Memorabilis etiam est monomachia, duorum *Hispanorum* nobiliū, ex levi causa, nempe alex lusu, primum orta, & post privatum conflictum reconciliatione veluti sublata, sed deinceps irreconciliabilibus odiis, ex rumore quodam sparso, denuo resuscitata: atque tandem, post acrem congressum, auctoritate Cæsaris interrupta. Duellum autem hoc à nobili Belga, oculato teste, ita descriptum est, ut singulare & jucundum artificium in ejus enarratione appareat. Propterea mihi plane persuadeo, lectoribus suavem forelectionem ejus, & quidem potissimum ob ceremonias, & requisita varia, quæ eo tempore solennia, & usitata fuere.

Describitur autem tali modo, à *Ponto Heutero* Delpho. An. clō ccccc xxii. secund. Calend. Januarii, duo viri Nobiles *Valledoleri*, præsentē *Cæsare*, administranteque *Castelle Conestabli*, in foro armati, singulari pugna, parva de causa orta controversia, certavere: cujus rei historiam ac ceremonias hic ad verbum inferere lubuit, ut eam vir nobilis Belga eo tempore cum Cæsare in Hispaniam profectus, ac certamini præsens, lingua Francica exactissime descripsit, ut ejus rei consuetudinem, quæ tum apud Castellanos vigebar, lector discat, ac non injucunda digressionē, animum novæ reigrata

Cap 21 de
duello
duorum
Hispano-
rum.

narratione recreet. Nobiles adolescentes duo, vigesimum quintum ætatis annum singuli nondum egressi, orti natiq̃ *Cæsar augustæ* (nunc *Sarragossa*) clarisque Hispaniæ familiis, majorum nuptiis inserti, diu inter se animorum studiorumque conjunctione amici, tandem controversia ex aleæ lusu nata, eo devenere, ut de vita, singulari certamine pugnaturi, horam locumque extra urbem, nemine conscio constituerent. Uni nomen erat *Petrus Torrellius*, alteri *Hieronymus Anca*. Prodeunt ad constitutum locum, gladio tantum ac cappa (togæ Hispanicæ brevioris species est) ut erat conventum, instructi. Congrediuntur, ac post aliquot hinc acceptos illatosque punctim cæsimq; sine vulnere ictus, *Torrellio* manu gladius excutitur. Quid faceret inermis, armatum adversarium contra se insurgentem, mortemque intentam cernens ? Concedit *Anca*, hac lege, victoriam, victum se fassus, ne ulli mortalium, quæ gesta erant, aperiret, sed res perpetuo silentio sepulta maneret : malle enim se mori, quam cum ignominia vivere. Promittit per sanctè silentium *Anca*, repositisque in vaginas gladiis, seque mutuo amplexi, amici ad urbem domumque revertuntur. Post aliquot dies actæ rei historia in omnium versatur ore, nil aliud in urbe garruli garrulæque narrabant. Accusat *Torrellius Ancam* violatæ fidei. Negat se authorem, in publicum emanasse, sed proximi pagi sacrorum Ministrum (Pa-

stores

stores ac Curatores vocant Christiani) in propinquo deambulante, pascenciaque pecora sua inspicientem, pugnam ejusque eventum conspexisse, ac hominibus narrasse. Examinatur sacerdos ruralis. Non satis sibi constat, ac plus quam decebat, *Anca* se dictum addictumque, demonstrat. Rejicit hac de causa ejus testimonium *Torellius*, persistitque in accusando *Anca*, eique datae fidei transgressionem, viro nobili indignam, exprobrat. Ille aliter rem se habere asserens, in eo obstinate perstat; Quumque aliter veritatem probare non possent, singulari certaminis judicio rem committunt, oblatoque Caesari supplici libello, petunt, pro Regni Arragonici ac Castellani more, utriusque petitioni subscribere, locum diemque certamini statuere dignetur. Caesar eos ad Castellæ Conestabilem rejicit, quod ad eum hujusmodi rerum spectet judicium. Conestabilis omni ratione eos â pugna deterrere conatus, cum nihil proficeret, neque secundum leges eis locum denegare posset, petitioni consentit, diemque se sistendi in foro Valledoletano, vigesimum nonum Decembris hujus anni statuit. Preparatur in foro Valledoletano locus quinquaginta in longitudine, ac triginta sex in latitudinè passuum, perticis acuminatis duplici ordine in terram defixis, ac trabalibus transversis munitionibus inter se conjunctis. Primæ interioris ordinis perticæ quinque pedibus ter-

ra exstabant, exterioris ordinis sex: eratque inter hos ordines intervallum octodecim pedum, in cuius medio (longitudinem aræ æstimando) invicem exopposito duæ erant è ligno erectæ scenæ. Si latitudinem aræ spectes, una ab ejus dextra, altera à sinistra ejus parte posita, conspiciebatur. In medio utriusque scenæ, sublimis stabat sedes, aureo instrata panno, ac umbella aurea protecta; scenæ sericis tapetibus superbe erant tectæ. Una enim Cæsari, altera Conestabili erat parata. Ab altera aræ parte minores scenæ modestius instructæ, paratæque, propinquis ac affinibus eorum, qui erant congressuri, stabant. Ad latera minorum scenarum duo erant erecta tentoria, in quibus pugiles se erant armaturi. Aræ silices, arena ac sabulo, contra lapsum erant tecti. Hora dici undecima erat constituta. Primus omnium *Cæsar* adveniens, suam ascendit scenam, dataque est ei virgula deaurata, qua in terram projecta, pugna dirimebatur. Præcedebant advenientem Cæsarem viri Nobiles, tum Legatie ejus Castrenses. Latera cingebant corporis custodes; pone sequebantur tubicines ac tympanistæ. Paulo post venit & Conestabilis, vir sexagenario major, sed corpore animoque vgetus, oris vultusque gravitate dignitatem, quam sustinebat, referens. Indutus erat toga talarum aurea, insidebatque equo Hispanico, qui sumptuosissimè ex auro sericoque erat instratus: similique
ratio-

ratione exornati erant quadraginta viri nobiles, ejus equum pedibus præcedentes. Sequebantur amanuenses sex in equis, vestiti holoserico lutei coloris, equis serico panno (quod *fatium* vocant,) cærulei coloris instratis. Præferebatur ei, ut Regis legato, gladius vagina conditus ob Regis præsentiam. Sequebatur ensiferum armiger, veste gentilitia ejus arma habente. Quum in aream Conestablis venisset, ad Cæsaris scenam accedens, cum inclinato corpore honorans salutabat, tum scenam suam conscendit, ac in sede confidet. Pedestres equestresque Cæsaris corporis custodes, aream circumdantes, intra perticarum ordines stabant, neminique præterea hic aditus patebat. Tum prodit Torellius pugnae provocator, comitatus legato castrensi, instructore (*Parinum* vocant) Ammirate Castellæ, Duce Vejare, Alburquerquii, ac multis aliis viris illustribus. Indutus erat veste breviori, texta ex auro & serico, martiumque pellibus suffulta. Præferebatur illi bipennis ex eo genere, quas Franci *Hachas* vocant, gladius Hispanicus lateralis, quo punctum utuntur, tabula referens gentilitia signa, ac vestis militaris. Cum hac tabula, ac aliquot aliis, quæ certaminis leges breviter continebant, ad Cæsarem veniens, summo exhibitio honore cum veneratur, idemque ad Conestablem conversus faciens, tentorium suum ingreditur. Tum prodit in aream *Anca*, ad certamen â

Torrellio provocatus, simili modo vestitus, nisi quod vestis fultura ex arminiorum esset pellibus confuta, comitatus, ut provocator, Legato castrensi, instructore, Marchione Brandeburgensi, Comite Genevensi, Duce Najarano, Albano, Comite Bonaventano, Marchione Daguiillare, multisque aliis; præferebanturq; ea illa omnia, quæ Torellio. Venerato Cæsare ac Conestable, ad tentorium deinde suum properat. Appensæ fuere utriusque tabulæ, cum gentilitiis insignibus, ac veste militari, ante Conestablis scenam. De hinc Conestablis utrumque ad se vocat, ac manum præsentis tenentes sacerdotis, imponunt libro Evangeliorum, ac ligneo crucifixi Christi simulachro, *jurant, se in pugnam descendere opinione defendendæ justæ causæ, neq; se ullo usuros fraudis, doli mali, præstigiarum, nec beneficii genere, herbarum, nec lapidum potestate, sed corporis ingeniū tantum viribus pro victoria, Dei, Divi Georgii, Divæ Virginis Mariæ, ac instructorum suorum auxilio annixuros:* Deinde instructores utriusque pugilis arma in lignea arca ad Conestablem deferunt. Inspicit ille tam ea, quibus erant certaturi, quam quæ corpora erant tectura. Deinde in stateram collocata, pondus exquirir. Non enim minus nonaginta pondo simul pendere debebant, superare poterant. Quo facto, arma in utriusque tentorio reportantur. Tum ab utraque parte vir nobilis ad tentorium adversæ partis mittitur, ut arma indu-

induentibus sint præsentēs , dolumque prohibeant. Quod cum sit, Conestablis è scena sua in arcam descendit, ac magna cum gravitate, quæ necessaria videbantur, ordinat ac præcipit. Deinde duodecim stipatus viris nobilibus, in uno è quatuor arcæ angulis confidet, totidemque viros nobiles in angulum sibi oppositum mittit. Reliqui duo anguli tribus viris nobilibus singuli custodiebantur. Tum factò tubis silentio, Cæsaris legatus Castrensis, in singulas arcæ angulis alta voce edicit, *nequís pugnae tempore, sub pœna vitæ, tumultum excitet, aut certantes verbo, voce, sternutatione, sibilo, nutu, manu, aut alio corporis motu signoque, juvet aut terreat; animum addat, aut minuat, attonitum reddat, aut inflammet, arma sumere aut ponere faciat, nisi ii qui ad hoc sint destinati.* Exinde provocator *Torellius* ferro ex omni parte reclusus, comitatus suo instructore, in arcam prodit, manu bipennem antiquam tenens; sinistro lateri appendebat gladius. Rogat Conestablis, quis esset, ac qua de causa armatus intrasset; prodit nomen, causamque adventus. Conestablis faciem ejus nudat, agnitumque admittit, reponit cassidem, ac ire jubet in alterum arcæ angulum, ubi à tribus viris nobilibus medius recipitur. Tum Conestablis ad oppositum it angulum, ac inter duodecim nobiles confidet; recipitque hic eadem ratione, iisdemque ceremoniis, provocatum *Ancam*, ac
in al.

in altero angulo inter tres nobiles stare juber, tum scenam iterum suam ascendit, ac consider. Quum paulo post turba iterum sonuisset, pugiles cum instructoribus in genua procidunt; preceque ad Deum facta, posteaq; quam instructores eos essent amplexi, ac ad fortiter agendum animassent, vale dicto, ad tentoria redeunt. Tum tertio tuba dat signum, progrediturque *Torellius* provocator animose, ac, ut è gressu apparebat, magno animi cum ardore. Contra prodit temperato gradu provocatus *Anca*. Cum invicem appropinquassent, tam ingenti ictu *Torellius* *Anca* caput ferit, ut eum paululum retrocedere cogeret, sed statim *Anca*, recepto animo, par refert. Quumque aliquandiu crebris ac ingentibus ictibus se invicem egregie contudissent, ac jactatis brachiis verbera ingeminassent, bipennibusque ruptis ad luctam fere convolassent. Cæsar fortium juvenum corpora bello inutilia reddi ejusmodi nugis, unique concessa victoria, alterum per omnem vitam in gloriam cum ignominia vivere nolens, quum utrumque satis pro honore fecisse judicaret, conjecta in aream deaurata virgula, pugnam dirimit, convolantesque statim triginta nobiles, areæ custodes, inviros renitentesque pugiles in eos, unde in pugnam descenderant, areæ angulos reducunt. Quumque de victoria ac honore inter eos orta esset controversia, Cæsar eam sua autoritate diremit, utrumque honori satis fecisse, neutro victore pronun-

ciato

ciato affirmans. Exinde Conestablis in arcem descendit, ac deauratâ virgulâ summa cum reverentia è terra collectam, capitis sui tegumento impositam, procidens ante Cæsarem in genua, dextramque ejus exosculans, virgulam quoq; deosculatam ei reddit. Jubet Cæsar pugiles invicem conciliet, inq; veterem amicitiam reducat, idemque eis suo nomine præcipiat. Ea enim de causa se pugnam diremissee, quod uterque fortissimè ac generosissime rem gessisset. Habere se utrumq; pro forti honorato ac nobili viro. Proinde cupere se ac jubere, dimissa omni inimicitia, animique acerbitate, posthac inter se amice vivant, ac ab omni in cæterum pugna abstineant. Possè enim eos, qui vires experiri, pugnisque honorem quærere volunt, id contra Mahumetistas, Christiani nominis perpetuos hostes, majori cum honore, ac certa animæ cum salute facere. Conatus est Conestablis omni ratione Cæsaris mandatum exsequi: sed quum eos nullam admittere rationem, nec Cæsari hac in re obedire velle videret, utrumq; eodem momento arma exigi jubet, idque per eam, qua intrant portâ, magna constituta pœna, si posthac armis inter se congressi fuissent. Tentatum est postea non semel à viris magnis, in gratiam redirent, sed frustra. Quam ob pertinaciam iratus Cæsar, utrumq; in vincula conjici jubet: manserèque, donec datis dextris invicem amplexi, inimicitiam se deponere testati essent. Sed ex animo id non processisse, si multas ad alterius usque mortem gestas, probe docuit.

EXEMPLA MONOMACHIÆ ILLU-
STRIA, EX VULSONII LIBRO GALLICO,
qui inscribitur Theatre d'honneur,
& de Chevalerie.

Tom. II
pag. 265.



Ilhelmus Comes Augiæ, alias de *Anco*, vulgo di-
ctus *d'Eu*, conjurationem init cum *Roberto*
Mulbrer, Comite Northumbriæ, de ejciendo
tollendoque rege *Willelmo Juniore*, filioque ami-
tæ suæ *Stephano de Albermarlio* in solio collo-
cando. Octobris (forte *In Octavis*) ergo Epi-
phaniæ, anno gratiæ 1096, rege una cum omnibus Angliæ Baro-
nibus celebre agentibus concilium *Sarisberæ*, *Gaufridus Bay-*
nard prodicionis postulat Comitem *Willelmum*, provocatq; ad
duellum: in quo ignave se defendens Comes, a Gaufrido victus
est; jussuq; regis & Concilii eruuntur illi oculi, testiculi que abscein-
duntur; dapifero suo *Willelmo de Adari*, filio amitæ ejus, acri-
ter flagellato & suspensio. *Ex antiquo MS. in Henrici Spel-*
manni Bibliotheca invento.

pag. 292.

Gontranus Rex Burgundiæ, in saltibus *Vogesi* montis venatio-
ni indulgens, vestigia bubali occisi vidit, & saltuum Præfecto ira-
tus, torturæ cum subjecit, ut ab eo extorqueret, quisnam hujus
sceleris esset auctor. Ille *Chaudunum* è Cubiculariis regiis nomi-
natus qui captus & *Cataulunum* adductus, cum in tortura con-
stanter negaret factum, uterque duellum poscit, quod etiam rex
concessit, *Chauduno*, membris ex tortura luxatis, nepotem substi-
tuyente. Primo concursu Præfectus saltuum hasta haud leviter vul-
neratus fuit: cui in terram projecto cum incumberet alter, Deo ita
disponente, dum cum illo luctatur, proprium gladiū in imo ventre
excepit, & cū adversario uno pene momento extinctus est. *Chau-*
dunus

dunus fuga sibi consulere cupiens, cum in asylum, S. Marcelli ecclesiam se recipere vellet, regis iussu comprehensus, & patibulo affixus fuit. Ex *Audiguerii libro de Duellis.*

Raymundus Berengarius, Barcellonæ pro innocentia *Mech-* Pag. 196.
tildis, conjugis *Henrici V.* Imperatoris, duellum iniit, cum quodam Imperatoris Cubiculario, quædam de amore interpellatam, cum acerbius exciperetur, postea publice de adulterio accusavit. Cum nemo enim repertus esset, qui eam defendere vellet, *Raymundus* unico comite itineris assumpto, monachali vestitus tunica, ut ad Imperatricem, turri quadam inclusam, tanquam confessionis ipsius audiendæ causâ, intromitteretur, obtinuit, & postquam innocentiam deprehendisset, cum accusatore depugnavit, eumque vicit, & ad confitendum scelus cœgit. Ex *Alphonfi Ulloæ libro Del vero honore militare*, anno 1569. *Venetis* edito.

Carolo quinto (*Sapienti dicto*) *Galliarum* regi, duo fuere aulici, alter Pag. 300.
nomine *Macarii* Equitis, alter *Alberici de Montdidier*. Hunc impensiori favore prosequabatur rex: unde alter invidia furens, tandiû ei est insidiatus, donec in quadam silva (*La forest de Bondis*) eum, unico cane venatico comitatum, nactus, ex insidiis occidit, coque ipso in loco terræ mandavit. Canis vero ille ex eo loco nunquam nisi fame coactus, recessit: sed tum heri amicos quærens in urbe *Parisiensi*, sedata fame, ejulans ad Domini sepulcrum rediit. Donec tandem suspicione hac de re, præsertim *Alberico* nusquam comparente, orta, quidam amicorum, cane indice, corpus ipsius inventum, digniore sepultura honorarunt. Canis vero ab eo tempore cum amicis & cognatis heri versari cœpit, & quoties homicidam conspiceret, in eum rabidis latratibus irruens, occidere conabatur. Quæ res tandem omnibus de *Macario* suspitionis causam præbuit, ita ut & ipse rex in eam sententiam adduceretur, singulâri duello *Macarium*, fuste armatum, cum cane hanc controversiam decidere debere. Canis autem *Macarium* jugulo

comprehensum, scelus fateri coëgit, qui & tanquam homicida Judicum sententia punitus fuit. Historia hæc *Montargii*, in pariete Regis jussu depicta est, eamq; picturam exhibet Auctor, pag. citata.

Pag. 305. *Wilhelmus* Dux Hanoniæ in urbe *Quesnoy* anno 1405. (duellum permisit inter duos nobiles, quod *Bournechtus* Hanoniensis, *Sobierum Bernagium* Flandrum accusaret, de proditorie occiso quodam suorum cognatorum. *Bournechtus* vicit, & alter factum confessus, & morte punitus est Judicum sententia. *Monstreletus* in *Histor. Car. VI. cap. 23.*

Pag. 313. Urbis Valentianæ (*Valenciennes*) privilegium est, ut si quis suum tandi causa aggressorem occiderit, liceat ipsi vel à Magistratu, vel à Principe Hanoniæ, vi istius privilegii petere licentiam scuto & fuste (*à l'ecu & aubaston*) depugnandi cum accusatore, se moderamine inculpatæ tutelæ usum esse. *Phllippo Bono* Burgundiæ Duce, quidam civis illius Urbis, *Mahuot* nomine, occiderat cognatum cujusdam *Iacotini Plourvier*, qui ex lege & privilegio Valentianensi duellū cum ipso petebat permitti, probaturus, cum ex insidiis & proditorie occidisse cognatum suum. Ipse Dux hujus Duelli spectator esse voluit, in quo *Mahuotus* occubuit.

DE PLACITO ENSIS.

Pag. 301. Sic appellabant Juri *Decisum Senatus*, de acceptando pignore, nempe chirotheca ferrea, quam accusans aut provocans porrigebat, & provocatus acceptabat, & vice versa; idq; publica autoritate Parlamenti regii: quale exemplum producit ex *Regesto Curie Parlamenti*, cujus initium est: *Parlamentum Paris. inceptum anno Dom. 1343.* Breviter ita habet: Die Lunæ 15. Decembr. coram Rege comparuit *Henricus DU BOIS*, Eques, cum *Johanne de Verwirs*, Equite, presentibus *Petro de S. Gilles* Conestabili, aliisq; summi ordinis viris, & conquestus est, *Johannem* Regi retulisse, se ab *Henrico* beneficio constrictum, & *Henricum* ejusmodi artes callere, in tantum, ut si vel tangat aliquam feminam, ipsa cogatur ipsius libidini obsequi, Hoc *Johannem* in eum fi-

nein dixisse, ut *Henricum* ab aula submoveret, & diffamaret; Proditorio itaque egisse, Uterq; itaq; coram Rege chirothecam projecit. Consilio habito judicatum est, pignus acceptandum, & *Henricum du Bois* esse provocantem: jussiq; sunt ambo vadimonio se sistere, neque ex aula prodigere, datis fide jussoribus, qui sub amissione vitæ & bonorum promittebant, se stituros utrumq;. Utrum autem duellum illud peractum, an vero amica compositione abolutum sit, non memoratur in dicto *Regeſto*.

Sub *Carolo VI.* ejusmodi *Placitiensis*, inter duos Normannos Equites contracti, exemplū contigit. *Johannes Carrongius* formosissima uxore domi relicta, contra infideles pugnabat: *Jacobus de Gris*, Ducis *Alençonii* pociſſator, uxore illam deperibat, & cum ipsius famulam corrupisset pecunia, postquam studio super cœnam domino poculum porrigens id in vestimenta profudisset, ab eo noctu in cubiculū dominx introducitur, quā vi constuprat. Sex milliariis distabat domus Carronges ab urbe *Alençonis*. Tanta vero diligentia usus fuit *le Gris*, ut mane adesset Duci è lecto surgenti; & cum aquam manibus lavandis porrigeret, iterum studio eam in Domini vestes effudit, quasi temulentus esset. Carrongii uxor redenti marito conqueritur, quod ipsi a *le Gris* vitium oblatū. Carronges eum coram Parlamento accusat, qui factum negat, impossibile esse dicens, se Carrongii domum ingressum, cum & vespere antecedente, & subsequente die, domi non praesto fuisse, quod effusis aquæ & vini signis domino in memoriā revocabat. Cum tamen in affirmando Carrongii & uxor perſisteret, deficientibus argumentis, armis res de mandata fuit, vadimonio & pignore supra relato, contractis. Carrongius vicit adulterum, & factum sateri cœgit, qui propterea morte punitus fuit. Sic *Frossardus* & *Monstreletus*. Sed *Johannes Juvenalis de Ursinis*, Archi Episcopus Rhemensis, qui eodem tempore vixit, & magna in aula ista auctoritate polluit, testatur, postquam uxor Carrongii juramentum pro affirmativa, & *le Gris* pro negativa praestitisset, victo *le Gris*, cum is lamentabiliter innocentiam suam testaretur, Deumque ad animæ damnationem testem vocaret, Carrongium tamen uxoris juramento plus credentem, ense ipsum transadegisse. Postea tamen alium quendam, in mortis articulo constitutum, confesſum esse pluribus, se vi constuprasse Carrongii uxorem, & *le Gris* hujus rei innocentem esse.

In vita Caroli VI. Gallie Regis, &c.



Von dem Kampff, Plaz zu Schwäbisch Hall im Kochenthal.†

Sebast.
Munsterus
Cosmogra-
phiae suae
libr. III.
pag. 808.
641699.

In Reichs-Stadt ist Hall im Kochenthal/hat eine eigene Münz/die geht nicht weiter dann so fer ihr Gebieth sich strecket. Es hat diese Stadt gar lössliche Salz/Pfannen/und das Salz salzet gar wol/ist klein und weiß/das führet man in Francken und an den Rheinstrom. In dieser Stadt ist ein Kampff-Bericht/wenn zwey Edel/Rittermässigemit einander kämpffen wollen um Ehr und Glimpff/und wird diese Ordnung darinn gehalten. Nachdem ein Erbar Racht daselbst von Keysern und Königen vor vielen Jahren gestreuet ist/so sich also zween Edel Ritter/mässig mit einander verwilligen/und beyd ein Rath um Plaz und Schirm bitten/schreicket ihnen ein Racht der Meynung. Ihr Schreiben und Begehr hab ein Racht gehört/und der Unwill zwischen ihnen sey ihm leyd/wolten gern daß sie von ihren Fürnehmen abstünden/und bitt sie mit allen Fleiß des zu überheben/und sich sonst einander ehrlicher und ziemlicher Weiß/Mittel und Weg/zu vereinigen/daß woll sich ein Erbar Racht zu ihnen verseyhen/das begehre ein Racht um sie zu verdienen. Und da sie beyd wieder schreiben und bitten der Meynung wie vor/und nicht wollen abstecken/auff daß schreibet ihnen wieder ein Racht wie vor. Und ob sie weiter auff ihrem Fürnehmen beharren/so benennet ihnen ein Rath ein Tag darauff zu erscheinen/ihr beyder Alag/Ansprach und Anliegen gütlich zu verhören. Und so sie den Tag annehmen zu kommen/und alsdann darauff erscheinen/so hört ein Rath ihr Anliegen/und nach Verhörung thut ein Racht möglichen Fleiß sie in einander

ander Mittel und Weg gültig oder auff das Rechte zu vereinigen.
 So daß aber je mit sein Will / und so sie nit von ihrem Fürnehmen
 absehen / und ein Rath nit erlassen wollen / so saget ihnen ein Rath
 Platz und Schirm zu / und benennet ihnen ein Tag zu kommen. Und
 so sie kommen / und ist ihr Sitzgehr wie vor / so müssen sie beydeschwe-
 ren zu G. D. / ihrem Fürnehmen gestrackt auff den bestimmten Tag
 folge zu thun / und benennet ihnen / jeden ein Anzahl Leut / mög er mit
 ihm bringen / und nicht mehr Personen / denn ein Rath / ihn zulassen
 gefällig ist. Auff die selbig Zeit laßt ein Rath den Markt oder Platz
 mit Sand beschütten und umschranken / und jedem ein Hütten da er
 mit den Griechwarten und seinen Verwandten seyn mög / machen /
 und jedem ein Todten - Bahr mit Kerzen / Bahr - Tücher und an-
 dern Dingen die zu einer Leiche gehörend. Es wird auch ein jeden
 seines Gefallens / ein Beicht - Vater / zween Griechwarten / und einem
 als dem andern gleich Hainisch und Wehr zu gelassen / oder mögen
 sich des als selbst zu Kopf oder Fuß vereinen / wie sich deßhalb in Schrift-
 ten versprochen und zugesagt haben. Und alsdann in gegen ihren bey-
 den laßt ein Rath / als gleich Schutz und Schirm / öffentlichen ausruf-
 fen und verkünden / daß niemand schrey / laut / wink / oder sonst Zei-
 chen thu und gab. Und welcher das nit thut / den wolle ein Rath durch
 den Nachrichter / der dann gegenwärtig seyn soll / mit ein Handbeyl
 und Block die rechte Hand und den linken Fuß abhauen lassen ohne
 Gnad. Es werden alle Thor verschlossen / alle Thüren / Wehr und
 Mauren / besetzt / und alle Gassen mit eyßen Ketten durchzogen / be-
 wart und versehen. Weiter wird verbotten und bestellt / daß kein
 Frauen - Bild noch Knab / unter 13. Jahren alt / darben seyn oder zu-
 sehen gestau werde. Alsdann bestimt ein Rath ihnen beyde Stund
 auff den Platz in sein Hütten zu kommen / mit seinem Beicht - Vater
 und Griechwarten / und verwechselt alsdann ein Griechwarten und be-
 fellicht jedem in sein Hütten zu gehn / und auff das allerheftigst mit
 allem Streiß auffmercken zu haben / daß keiner wider der andern Un-
 treth /

erem / sonder Gefahr nach Vorthail der Wehr und Wassen suchet
thun / noch hab in kein Weiß noch Weg. So das alles geschicht also
dann laß man sie gegen einander austretten / und wird beßelt mit lau-
ter Stimmedrey mal zu ruffen. Zum ersten / zum andern / und zum
dritten mal / so wenden sie einander an. Welcher verwundet wird und
sich dem andern ergibt / der soll hinführo geachtet werden Ehr. loß /
auff kein Pferd mehr sitzen / kein Varscheren / noch Wassen oder
Wehr tragen / auch zu allen Ehren untüßlich. Und welcher todt liegen
bleibt / und also wie lauter überwunden wird / der soll zur Erden ehr-
lich bestattet werden. Und dieser der also oblige / der soll sein Ehrge-
nussamlichen bewert haben / auch forthin ehrlicher gehalten werden.

Anno Christi 1005. hat Jost von Burgaw und Georg Hail zu
Hall kämpfft auff dem Viechmarck / am nechsten Freytag nach S. Ge-
orgen Tag / lag Görg Hail ob / und Jost von Burgaw blieb biß an
den Donnerstag und starb. Darnach haben aber zween Edeln mit
einander kämpfft in grünen Röcken ohn Harnisch / da ergab sich ei-
ner dem andern. Weiter hernach haben zween Edlen / einer Greuter
geheissen / der ander Baustetter / mit einander kämpfft / und ist der
Greuter obgelegen / und auff den Rnyen von der Wallstatt gangen
in ein Capell unser lieben Frauen zu Hall am Capellen Thor / daß
ihm die Rnye bluteten. Darnach haben zween Edlen / einer von
Münchingen / der ander von Pappenburg mit einander kämpffen
wollen / die sind von einem Raht zu Hall abgethädiget und vertragen
worden. Ein ander Kampff. Plaz ist zu Würzburg in Francken-
lande / wie aber daß in viel ander Gestalt gebraucht und gehalten wird /
laß ich von Kürtze wegen hie ansehn. Item zu Onspach bey
Nürnberg soll auch ein Kampff Ort seyn / aber ich
hab nichts gewisses biß hieher
erfahren.

FINIS.

